

# WANT

NIUSPEPA BILONG YUMI OL PAPUA NIUGINI STRET! 27 YIA NAU

32 pes

Namba 1,327

Wik stat long Fonde Desemba 2, 1999

70t

**Yia 2000  
baset ripot**

pes 2 na 3

**Ol  
Hailans  
nius**

pes 7

**Ol  
Palamen  
ripot**

pes 10

**4 pes  
Wol  
AIDS  
De**



**Taim bilong malolo ... • Ol skul pikinini long Wes Goroka elementeri skul i bilas long makim de bilong pasim skul long las wik. Poto: Sape Metta.**

## Gavman pasim K3 bilien baset bilong yia 2000

**ROSALYN ALBANIEL i raitim**

MORAUTA na Pundari Gavman bai yusim K3 bilien insait long 2000 baset.

Insait long dispela baset we gavman i stretim, ol i hapim mani i go long 6-pela sekta tasol long stretim sosel sevis insait long kantri. Ol hap we ol i makim long putim moa mani i go insait em long sait bilong: Helt, Edukesen, Infrasktraksa, Agrikalasa, Plis, na sait bilong kamapim moa mani.

Sir Mekere i tokaut tu olsem gavman bilong em bai yusim mani insait long 2000 baset olsem:

- Mani we gavman i gat na i kisim long ol arapela gavman i stap olsem K2867 milien;
  - Mani ol i skelim long baim bek dinau em K413 milien;
  - Mani gavman bai yusim long karim aut wok em K3082 milien. Aninit long dispela ol i skelim i go moa olsem:
    - Ol nesenol dipatmen bai kisim K1070 milien;
    - Provinsol Grent o mani gavman i skelim long olgeta provins i sanap olsem K517 milien;
    - Mani gavman i yusim long baim bek interes em K381 milien;
    - Mani gavman i putim insait long developmen baset em K903 milien; na
    - Mani gavman i putim i go insait long Strakserel Ajamen Program em K101 milien.
- Insait tu long Baset 2000, Sir Mekere i tokaut kilia olsem ol i no inap long kisim moa mani long Sentrel Benk, olsem ol gavman bilong pastaim i wokim, bilong wanem ol dinau ol gavman bilong pastaim i bin mekim i bin go antap tru.

# Money Rain tokaut long baim ol investa

OL lain husat i bin putim mani bilong ol wantaim Money Rain bai kisim mani bilong ol wantaim profit klostu.

Dispela em hap toktok i kam long bos bilong Money Rain kampani, Flitz Lloyds Sanau long dispela wik Tunde.

Mista Sanau i tok olgeta wok bilong stretim rot bilong wanpela grup, namel long ol em wanpela gavman opisa, bilong go long Amerika na kisim mani i kam long PNG i orait pinis.

"Mi laik tokaut klia long ol lain husat i bin putim mani wantaim Money Rain olsem ol dispela lain bai kisim bek mani bilong ol wantaim winmani taim mani i kamap long Amerika," Mista Sanau i tok. "Mi save olsem ol samting i no isi ... long wanem rot

bilong mi long wokabout i go ausait long kantri i no klia na stretim rot bilong mani long kam insait long PNG bilong baim ol investa.

"Sapos i bin gat tok orait bilong mi long lusim PNG na go long ol arapela kantri, ating em longtaim yet bai Money Rain i baim ol lain husat i putim mani bilong ol wantaim mipela.

"Mi laik askim olgeta investa long gutpela wokbung na belisi bilong yupela inap long taim olgeta samting i stret."

Olsem em i bin tokim bikpela bung long las mun long Mosbi, Mista Sanau i tok i no gat inap mani insait yet long kantri bilong baim olgeta lain husat i bin putim mani long Money Rain. Na em i mobeta long dispela

grup bilong em long lusim kantri na go long Amerika bilong bringim sampela moa mani i kam bilong baim olgeta lain.

"Ol ovasis lain i no save givim mani i go long ol arapela lain long laik tasol. Nogat. Ol dispela lain i gat namba long wok bilong ol na mipela mas bihainim tasol lo bilong ol ... mipela i bihainim gut dispela pinis olsem na olgeta rot i klia bilong mani long kam insait bilong baim ol investa bilong Money Rain klostu."

Mista Sanau i tokaut klia tu olsem ol dispela stori olsem em bai i no inap kam bek long PNG i no tru. Na, i luk olsem, em bai i no inap go wantaim dispela grup i go long Amerika. "Mi no inap go long wanpela hap bikos olgeta pepa bilong mi

long raun wantaim paspot bilong mi i stap long han bilong ol opisa bilong gavman.

"Tasol mi stretim toktok pinis wantaim ol lain long Amerika bilong grup bilong mi long go na lukim ol, wanem samting i kamap nau i stap long han bilong ol lain husat bai makim maus bilong mi long hap," Mista Sanau i tok.

"Tasol, mi wantaim olgeta wanwok bilong mi i gat bilip long dispela grup olsem ol bai mekim wok na bringim mani i kam bek bilong baim olgeta investa.

"Mipela i gat bikpela bilip tu bilong tokaut klia long ol investa bilong Money Rain olsem yupela olgeta bai kisim mani wantaim winmani bilong yupela."

# PLIS RIPOOT

Lae:

Wewak plis i bin holim pasim wanpela man husat i bin ranowe long haus kalabus long tripela yia i go pinis. Dispela ranowe man em Samuel Raikau 23 krismas bilong Passam ausait long Wewak. Em i bin ranowe long Boram haus kalabus long 1996. Kot i givim 7-pela yia long Raikau long stap long kalabus bihain long em i wokim stil pasin long Sipik haiwe.

Is Sipik plis komanda Sief Inspekta Leo Kabilo i tok plis i holim pasim Raikau bihain long em i wokim wankain stil pasin long Sipik haiwe long las wiken.

"Plis i holim Raikau long sem ples we em i bin wokim stil pasin long bipo", Mista Kabilo i tok. Mista Kabilo i tok tu olsem plis i kisim wanpela sotgan we Raikau i yusim bilong wokim stil pasin. Na tu plis i bilip olsem wanpela poroman stilman bilong Raikau em wanpela difens fos soldia bipo na em i raun wantaim wanpela AR15 gan.

Mista Kabilo i tok plis i redi long eskotim ol gavman ka na PMV taim ol i mekim ron bilong ol long haiwe. Mista Kabilo i mekim dispela toktok bihain long ol stilman i stapim wanpela helt ka na stilim olgeta pe mani bilong ol wokmanmeri.

"Mi no amama long draiva bilong haus sik ka husat i no harim tok bilong plis na i mekim ron bilong em long haiwe taim ol stilman i robim em", Mista Kabilo i tok.

Mista Kabilo i tok em yet i bin ron long haiwe wantaim ol plisman na stapim dispela helt ka long stap tasol driva i go het yet na painim dispela birua.

Lae:

Garamut treding, wanpela bikpela supamakot long Vanimo Is Sipik em paia i bin kukim olgeta long Tunde moning. Wes Sipik plis komanda Eugene Manguva i tok supamakot we paia i bin kukim i bin holim insait long en brens bilong Wes Pec Benk, wanpela holsel mat, wanpela ples kaikai (fast food) na arapela em ol opis blok.

Mista Manguva i tok bikpela paia i kukim supamakot olgeta tasol i no gat wanpela man o meri i kisim bagarap. Mak olsem K1 millien i lus long dispela paia.

Vanimo i nogat paia stesen olsem na i nogat we bilong pait wantaim bikpela paia long rausim na savim sampela samting bilong supamakot.

Menesa bilong Garamut treding Mista Pilip Tjeong i no bin stap klostu long givim sampela ripot bilong bagarap bilong supamakot.

Long wankain taim ol plis long Madang i holim na sasim wanpela man bilong Bari ples insait long Bogia distrik long kukim wanpela haus prais bilong em inap olsem K124,757.

Provinsel Plis Komanda bilong Madang Ben Simanjon i tok dispela saspek man i bin kukim dispela haus bihain long wanpela kros i kamap namel long em na papa bilong dispela haus.

Mosbi:

Deputi Plis Komisina bilong operesen Sam Inguba i tok em i tru olsem sampela man i wok long poretim laip bilong oposisen lida Bill Skate. Mista Inguba i tok Ekting NCDC Administrata Jamie Maxtone-Graham i bin kisim dispela kain poret tok tok tu. Mista Inguba i tok dispela em wankain pasin i save kamap taim sampela kain bikpela wok investesen i kamap. Tasol Mista Inguba i tok plis i luksave olsem dispela em bikpela samting na i wok long glasim gut i stap. Plis i laik glasim gut dispela hevi long wanem i bin gat planti kros toktok i bin kamap namel long Mista Skate na Mista Graham. Long sapotim toktok bilong komisina Wakon, Mista Inguba i tok em i no wok bilong plis i bihainim Mista Skate o ol lain famili bilong em long olgeta hap.

## 2000 Baset ripot wantaim ROSALYN ALBANIEL na WENCESLAUS MAGUN

# VAT bai helpim ol provins

VAT o 'Value Added Tax' long tok Inglis bai helpim olgeta provinsel gavman long kantri, Praim Minista na Minista bilong Fainens na Treseri, Helt, Envaimemen na Konsevesen, Sir Mekere Morauta i tok.

Sir Mekere i tokaut long dispela insait long 2000 Baset ripot bilong em long Palamen long Tunde.

Long Julai 1999, Nesenel Gavman i bin tok orait long kisim VAT wantaim astingting bilong kisim inap mani bilong kirapim na ronim ol gavman sevis insait long kantri. Dispela tingting bilong gavman long dispela yia i karim kaikai na Sir Mekere i bilip VAT bai kisim moa mani i go insait long gavman long narapela yia.

Em i tok long pinis bilong Januari 2000, pe bilong VAT long wan wan provins bai go antap long 22.5 pe sen. Dispela mak bai go antap long olgeta wan wan mun i kam bihain.

Bipo long Nesenel Gavman i kamapim sistem bilong VAT, ol provinsel gavman i save kisim 3 pe sen "Provinsel Sales Tax",

nau sapos toktok bilong Sir Morauta i tru, ol provinsel gavman bai kisim 19.5 pe sen moa takis mani we ol i no bin save kisim bipo.

Sir Mekere i tok dispela nupela VAT i moa antap long 'Sales Tax' we wan wan provinsel gavman i save kisim bipo long gavman i kamapim VAT sistem.

Em i tok antap long dispela, Nesenel Gavman bai baim kos bilong olgeta wok ol wok man na meri bilong gavman i mekim bilong kisim VAT.

"Mi laik mekim komitmen long olgeta Gavana olsem mani bilong VAT i go long ol provins bai i go long taim," Sir Mekere i tok.

Em i tok long wan wan mun, wan wan provins bai kisim wanpela sek mani i kam long Internal Revenue Commission (IRC).

"Dispela sek mani bai i go long ol provins olgeta taim na i no inap kosim ol provins wanpela samting. Ol provins bai kisim moa mani we i moa antap long Provincial Sales Tax' we ol i save kisim bipo," Sir Mekere i

tok. Sir Mekere i tok tu olsem wok bilong VAT long dispela taim i stat isi na i liklik yet.

Em i tok olsem olgeta takis sistem, planti paul tingting bai kamap na ol hevi ol i nogat plen long bungim bai kamap tu.

Tasol em i tok: "Mi redi long long sekim na stretim olgeta hevi na wari i kamap we mipela i luksave long ol. Mipela i luksave long sampela pinis, na long las wik tasol, kabinet i givim tok orait long noken putim VAT long olgeta pasin bilong wok marimari, helpim i kam long ol arapela kantri na long ol skul insait long kantri."

Sir Mekere i go het na i askim bos bilong 'Taxation Review Committee', Sir Nagora Bogan long glasim wok na ol hevi o wanem samting VAT inap kamapim.

Em i askim tu ol memba bilong palamen, ol komyuniti lida na ol bisnis lain long givim em tingting bilong ol long VAT we gavman bilong em i ken yusim long stretim na kamapim gutpela VAT sevis long kantri.

## 2000 Baset bai stretim ol asua, Sir Mekere i tok

WANPELA bikpela astingting bilong 2000 Baset em bilong stretim ol asua ol gavman i go pas i bin mekim. Long dispela as, Praim Minista Sir Mekere Morauta i tok em i kolim 2000 Baset wanpela Baset bilong Stretim ol Asua.

Em i tok 2000 Baset bai klinim ol asua we ol gavman i go pas i mekim kain olsem pasin bilong yusim moa mani i no stap insait long baset, baim bek ol dinau, baim bek ol mani gavman i no bihainim lo na i kisim olsem dinau mani, na kisim bek mani long ol eria we gavman i no sapos long yusim moa mani.

"Dispela 2000 Baset i helpim yumi long stretim ol rong yumi bin mekim long bipo. Dispela baset bai putim oda long haus bilong yumi. Em bai stretim as bilong yumi long gro," Sir Mekere i tok.

Em i tok gavman bilong em i bilip olsem long yia 2000 olgeta namba bilong 'Gross Domestic Product (GDP)', bai i go antap long 4.7 pe sen.

GDP i toktok long olgeta win mani gavman bai mekim insait long kantri long wanpela yia.



• Sir Mekere.

Sir Mekere i tok insait long ol eria ausait long wok bilong main, gavman i bilip ol bai kisim moa long 4.4 pe sen. Dispela em i antap long 1999 Baset we gavman i kisim 0.7 pe sen tasol long GDP.

"Mipela i bilip olsem long yia 2001, GDP bai i go antap long 5.5 pe sen. Dispela bai helpim long kamapim moa wok na mani bilong kantri tu bai i go bikpela na kamap strong," Sir Mekere i tok.

Em i tok taim ol dispela samting i kamap, planti pipel long kantri bai stretim sindaun bilong ol.

## 2000 Baset bai stretim ol sosel sevis

PAPUA Niugini em wanpela kantri long Saut Pasifik we i gat bikpela hevi bilong sosel sevis. Tasol em i no stret. Praim Minista Sir Mekere Morauta i tok PNG i gat planti neserel risos olsem wail bus, pis long solwara, gol, silva, nikel, kopa, wel, ges na planti ol arapela kain risos na kantri i nogat as bilong stap olsem wanpela rabis kantri.

Long dispela as em i tok insait long 2000 Baset bilong gavman bilong em na Pundari, ol bai senisim dispela kos bilong we kantri i bin go bek bipo. Insait long dispela 2000 Baset, em i tok ol bai kamapim na bringim moa sevis i go long ol ples na setelmen insait long kantri.

Em i tok gavman bilong em i rausim mani we olpela gavman i putim i go insait long bringim moa dinau i go long gavman na putim i go insait long ol sevis eria we inap bringim moa helpim i go long ol pipel.

Sir Mekere i bilip long yia 2001 dispela tingting bilong em bai karim kaikai.

"Mi sori long tokaut olsem bikpela namba bilong ol risos bilong yumi insait long 2000 Baset em bai lus nating bikos long sampela rot we ol gavman i bin go pas i no bin bihainim stret taim ol i bin pasim baset bilong ol," em i tok.

Sir Mekere i tok gavman bilong em bai bekim bek dinau long mak bilong K786 milion we ol arapela gavman i bin mekim i go pinis. Dispela em i olsem 22 pe sen bilong olgeta mani gavman i gat bilong yusim long kamapim gutpela sevis.

## 2000 Baset bai bekim bek K100 milien dinau

NARAPELA bikpela hevi gavman bilong Sir Mekere na namba tu bilong em John Pundari i laik stretim em bilong bekim bek K100 milien dinau ol gavman bilong bipo i bin mekim.

Sir Mekere i tok bikpela mani bilong bekim bek dinau bai i go long baim ol lain i PNG Difens Fos na Plis Fos i gat dinau long ol, ol dinau bilong baim ol lain i kotim gavman, na dinau gavman i gat long ol kampani na stuturi bodi we gavman i yusim wara na pawa sevis long ol tasol i no bin baim dispela ol sevis.

Tasol Sir Mekere i amamas long tokaut tu olsem gavman bilong em na Mista Pundari i gat plen long daunim ol

dinau gavman i save kisim long ol bisnis haus na ol arapela lain insait long kantri yet.

Em i tok tu olsem win mani bilong ol benk long ol dinau long ol benk bai i go daun na dispela bai daunim pe bilong bekim bek dinau long ol benk long yia 2001 long mak bilong K120 milion we bai i no wankain long yia 2000.

Sir Mekere i tok pasin gavman bilong em na Mista Pundari i mekim bilong bekim bek ol dinau i soim olsem long yia 2001, gavman i ken go het long yusim moa mani long mak bilong wan kuasa bilong wan bilion Kina long bringim kamapim ol wok developmen long kantri.

## Ol Memba bai kisim K1.5 milien bilong RDF

2000 Baset bilong Sir Mekere Morauta i skelim K143.5 milion i go long Rurel Developmen Fan. Wantaim dispela mani wan wan Open Memba bai kisim K1.5 milion na wan wan Rijinel Memba bai kisim K500,000.

Tasol Sir Mekere i tok wantaim dispela mani, gavman bilong em bai glasim gut rot na pasin wan wan memba i mekim bilong yusim RDF mani bilong ol.

"Dispela ol mani i ken bringim gutpela helpim i go long ol eria long ples. Ol i mekim pinis. Tasol olsem wanpela gutpela gavman, yumi mas glasim ol wari planti ol pipel long kantri na ausait long kantri i autim na soim wanem kain gutpela wok RDP i ken mekim," Sir Mekere i tok.

Em i tok nau yet gavman bilong em i glasim ol rot bilong skelim RDP mani i go long ol memba.

"Mipela i plen long yusim wanpela kain rot tasol long kantri, bihainim Distrik Developmen Program we bai lukim olsem ol i yusim gut mani long gutpela rot, na dispela sevis i bihainim astingting bilong gavman bilong bringim ol sevis olsem eduken, helt, wara saplai, pawa, na ol kain sevis olsem i go long ol pipel," Sir Mekere i tok.

Em i tok gavman bilong em i gat tingting bilong yusim ol bikpela wok na bungim wantaim RDP mani wantaim ol arapela mani ol i kisim long ol lain i gat laik long helpim bilong kamapim gutpela sevis we i ken helpim planti pipel long komyuniti.

## Sosel na Infrastraksa sevis kisim moa mani

65 PE SEN bilong olgeta mani insait long K3082 milien we gavman i plen long yusim long 2000 Baset bai i go long sapotim helt, eduken, praimer industri, infrastraksa mentenens, lo na oda na rot bilong kisim mani.

Praim Minista Sir Mekere i tok olsem gavman bilong em i givim bikpela luksave long ol dispela eria insait long 2000 Baset.

Em i tok 12 pe sen bilong olgeta mani ol i save yusim long bringim sevis i save go bek long baim interes na dispela i save lusim gavman wantaim 23 pe sen long karim aut opis wok na ol arapela kain wok olsem.

Sir Mekere i tok em i laikim ol pipel bilong PNG i mas luksave olsem gavman bilong em i gat sampela gutpela tingting na plen bilong yusim gut mani long ol sevis we ol pipel i gat bikpela laik tru long em na i no yusim nating mani long laik.

# WANTOK

All departments. Phone: 325 2500 - Fax: 325 2579  
P. O. Box 1982, Boroko, NCD, Papua New Guinea



Publishing Weekly, Thursday, for  
Word Publishing Company Ltd.

Printed and published by Anna Solomon of Bittern Place, Gordons, at Allotment 2, Section 219, Spring Garden Road, Hohola, for Word Publishing Co. Ltd.

General Manager and Group Editor in Chief:  
Anna Solomon.  
Acting Advertising Manager:  
Jocko Oberleuter

Papers distributed by air throughout PNG.  
Available by air mail subscription within Papua New Guinea and overseas.  
Email address:  
word@global.net.pg

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.

2000 Baset ripot wantaim ROSALYN ALBANIEL na WENCESLAUS MAGUN

Sir Mekere kamapim Straksurel Rifom Program

GAVMAN bilong Sir Mekere Morauta i kamapim long namba wan taim Straksurel Rifom Program insait long 2000 Baset bilong en we i no bihainim tingting bilong Intanesenel Moniteri Fan na Wol Benk.

Sir Mekere i tok dispela em i namba wan taim tru wanpela gavman bilong PNG yet i kamapim wanpela kain rifom program.

Em i tok long 1991 gavman i bin bihainim Straksurel Edjasmen Program na long 1995, gavman i bihainim narapela Sosel na Ekonomik Developmen Program.

"Dispela tupela program, em ol ausait lain i mekim na givim mipela long bihainim. Mipela i no bin save gut tru long ol. Mipela i no bin karim aut olgeta tingting insait long dispela ol program," Sir Mekere i tok.

Sir Mekere i amamas long tokaut olsem ol developmen patna bilong PNG i amamas long Straksurel Rifom Program gavman bilong em i kamapim insait long 2000 Baset long wanem i gat gupela tingting bilong bringim ol sevis i go long ol pipel.

Em i tok insait long "Consultative Group" miting, ol developmen patna bilong PNG i promis long givim US\$300 milion long 1999 na 2000 Baset na US\$100 milion balens bilong sapot pe.

Sir Mekere i tok tu clsem ol dispela susa kantri i tok promis olsem ol i redi long givim gupela teknikel sapot long PNG.

Em i tok insait long dispela Straksurel Rifom Program, gavman bilong em i gat laik long kamapim:

- Gupela pasin bilong lukautim gavman na strongim ol han bilong gavman;
- Strongpela na gupela makro-ekonomik, ron bilong mani na strongpela baset;
- Gupela Pablik sekta rifom na stretim wok bilong pablik sekta; na
- Rausim ol samting i traim long stopim gupela rot bilong kamapim mani.

2000 Baset sapotim Praivetaisesen Program

GAVMAN bilong Sir Mekere i laik salim ol bisnis bilong gavman aninit long Praivetaisesen Program.

Em i tok astingting bilong dispela program em i bikos sampela ol bisnis han bilong gavman i no wok long mekim mani tasol i kosim bikpela mani long gavman long lukautim na ronim ol.

Sir Mekere i tok planti ol gavman bisnis i bilong open maket we ol i ken ron gut bihainim laik bilong olgeta pipel.

Gavman bilong em i amamas long planti tok pait i kam long Oposisen na ol Tred Yunion tasol em i tok long gupela bilong kantri na pipel bilong PNG, gavman bilong em bai lukim ingting bilong salim ol gavman bisnis na han bilong gavman i no mekim mani.

Ol bisnis haus mas wok bung wantaim gavman: Sir Mekere

...Ol i amamas long 2000 Base

PRAIM Minista Sir Mekere Morauta i tokim ol bisnis man na meri bilong Papua Niugini na ol arapela kantri insait long wanpela moning kaikai long Mosbi aste olsem 2000 Baset bai bringim gupela na strongpela 'macro-economy' we inap strongim na kamapim planti gupela bisnis long kantri.

'Macro-economy' em wanpela tok Inglis. Mining bilong dispela tok Inglis i olsem i mas gat gupela:

- Prais bilong ol kako na sevis;
- Skel bilong senisim Kina i go long ol arapela mani;
- Win mani long skel bilong mekim mani long arapela kantri; na
- We bilong kisim ol wok man na meri long mekim wok insait long kantri we i nogat lo na pasin bilong gavman long bagarapim. Tasol gavman bai go het long lukautim rait bilong ol wok man na meri olsem ol lo bilong lukautim ol wok man na meri long ples na taim bilong wok i stap o taim ol i sik, ol i mas go malolo na kisim marasin.

Sir Mekere i askim tu ol bisnis lain long mekim moa bisnis long PNG na wok bung wantaim gavman bilong em long strongim



Ol bisnis man na meri long PNG i putim ia long Praim Minista Sir Mekere Morauta long Baset 2000 long Mosbi. Planti ol i amamas long dispela baset. Foto: Isaac Ikuavi.

ekonomi na ol arapela sevis insait long kantri.

Em i tok 2000 Baset i soim olsem bai i gat moa wok na planti pipel bilong PNG inap painim gupela rot bilong kisim na mekim mani.

Sir Mekere i tok long 2001, gavman bilong em i bilip olsem ol bai kisim 5.5 pe sen bilong 'Gross Domestic Product' (GDP) long ol bisnis ausait long wok bilong main.

GDP i min olsem olgeta win mani gavman i save kisim long ol samting ol i save salim long PNG i go long arapela kantri.

Sir Mekere i tok tu olsem taim wok

bilong Queensland Gas paiplain na Ramu nikel na kobalt i stat long 2000, dispela bai bringim bikpela mani i kam long PNG na strongim strong bilong Kina.

Em i tok long taim em i kamap praim minista i kam inap tude, gavman bilong em i no mekim sampela samting long wok bilong ronim na kamapim ol lo bilong ronim mani insait long Bank bilong Papua Niugini.

"Dispela bai i go het yet. Benk bai stap independen olgeta na mipela bai mekim lo long lukim dispela i kamap tru," Sir

Mekere i tok.

Em i tok wanpela kantri long wol husat i save mekim gupela wok bisnis wantaim PNG em Australia maski taim kantri i save bungim planti hevi bilong mani.

"Mi gat bikpela bilip olsem olgeta samting bilong strongim 'macro-economy' long kamapim gupela wok i stap pinis insait long 2000 Baset," Sir Mekere i tok.

Em i tok tu olsem Straksurel Rifom Program em i wanpela bikpela samting tu bikos sapos dispela i no stap, olgeta tingting bilong 'macro-economy' bai i no inap karim kaikai.

Ol rifom bai strongim developmen: Sir Mekere i tok

GAVMAN bilong Morauta/Pundari i kamapim pinis sampela rot long traim long abrusim ol hevi we i wok long pasim wok bilong praivet sekta na developmen insait long Papua Niugini.

Praim Minista, Sir Mekere Morauta, i bin tokaut long ol dispela ol rot long tunde taim em i tokaut long Baset 2000.

Sir Mekere i tok olsem wanpela bikpela hap samting aninit long dispela rifom program we gavman i wok long luk long em, em long traim long rausim ol rot nambaut we i save pasim developmen insait long kantri.

Sir Mekere i tok olsem bikpela samting tu em long traim long kamapim sampela gupela rot tu long traim long helpim ol praivet sekta. As bilong dispela em i tok em bikos ol dispela lain i save wok hat tru long traim long bringim developmen na mani i kam insait long kantri.

I gat 5-pela rot we gavman bilong Morauta/Pundari i wok long traim long

wokim;

• Glasim na skelim takis sistem insait long kantri;

• Go het wantaim praivetaisesen program bilong em;

• Kamapim hariap dispela tarif rifom;

• Kamapim sampela nupela lo long traim long strongim ol benk na ol lain husat i save wok na lukautim sait bilong mani insait long kantri; na tu long traim long

• Kamapim sampela gupela ol rot nambaut long helpim praivet sekta wantaim wok bilong ol.

Bikpela samting we i save bringim planti hevi long wok bilong praivet sekta na wok bisnis bilong ol em takis ol i save baim long gavman.

Sir Mekere long taim em i tok aut long baset i tok olsem gavman i kamapim wanpela takis komiti. Man husat ol i makim long go pas long dispela wok painim aut

na glasim em i olpela Komisina Jenerol bilong Intenol Revenyu Komisen (IRC), Sir Nagora Bogan.

"As bilong kamapim dispela komiti em long traim long tilim gut takis bai hevi i no inap stap tumas wantaim sampela lain tasol," Sir Mekere i tok.

Em i tok olsem Nesenol Eksekutif Kaunsel (NEC) i givim pinis tok orait bilong ol long dispela komiti long karim aut dispela wok. Ol i givim tu tok orait bilong ol long ol as tingting we ol i bai bihainim long wokim ol dispela ol senis.

Sir Mekere i tokaut olsem dispela komiti i statim pinis wok bilong ol na ol i bai wokim dispela i go inap long Septemba long 2000.

Long dispela taim ol i bai tokaut long olgeta wok painim aut bilong ol: Dispela bai givim bikpela helpim tu i go long gavman long taim ol i sindaun na stretim baset bilong 2001.

**TORO**

TORO I HARIM OLSEM YIA 2000 BAI OLGETA SAMTING BAI STOP LONG WOL ...

TORO, YIA 2000 BAI KOMPUTA I BAGARAP NA STUA I PAS NA BAI YUMI NOGAT KAIKAI...

TRU AH?

BAGA PRET NOGUT TRU NA EM GO LONG BENK NA RAUSIM LAIP SEVINS BILONG EM...

RAUSIM OLGETA!

TELLA

OL MAN I TING EM BAI GO LONG STUA NA BAIM KAIKAI NA GO STOKIM LONG HALIS...

EM BAI GO BAIM KAIKAI NA STOKIM IGO INAP VIA 2000!

YUPELA OLGETA BAI SAFA TRU!

TASOL NOGAT, EM I GO LONG BRURI NA LODIM BIA NA GO LONG PLES...

MI NO WARI LONG KAIKAI! Sapos BIA IPAS, MI BAI DAI!

VROOM!

Niugini Ailan ripot wantaim VERONICA HATUTASI

# WANTOK

NIUSPEPA BILONG YUMI OL PAPA NIUGINI STRET

## 2000 Baset i no rausim 'EDF'

WANEM taim, wanem Gavman na husat Prait Ministia inap rausim 'Slush Fund' o Rurel Developmen Program mani we wan wan memba i save kisim olgeta yia?

Long 2000 Baset bilong Sir Mekere Morauta, em i larim dispela 'Slush Fund' i stap yet. Dispela baset bilong em i skelim K1.5 milion i go long wan wan Open Memba na K500,000 i go long wan wan rijinel memba olsem ol arapela gavman i kam na go pinis i bin mekim.

Insait long 23 yia bilong Papua Niugini i kisim indipendens ol pipel bilong PNG i luksave olsem nogat gutpela sevis i save kamap wantaim dispela 'Slush Fund' mani.

Planti pipel bilong Papua Niugini na bilong ol arapela kantri i no amamas long 'Slush Fund' bikos dispela fan i kisim klostu hap mani bilong olgeta mani insait long baset we gavman i gat laik long yusim.

Sir Mekere i tok gavman bilong em bai yusim ol publik semina long toktok long hevi bilong 'Slush Fund'. Em i tok tu olsem gavman bilong em bai kamapim ol gutpela gaidlain we ol memba i mas bihainim long yusim 'Slush Fund' bilong ol.

Toktok em wanpela samting. Mekim samting em narapela samting.

Wantok i salensim gavman bilong Mekere/Pundari long rausim 'Slush Fund' insait long 2001 baset na givim dispela mani i go long wan wan provins bai ol provinsel gavman i ken yusim dispela mani long ol eria we planti pipel bilong provins i laikim tru sevis long en.

Moa yet, 2000 Baset i gat gutpela tingting bilong bekim bek ol dinau, strongim mani bilong kantri, na putim moa mani i go insait long ol prairiti eria olsem helt, edukesen, infraksa, na plis.

Bikpela wok nau i stap long han bilong ol publik sevans long mekim dispela tingting i karim kaikai. Sapos ol publik sevans i no mekim wok, dispela gutpela plen bilong Gavman bilong Mekere/Pundari long 2000 Baset bai i lus nating.

# Tanis no amamas long kot disisen

VAIS Presiden bilong Bogenvil Pipels Kongres James Tanis i no amamas tumas long disisen bilong Suprim Kot we i sut long Bogenvil Provinsel Gavman.

Mista Tanis long wanpela stetmen i tok planti pipel i wari na pret olsem hetwok we ol bin putim insait long tupela yia long urnham toktok long kamapim gutpela sindaun long Bogenvil bai bungim hevi.

"Ol pipel long Bogenvil i no amamas. Wok bilong painim gutpela sindaun long Bogenvil i slek stat long tasim Morauta gavman i kam insait long mun Julai.

"Ol Bogenvil lida i no pilim olsem ol i fri long sindaun na toktok na serim ol samting we i sut long hevi wantaim Morauta gavman. Wantaim Skate gavman, ol save pilim fri long toktok na autim tingting.

"Long ol wik i go pinis, Forer na Bogenvil Afeas-Mibista Sir Michael Somare i bin kamapim paul tingting na' planti pipel long ailan i no amamas. Mipela i pilim olsem em laik kamapim ol provinsel senis long baksait dua," Mista Tanis i tok.

Em i tok maski dispela hevi i kamap, ol lida bilong Bogenvil Pipels Kongres i bin wok hat long bungim wantaim ol pipel we hevi i mekim ol i kamap

birua. Mista Tanis i tok kamap bilong BPC long mun Me i bin strongim yuniti na bung wantaim bilong ol lida na ol grup husat i bin egensim na paitim wanpela arapela insait long 10-pela yia bilong hevi long ailan.

"Kongres i bin wok hat long yunaitim ol lida na pipel long Bogenvil. Long Nissan bung we i bin kamap long pinis bilong mun Oktoba, Nehan Resolusen i bin strongim wok bung wantaim na yunaitim ol Bogenvil lida aninit long politikel gol na dispela em long gavman wantaim moa pawa (otonomi) na referendum.

"Ol pipel bilong Bogenvil i no laikim disisen we Suprim Kot i mekim long rausim sapsen bilong Bogenvil Provinsel Gavman. Gavman bilong PNG i save long we Bogenvil pipel i no amamas. Na dispela em bikos ol i laikim moa pawa na sampela tok promis olsem Bogenvil bai kisim moa pawa na bihain, indipendens. Ol rifom bai rausim otonomi.

"Ol pipel i bin laikim wanpela bel isi pasin gavman we ol i makim na dispela bai i wok inap provins i kisim gavman wantaim moa pawa(otonomi gavman). PNG i bin wanbel long dispela insait long Lincoln Agrimen. Na sapos Bogenvil i go aninit long rifom, dis-

pela bai rausim Bel Isi Gavman (Rikonsiliesen Gavman) na brukim ol samting we ol bin pasim aninit long Lincoln Agrimen. Na mipela i no laikim dispela, " Mista Tanis i tok. Em i tok ol wok bilong painim gutpela sindaun long Bogenvil bai bagarap sapos Bogenvil i kam aninit long nupela rifom. Olsem na em i tok i moabeta sapos Mista Momis i sanap na sapatim Bogenvil Pipels Kongres.

Mista Tanis i tok ol pipel bilong Bogenvil bai kisim Mista Momis olsem gavana sapos em i mekim klia olsem em no inap long larim Bogenvil i kam aninit long ol rifom na sanap wantaim ol arapela Bogenvil lida long negosiet na pait long PNG i givim moa pawa long provins.

Em i tok lukaut long Mista Momis na Nesenel Gavman long ol hevi we i ken kamap sapos ol i no luksave long ol tingting, wari na hevi bilong ol pipel long Bogenvil na wokim samting we bai tupela sait i ken wanbel long en.

## Spesel Krismas na Nu Yia plis operesen bai kamap long Kavieng

WOL BAI amamasim nupela milenium wantaim ol kain selebresen taim bikpela han bilong kilok i lusim biknait 12 kilok long Desemba 1999 na yumi kalapim nupela yia 2000.

Tasol wantaim ol selebresen tu, i gat lukaut long ol kain trabel long lo na oda i save kamap long olgeta hap bilong wol.

Long PNG tu i wankain. Taim planti pipel long kantri i mekim ol wok redi long amamasim nupela milenium, ol lain i lukautim lo na oda insait long ol provins insait long kantri tu i mekim ol wok redi long lukautim dispela sait.

Ol plis long Nu Ailan provins bai karimaut spesel operesen long Krismas na Nu Yia. Operesen bai stat long Desemba 31, 1999 na pinis long Janueri 21, 2000.

Eking Provinsal Plis Komanda Sief inspekta Paul Ari i tok bikos long Y2K o kompyuta binatang hevi we bai i kamap taim ol kompyuta bai no wok na dispela i ken stapim ol sevis eria olsem ol beng, telikom na Elkom, operesen ya bai lukautim ol dispela sevis eria wantaim tu ol soping senta, ol ples balus na ol samting moa olsem.

Inspekta Ari i tok Nu Ailan i gat 85 plisman tasol ol bai kisim ol oksileri na risev plisman na mak bai kamap long 255 plisman insait long dispela operesen.

Em i tok operesen bai karamapim Lihir, Namatanai, Kavieng taun.

Inspekta Ari i tok sindaun long Kavieng i stap kwait tasol plis i mekim ol wok painimaut long pemanen haus bilong wanpela masta na famili bilong em long ples Kapil we i bin paia tupela wik i go pinis.

Ol plis i bilip olsem sampela lain i bin kukim haus bilong Jack Woodfield long 11.30 nait long tupela Sande i go pinis. Mista Woodfield i bilong Nu Silan na em i marit long ples Kapil tasol em i wok na stap wantaim famili bilong em long Lihir.

Mista Ari i tok man i lukautim haus i bin stap long Kavieng taun taim birua ya i kamap na nogat man i kisim birua long en.

## Sautwes Bogenvil distrik bai holim inta distrik gems

PILAI em i wanpela bikpela samting we i save bungim ol yangpela na pipel wantaim.

Long dispela taim, ol atoriti i lukim olsem pilai spot em i wanpela bikpela na eria we i save kamapim na strongim sekan na bel isi pasin na gutpela sindaun long Bogenvil.

Long strongim ol wok bilong painim gutpela sindaun na bel isi pasin na tu kamapim pren pasin namel long ol lain na grup husat i bin birua long taim bilong hevi long ailan, tripela distrik insait long Saut wes Bogenvil bai holim eitpela de soka na volibal tonamen.

Man i go pas long ol gems, na tonamen dairekta Joseph Mainoke i tokim Wantok Niuspepa olsem ol pilai baj i kamap long Sininnai Spots oval long Haisi eria insait long Siwai Distrik.

Tripela distrik husat ol pilaia bilong ol bai stap insait long tonamen em long Bana, Torokina na Siwai. na pilai bai i stat long Desemba 12 na pinis long Desemba 19.

Mista Mainoke i tok pilai ya em ol i kolim long Saut wes Bogenvil Inta Distrik Rikonsiliesen Gems na dispela bai bungim wantaim ol yangpela bilong tripela distrik long kamap ol gutpela pren, sekan na sea wantaim. Long taim bilong bikpela hevi, ol yangpela i bin stap long tupela sait, em long BRA na resistens. Na ol bin

biruaim wanpela arapela. Na ol kain bung wantaim na pilai olsem em sans long rausim ol kain hevi na strongim wok bilong painim gutpela sindaun long Bogenvil.

Program bilong dispela tonamen i go olsem long Desemba 12 we bai i de wan long tonamen, ol spots edministreta na referi husat bai i wokim kos bai i kamap. Long de tu, Desemba 13, ol spots edministreta bai sindaun long ol kos program. Long de tri, ol spots edministreta bai skruim referi kos program na lainim ol nupela samting na ol senis we i kamap long rot bilong bosim na ronim ol pilai samting. Long de namba fo em Desemba 15, ol pilaia manmeri bilong Bana na Torokina Distrik bai kamap. Long dispela de tu, ol spot edministreta na referi bai wokim laspela referi klinik kos na pinisim long 3 kilok apinun.

Long Desemba 16, ol pilaia bilong Siwai distrik bai kamap na redi long opim tonamen long dispela de. Bai i gat open de bilong ol yut na spoting zon na em bai taim bilong sering, de bilong singsing, de bilong pre, de bilong toktok na de bilong lap.

Long de siks, em Desemba 17, tonamen bilong rikonsiliesen o kamapim bel isi pasi bai stat. Dispela bai go het inap long Desemba 19 we bai ol i pilaim ol failol na pinisim tonamen, Mista Mainoke i tok.

# WANTOK

NIUSPEPA BILONG YUMI OL PAPA NIUGINI STRET

P. O. Box 1982, Boroko  
Telepon namba: 325 2500  
Feks namba: 325 2579

## PE BILONG WANPELA YIA 52 NIUSPEPA

PLES	AIR
PNG	K 68.00
Ostrelia na Nu Silan	US\$46.00
Esia Pasifik na Japan	US\$55.00
Amerika na Yurop	US\$95.00



Momase ripot wantaim ADAM ELLIOTT

# Em i no isi long ron long balus long PNG

WANPELA Airlink balus i mekim roan bilong en namel long Madang na Vanimo taim pailot i luksave olsem wil bilong balus i no wok gut na em i kisim balus i go daun long Madang klostu long ol i painim birua.

Long las wik Fonde dispela balus i bin mekim wankain ron bilong em long Madang i go long Hagen. Taim balus i kamap klostu long Hagen pailot i painimaut olsem wil bilong balus i no stap gut long mekim gut-pela ron long ples balus. Pailot i kisim olsem wanpela awa long kisim balus i go daun long ples balus tasol i no inap na balus i tanim hariap na go bek gen long Madang.

Taim balus i kamap klostu long Madang pailot i traim long painim kain kain we long kisim balus i kam daun tasol i no inap bikos wil bilong balus i no stap stret.

Dispela balus i save karim olsem 16 pasadia tasol long dispela taim hevi kamap em i karim olsem 15 pasadia. Planti bilong ol dispela pasindia em ol turis i kam long ol arapela kantri.

Siaman bilong Riebilitesen Komiti Mista Tas Maketu i laik mekim ron bilong em i go long Aitape i tok olsem i nogat wanpela bilong ol pasindia i soim olsem ol i pret long taim dispela hevi i kamap long balus.

Pailot i kisim balus i go antap tru long skai na lusim balus i kam daun strong long traim long rausim wil bilong em i stap stret. Tasol dispela i no kamap long dispela taim.

Bihain long pailot i mekim olsem



• **Ol plis long Wewak i bin wok strong long dispela yia long sait bilong strongim lo na oda. Piksa i soim bek mariwana em ol plis i holim.**

long planti taim orait wil bilong balus i kamap stret.

Mista Maketu i tok pailot i salim toksave long redio i go long ol wokman long ples balus olsem wil i wok orait pinis.

Ol wokman i go antap long rup bilong kontrol tawa wantaim kompas glas na glasim gut wil bilong balus sapos em i stap stret olsem

pailot i bin tok.

Mista Maketu i tok pailot i kisim balus i go klostu long kontrol tawa tupela taim bai ol wokman long ples balus i luksave gut sapos wil i stap stret. Bihain pailot i kisim balus i go daun long ples balus.

Planti wokmanmeri bilong kain kain diepatmen i wet long ples balus long helpim sapos balus i bungim birua tasol balus i kam daun

gut tru long ples balus na i no gat bagarap i kamap long balus na ol lain pasindia.

"Wokmeri bilong balus (air hostess) Karoline, i bin soim bikpela strong tru na stap strong. Dispela i mekim na ol pasindia tu i stap isi", Mista Maketu i tok.

Wantok i traim long kisim bekim bilong Airlink kampani long dispela ripo tasol i nogat bekim.

## Ol sapot lek i lus long Aitape bris

Sampela stilman i brukim wea haus long Aitape bris na stilim ol giaman lek we ol man i wokim bilong helpim wokabaut bilong ol manmeri husat i lusim lek bilong ol long taim ol i painim bagarap long sunami birua long las yia.

Sampela ol hap pat bilong pinisim ol giaman lek i go long han bilong ol stilman taim ol i brukim wea haus na stilim ol samting bihain tasol long kago bot Umboi i bringim i kam long Lae. Ol dispela pat i lus long en i bin kisim tripela mun long kamap olsem na luk olsem ol bai wet long narapela 3-pela mun gen long kisim nupela saplai.

Pater Leo Leoni bilong Antoninie Sevis (Fr. Antoninie Services for the Disabled People) i tok olsem ol i bin bringim 6-pela pipel husat i bin lusim lek bilong ol long taim bilong sunami. Tasol taim ol i stilim ol giaman lek ol i salim, ol dispela turangu lain i go bek gen long ples bilong ol.

Pater Leo i tok ol dispela kain samting ino inap kam long balus bikos paia save kirap long en olsem na ol i mas wet gen long narapela 3-pela mun bai sip i karim nupela saplai i kam.

Sikspela bilong ol dispela lain husat i lusim lek bilong ol em aninit long 20 krismas na ol bai bungim sampela hevi bikos ol i wok long groa yet. Olsem na dispela ol giaman lek em ol i mas mekim nupela taim ol i groa no bodi bilong ol i senis.

"Mi ting ol i stilim ol dispela samting bikos ol i lukim nem bilong mi long bokis. Ol stilman i mas ting em sampela krismas presen olsem na ol i stilim", Mista Maketu i tok.

Ol wokman bilong Rihebilitesen i bilip olsem ol bai painim ol dispela samting i lus long en na helpim ol lain turangu husat i lusim lek bilong ol long taim bilong sunami birua.

### Intanesenel de bilong ol turangu manmeri long Aitape

Tripela de bilong wok redi olsem fan resing na ol narapela wok i kamap yet long redi long bungim Intanesenel De bilong ol Turangu manmeri (Disabled) insait long Sandaun-Provins.

I gat bilip olsem moa long 600 pipel bai kamap long Pater Antonine Senta long Aitape long Desemba 2 i go long Desemba 4 long selebretim dispela de bilong ol turangu manmeri.

Ol wokman bilong Pater Antonine Senta i bin kisim olsem 3-pela wik nau long wokim program bilong dispela selebresen. Kain kain pilai, drama na musik bai kamap long dispela de.

Menesa bilong Senta Mista Chris Paiye i tok ol i tingim dispela amamas de bilong ol turangu manmeri. Tasol dispela kain samting i helpim mipela tu long

tingim na luksave moa long ol turangu manmeri.

Mista Paiya i tok ol i gat inap haus sel wantaim ol samting bilong kuk bilong lukautim inap long 600 pipel. "St. Ignatius Hai Skul i helpim mipela long ol dispela wok", Mista Paiya i tok.

Mista Paiya i tok tu olsem bai i gat planti prosesio i kamap. Wanpela bai stat long Kumu maket, narapela long ples balus na narapela long St. Joachim's Sios.

Dispela em namba tri taim dispela selebresen bilong Intanesenel De bilong ol Turangu i kamap long Aitape. Mista Paiya i tok i gat tingim long selebretim dispela de long ol liklik stesin tu tasol dispela i no isi bikos ol i nogat inap mani long mekim dispela.

### Rotari ka i wet yet long Wewak

**KAIN KAIN isi isi pepa wok na ol wok luksave bilong gavman i mekim na wanpela bikpela ka ol Rotari lain i givim long mekim ol wok bilong ol lain manmeri i kisim bagarap long sunami (tsunami) i stap yet long Wewak.**

Dispela ka em Rotari Australia i givim i go long Rihebilitesen Komiti bilong Aitape Daiosis long helpim ol pipel husat i kisim bagarap long sunami.

Dipatmen bilong Kastoms i askim Rotari Australia o Rihebilitesen Komiti bilong Aitape Daiosis long givim K35,000 i go long dipatmen bipo long ol i lusim ka i go.

Dispela pe mani i antap tru olsem na ka i stap yet long Wewak inap long sampela mun nau.

Rihebilitesen Komiti bilong Aitape Daiosis i painim hat long peim dispela K35,000. Na tu wok helpim bilong Daiosis i go daun isi isi long go painim pinis bilong en. Ol i bilip olsem planti wok helpim bai pinis long mun Mas long yia 2000.

Siaman bilong Rihebilitesen Komiti Mista Tas Maketu i tok olsem dispela ka em Rotari Australia i donetim bilong helpim ol pipel i bin kisim bagarap na i ting i gutpela sapos dipatmen i noken askim mani bilong impot duti (takis).

Ripot i tok olsem sapos dipatmen i no kisim dispela K35,000 long pinis bilong mun Novemba orait dipatmen bai putim ka long oksena na salim.

**Morobeen**  
**BEEF**  
**CRACKERS**

IGAT kick!

**HEPI BIRTHDAY**

**25%**  
**MORE**

**5 BISKETS INSIDE-1 FREE**

# Misa bilong tingim 9-pela kamap santu long sios

JOHN KEWA i raitim

MAUSMAN bilong Pop Jon Pol II i stap long Papua Niugini Asbishop Hans Schwemmer i bin stap insait long bikpela Misa long St. Joseph's peris long Boroko long tingim wanpela pater na 8-pela bruda we Katolik sios i makim kamap santu long Novemba 29, 1999 long Rom.

Asbisop Brain Barnes bilong Mosbi i bin go pas long dispela Misa na Asbisop Schwemmer wantaim bisop bilong Gizo, Bisop Benard O'Grady wantaim 32 pris i bin bung long mekim dispela Misa.

Dispela Misa i kamap long las Sarare Novemba 27. Planti sista, bruda na ol Katolik bilip manmeri insait long Mosbi i bin kamap long dispela Santu Misa long tingim na selebret wantaim long tingim ol man husat i holim strong bilip bilong ol na lusim laip bilong ol.

Insait long ol dispela 9-pela man sios i mekim kamap santu (canonised) wanpela em pater bilong ol lain Passionist na 8-pela em ol lain bilong ol De la Salle Bruda. Ol lain pater na bruda bilong dispela tupela kongrigesen i stap long Mosbi i bin go pas long redim ol progrem bilong Misa.

Bruda Jon Cleary bilong ol lain De la Salle i bin givim wanpela gutpela homili long dispela Misa.

Bruda Cleary i tok Sios i gat tredisen long givim ona long ol man na meri i bihainim lek mak bilong Jisas. Dispela ol lain sios i mekim kamap santu em ol i lusim kanri, famili, mani na tu ol i lusim laip bilong ol long tingim Kingdom bilong God.

Bruda Cleary i tok husat man o meri i lusim laip bilong em long holimpas bilip bilong em i no samting i kamap long strong bilong em yet. Em i tok dispela i wanpela grasia we God yet i givim. Bruda Cleary i tok Blesed Pita To Rot bilong Rabaul i wanpela bilong ol dispela lain we God i makim.

Wanpela ripot i kam long ol De la Salle Bruda i tok olsem ol 8-pela bruda bilong ol i painim dai bilong ol long Oktoba 9, 1934 long ples Turon long kantri Asturia.

Ripot i tok olsem as tingting bilong ol bruda i painim dispela birua i bikos ol i bin ronim wanpela skul long Turon we ol i bin skulim ol pikinini long we na bilip bilong ol Kristen.

Wanpela bilong ol man husat i holim sotgan na kilim ol bruda i tok olsem ol lain bruda i no traim long ranawe na ol i sanap strong tru long bilip bilong ol.

"Ol i olsem ol sipsip i save go stap isi long han bilong man i laik rausim gras bilong en", man i kilim ol bruda i tok.



• Ol Santu Bruda bilong Turon wantaim Santu Jaime Hilario bilong Tarragona. Foto i kam long: La Salle Intercom: News for the Lasallian Family.

Ol De la Salle bruda i kamap long PNG namba wan taim long 1946. Namba wan wok bilong ol em long statim na ronim ol skul. Sampela bilong ol dispela skul ol i gat long

PNG em: De la Salle Hai Skul long Boman, Kondiu Hai Skul long Simbu na Holi Trinita Tisa Kolis long Hagen.

Bruda Cleary i tok, "Long bilip bilong ol bruda na long wok tisa bilong ol, sios i mekim ol kamap santu.

Na dispela i ken strongim wok bilong ol katakis, ol Kristen tisa na ol papamama bilong yumi tude bai yumi ken skulim gut ol pikinini".

## Xavier Institute skulim ol lida bilong sios

XAVIER Institute bilong Missiology long Bomana ausait long Mosbi i bin skulim sampela bruda na sista long kamap gutpela lida bilong sios insait long Papua Niugini na Solomon Ailens.

Dispela kos i kisim 20 wik long pinisim. Ol manmeri husat i kisim dispela kos em foapela bruda na 12-pela sista husat i kam ananit long 12-pela kain kain riligis kongrigesen insait long PNG na SI.

Kodineta bilong kos, Sista Joy Agudera (O.N.D) i tok olsem namba wan tingting bilong kamapim dispela kain kos em long givim moa pawa na strong wantaim stretpela tingting bilong lida long ol sios lida bai ol i go pas long wok insait long sios bilong yumi. Sista Agudera i tok dispela kos i bin kam ananit long kain kain topik we ol i lukluk long kain kain we bilong kamapim gutpela na strongpela lida bilong strongim sios.

Asbisop Brain Barnes i go pas long bikpela Misa bilong greduesen. Asbisop Barnes i tok strong olsem wanpela bilong ol bikpela samting ol lida bilong sios i mas tingim em long oltaim bihainim lek mak bilong Jisas Kraus.

Em i tok tu olsem sapos ol lain i bihainim ol gutpela samting ol i bin lainim long kos bai ol i kamap gutpela lida long wok na pasin bilong ol.

Asbisop Barnes i tok long dispela we ol bai kamap olsem gutpela wasman bilong sipsip long kain wok ol i mekim insait long sios.

Sampela bilong ol manmeri husat i bin pinis long dispela kos i bin tok olsem ol i bin lainim planti gutpela samting long ol we bilong kamapim gutpela Kristen lida long sios na long ples.

Lotu bilong greduesen Misa i kamap gutpela tru na ol pren, wantok na ol fameli memba i stap long selebresen i amamas tru. Bruda Bernard Peniaino (MSC) i soim stail bilong em stret na kamapim planti nupela singsing em ol i singim long Santu Misa.

Xavier Institute i bin kamap wantaim bikpela tingting long skulim ol yangpela bruda na sista bilong PNG na SI long go pas long ol wok bilong sios bilong yumi. Planti kain kain kos i bin kamap na go pinis na bai i gat moa long ol dispela kain kos i kamap yet long ol yia i kam long em bilong strongim sios.

## Sista Vero Mai redi long las promis

JOE KANEKANE i raitim

OL WOK redi i wok long kamap klostu long St Joseph Peris, Kowengil long lalibu Sauten Hailens long amamasim las promis bilong sista Vero Mai long Janueri 15 2000.

Komiti bilong dispela fan reising i wok long wok hat tru long luskave olsem dispela samting i kamap tru na ol pipel tu i sambai tasol long amamasim dispela de.

Man husat i go pas long dispela selebresen Pita Puiye i tok komiti bilong em i kisim gutpela sapot long kamapim dispela selebresen long wanem em i namba wan taim tru long wanpela lain bilong dispela ples long kisim kain promis olsem.

"Ol pipel i redi tasol long amamasim dispela de wantaim sista Vero na mipela i lukluk tasol long ol liklik halivim we ol lain bilong mipela i stap long ol taun i wok long salim i kam insait," Mista Puiye i tok.

Mista Puiye i tok tu olsem i nogat planti meri insait long Imbongu basin husat i save mekim dispela kain promis olsem na em i bilip olsem planti ol lain long eria bilong ol bai kam na stap insait long dispela de.

Em i tok wanpela singsing grup bilong dispela ples bai go pas long kirapim singsing wantaim ol ol arapela lain husat bai stap insait long dispela de.

"Sista Vero em i namba tu meri long eria bilong mipela long wokim las promis bilong em na mipela tu i amamas long onarim dispela de long wanem i nogat ol meri i save gat tingting long mekim dispela taim, Mista Puiye i tok.

Bisop Stephen Reichart bilong Mendi daioses bai go pas long dispela dei we bai lukim planti ol lain bilong dispela ples natu katolik komyniti long Imbongu basin i stap insait.

Imbongu eria em bikpela hap we planti ol Katolik bilip man meri i stap na ol i save kisim sevis bilong ol long ol ol Kapuesen misineri long lalibu.

## Ol FMIC Sista i redi long Jubili selebresen

ADAM ELLIOTT i raitim

OL MISINARI Sista bilong lain Fransiskan oda bilong Imakulet Konsepsen (FMIC) i mekim wok redi bilong selebretim 50 yia Jubili bilong ol long Sandaun Provins.

Ol lain FMIC sista i wok insait long PNG wantaim ol narapela wan lain sista bilong ol i stap long ol narapela kantri bai kamap long dispela Jubili selebresen long tingim na amamasim ol gutpela wok bilong ol insait long 50 yia long Aitape.

Ol lain FMIC sista i kirapim misin stesin, skul-na haus sik long Sissano.

Sista Ros em wanpela FMIC sista i bin wok olsem 48 yia long Sissano na Aitape bipo long em i go bek long Australia long 1997. Narapela tupela sista i gat nem long mekim gutpela wok long Sissano em Sista Quentin Kirwan na Sista Jo Scanlan. Dispela tupela sista bai kam

long Astralia long joinim dispela selebresen long Aitape.

Sista Rosella Lasi i tok ol sista insait long Aitape na narapela hap long PNG bai amamas na tok welkam long ol lain sista husat bai kam long jenerel kaunsil long makim maus bilong bikpela opis bilong ol (generelet).

Sista Lasi i tok tu olsem ol i gat bikpela amamas long ol wan lain sista bilong ol husat i wok long Astralia, Kanada na Amerika long tingim na helpim ol lain sista hia long PNG. Planti sista tu bai kam long Kanada na Amerika long joinim dispela selebresen long Aitape.

I gat stori nogut tu olsem planti bilong ol dispela hat wok ol sista i wokim em sunami (tsunami) i bagarapim olgeta. Tasol maski long ol dispela bagarap, selebresen bai go het yet. Jubili selebresen bilong ol bai stat long Desemba 11 i go inap long Desemba 16.



# Hailans Nius

## Palamen welkam long Daniel Kapi

### YAKAM KELO i raitim

NESENEL Palamen long dispela wik i mekim welkam long Daniel Kapi olsem nupela memba bilong Wabeg Open sit.

Daniel Kapi i bin sanap long nesenel ileksen long 1997 tasol em i lus long Takai Kapi. Em i apil long Nesenel Kot we i glasim na skelim olsem Takai Kapi i brukim sampela lo bilong ileksen. Olsem na bai ileksen i bin kamap gen we Daniel Kapi i winim ileksen stret.

Long 1997 nesenel ileksen, Daniel Kapi i bin kamap namba tu long Takai Kapi long fainel risal bilong vot.

Long palamen haus long dispela wik, tripela bikman bilong Pangu Pati, Iida Chris Haiveta, lapun bilong Pangu Sir Pita Lus

na Deputi pati Iida Samson Napo i bin kisim Mista Kapi i go long fran bilong palamen we em i mekim promis long Spika bilong palamen Bernard Narokobi long kamap memba bilong palamen na sevim pipel na kantri Papua Niugini.

Long dispela taim tu, Spika Bernard Narokobi i tokaut olsem Suprim Kot i bin mekim disisen pinis olsem memba bilong Kandep, Jimson Sauk em memba bilong palamen bikos ileksen bilong em long 1997 i bin stret na orait bihainim lo bilong Ilektorel Komisin.

Jimson Sauk i bin kisim salens tu long kot we narapela kendidet i kot long salensim ileksen risal bilong Mista Sauk. Tasol bihain long kot i kamap long Suprim Kot, Suprim Kot i rausim ol tok tok long Nesenel Kot na mekim



• Spika Bernard Narokobi.

disisen olsem Jimson Sauk em memba bilong Kandep.

Kandep tu em i stap long Enga provins.

## Hagen plis holim tupela sotgan long ples balus

PLIS long Hagen i bin holim tupela strongpela sotgan long Kagamuga ples balus long las wiken. Ol lain husat i papa bilong dispela tupela strongpela sotgan i bin karamapim gut tru dispela tupela sotgan long aluminum karamap na haitim insait long tul boks na salim long balus long Mosbi i go long Hagen taim plis i sekim na kisim long Kagamuga ples balus.

Het bilong plis long Westen Hailans provins Sief Suprintenden Allan Kundi i tokaut olsem ol gavman wokman bilong ol ples balus na wof i mas mekim strongpela wok sekap long olgeta kago na ol samting long sekim kain birua samting olsem i no ken go aut long ol provins.

Mista Kundi i tok ol trabel lain i wok long kamap wantaim kain kain save na aidia long haitim ol birua samting we ol masin bilong luksave long ol ain

samting i no inap luksave.

Em i tok ol man nogut i bin karamapim tupela strongpela sotgan ya long aluminum karamap na mekim hat long masin bilong ples balus long luksave long ol ain samting olsem.

Long dispela taim tu Hailans Plis Komanda Matthew Minok i mekim singaut gen long gavman i mas pasim lo na stapim ol sotgan insait long kantri olgeta.

Mista Mista Minok i mekim dispela toktok taim em i tok amamas long ol plisman bilong em long em long mekim gutpela wok long holim dispela tupela sotgan long ples balus.

Mista Minok i tok hevi bilong sotgan i kamapim planti bikpela hevi na trabel insait long kantri olsem na gavman i mas lukluk strong na pasim strongpela lo nau long stapim ol sotgan insait long kantri.

# CHOULAI SALE

WINIM PRAIS LONG OLGETA WIK

Sekim ol dispela supa Spesol prais long Rais!

Lae Cabin 40 x 4	K16.89
Lae Large Navy 60 x 3	K20.50
Lae Navy Beef 56 x 4	K26.79
Twisties Cheese 48 x 25 g	K13.70
Ox & Palm 340 g	K59.80
Maggi Noodles 48 x 85 g	K18.49
Sunshine Milk UHT 12 x 1 litre	K23.48
Rinso 300 x 36 gr	K69.50
Omo Bar 200 gr	K56.25



NESTLE




COLGATE-PALMOLIVE PTY LTD

**OLGETA DE PRAIS IGO DAUN!**

CHOULAI TRADING CO.  
CHOULAI PLACE  
HUBERT MURRAY HIGHWAY  
P.O. BOX 168, BADILI, NCD  
Tel: 320 0888 Fax: 321 3618

# Madang Nius



## Ramu Nickel Projek kisim helpim long Orogen Minerals

Orogen Minerals Limited (OML) i bin tokaut long Mande olsem kampani i wanbel long baim olsem 31.5% interes long Nord Australer Nominees (PNG) Limited insait long Ramu Nickel Projek.

Nau dispela i min olsem 31.5% interes i go long OML na narapela 66.5% i go long HPL (Highlands Pacific Limited).

Menesing Dairekta bilong HPL Mista Ian Holzberger i tok em i bilip olsem dispela kain wok bung wantaim OML i ken strongim tru na helpim Ramu Nickel Projek. Em i tok tu olsem dispela i ken strongim ekonomi bilong Papua Niugini.

Mista Holzberger i tok, "Wankain olsem olgeta kampani bilong PNG i gat tingting long lukim dispela Nickel projek i go het,

OML wantaim HPL bai wok bung wantaim na luksave olsem projek i kisim inap mani long go het long wok".

Mista Holzberger i tok tu olsem OML wantaim HPL i tingting long askim narapela namba tri kampani tu long baim sampela sia o interes long projek bai wok i go het strong.

Mani bilong statim Ramu Nickel Projek i go antap olsem US\$838 milien.

Aninit long spesel tok orait bilong Maining Lis (Special Mining Lease) Orogen i gat tingting long ekasesaim rait bilong en aninit long Orogen Opsen Agrimen (Orogen Option Agreement) wantaim PNG gavman na baim olsem

25% interes moa. Bipo long ol i salim moa interes i go aut interes long Ramu Nickel Projek i stap nau olsem: HPL 47.95%, OML 47.05% na ol papa graun 5%.

Aninit long ol pepa wok i bin kamap HPL wantaim Nord kampani i bin wanbel olsem ol bai sindaun na toktok gut long operesen bilong projek.

Na tu long dispela wanbel pasin o agrimen HPL bai kisim olsem US\$1.25 milien.

HPL i tok orait tu olsem sapos OML i no givim mak bilong mani ol i promis long en insait long tupela yia orait HPL bai baim bek ol interes we OML i baim pinis long en.

## Ramu Nikel na Kobolt Projek bai namba wan

Ramu Nikel na Kobolt Projek bai kamap olsem namba wan bilong dispela kain projek insait long Papua Niugini. Na tu em wanpela namba wan projek long mekim olgeta wok bilong en insait long kantri na salim tasol i go long ol narapela kantri wanem kain las kaikai i kamap long en.

Dispela kain plen bilong projek bai bringim i go antap mani we kantri i kisim long salim ol samting i go long ol narapela kantri. Dispela mak bilong mani bai go antap olsem 15%.

Dispela hap we projek bai kamap long en i holim olsem 143 milien tonne ston na graun. Insait long dispela 1.01% na 0.10% kobolt.

Projek i stap long sautwes na olsem 75 kilomita longwe long Madang.

Stadi i bin soim olsem projek bai stap olsem 20 yia tasol i luk olsem em i ken stap moa long 40 yia. Na i gat bilip olsem i gat inap nikel na kobolt long sapotim projek.

I gat bilip olsem Ramu projek bai kamapim olsem 32,800 tonnes nikel na 3,200 tonnes kobolt insait long wanwan yia.

Romu projek i gat inap long kamapim olsem 3.5% bilong olgeta nikel i kamap long wol na 10.5% bilong olgeta kobolt i kamap long wol.

## Lo bilong klinim Madang taun bai stat neks yia



• Madang Provinsel Plis Komanda Benjamin Simajon.

### BEN TAUMAI i raitim

MADANG Eben Taun. Lokol level gavman bai kirapim gen wok bilong klinim Madang taun long neks yia, taun meya Steven Amanasik i tokaut.

Mista Amanasik i tokaut olsem ol i laik mekim dispela wok i go het yet long holim nem bilong Madang olsem naispela taun insait long Papua Niugini na Pasifik.

Olgeta kaunsil memba i bin wanbel long kirapim na strongim dispela progrem i go het yet bhain long ol i bin statim long 1995 i kam inap long progrem ya i bin stap bikos long senis we nupela menesmen i bin kamap na kisim wok.

Mista Amanasik i tokaut olsem wanpela plen ol i kamapim em long kamapim wanpela resis we ol bai givim prais long ol haus na kampani banis we i stap klin na ol i save lukautim gut banis bilong ol.

Em i tok tu olsem ol i pasim pinis lo bilong klinim ples na ol bai wet long Minista bilong Provinsal Afeas na Lokol Gavman Andrew Kumbakor long sainim ol pepa bilong

mekim dispela lo i wok.

Maya Amanasik i tok taim Minista i oraitim dispela lo, bai ol karimaut wankain olsem lo bilong NCDC long klinim Mosbi siti. Tasol ol bai opim na mekim klia long olgeta pablik manmeri long luksave long dispela lo pastaim long em i wok.

Mista Amanasik i tok Minista Kumbakor i amamas long dispela lo bilong klinim taun. Olsem na ol manmeri i mas save nau pastaim long Helt Atoriti na Plis i go het long karimaut dispela lo long neks yia.

Em i tok sapos dispela lo i kamap, bai ol plisman i no inap larim ol lain i slip nabaut arere long stua o banis nabaut long nait. Dispela pasin i bin kamap longpela taim na i kamapim planti hevi long sait bilong lo na oda insait long taun.

Mista Amanasik husat tu em siaman bilong Lo na Oda na Sosel Sevis i tok em i redim pinis pepa bilong givim long Provinsal Eksekutiv Kaunsel (PEC) long strongim wok bilong daunim taim bilong salim bia insait long taun.

Em i tok ol pasin bilong spak i save mekim ol yangpela boi i

spak raun long rot na bikmas na tok nogutim ol mama na pablik long maket na bas stop eria na tu i save kamapim ol trabel na bikhet pasin long taun.

Em i tok Madang Gavana Jim Kas i bin soim wanbel bilong em pinis long dispela senis na em bai givim sapot bilong em taim dispela pepa i go kamap long kibung bilong PEC.

I bin gat planti trabel na bikhet pasin i kamap olsem na Gavman i mas kamapim sampela strongpela lo bilong daunim ol dispela kain pasin long traim mekim kamap gutpela sindaun na amamas insait long komyuniti, em i tok.

Taim Gavman i sotim tu taim bilong salim bia long ol stua na klap, ol lain i laik dring moa i ken go dring long ol bikpela hotel, Mista Amanasik i tok.

Dispela lo sapos i kamap tu bai stapim planti papa long kam hariap long haus na i no inap long go moa painim tulait na pinisim mani long bia. Na bai ol i ken go hariap long haus wantaim inap mani bilong sevim famili bilong ol, Mista Amanasik i tok.

## Madang bai welkamim yia 2000 wantaim So

### BEN TAUMAI i raitim

WOK redi i kamap nau long holim Mini Madang Milenium Festival long pinis bilong mun Desemba long kisim 2000 olsem nupela yia.

Dispela tingting i kamap bhain long Madang Gavana Jim Kas i soim sapot na laik bilong em long kamapim dispela so long welkamim yia 2000.

Het tok bilong dispela festival em 'Be In It' o stap insait long en. Na em bai stat long Desemba 31 i go pinis long Januari 2 2000.

Gavana Kas i bin tokim Bod ov Madang Visitas na Kalsarel Bureu olsem em i ting dispela festival em i moa gutpela long rausim olpela yia na welkamim nupela yia we ol pablik sevans wantaim ol wokmanmeri bilong praivet kampani na bisnis long amamas wantaim olsem wanpela famili.

Dispela Madang Festival So nau bai kisim ples bilong olpela Maborasa Festival we i bin inap kamap long Setemba dispela yia tasol bikos long sotpela taim tasol long kamapim olsem na komiti i askim Provinsal Eksekutiv Kaunsil (PEC) surikim taim i go long mun Desemba we PEC i bin oraitim.

Astingting bilong dispela festival tu em bilong kamapim na strongim bung wantaim bilong ol pipel long wok na sindaun i go insait long nupela yia.

Siaman bilong dispela komiti husat em eksekutiv dairekta bilong MV&CB Tabah Silau i tok dispela festival bai liklik long Maborasa festival tasol ol bai traim kamapim ol singsing tumbuna, ol pilai drama, soim ol tumbuna bilas na ol samting, ol lotu singsing na progrem na arapela pilai moa.

Komiti bai singautim ol singsing grup i kam long 6-pela distrik bilong Madang provins na tu singautim olpela stail bilong mambu ben string ben long kamap pilai long soim olpela stail bilong bipo na go insait long nupela yia na nupela bilong ol pawa ben na musik.

Mista Sialu i tok ol turis na pipel bilong Madang husat i nogat samting long mekim long dispela taim i welkam long kam lukim na amamas wantaim ol pipel long dispela bikpela festival Madang taun we olgeta i save kolim naispela Madang.

Ol komiti bilong dispela festival em Tabah Silau MV&CB, Sean McCarthy Boroko Motors, Pater Juan Czuba DWI, Peter Torot Provinsal Afeas na Lokol Gavman, Daniel Cassell Madang Lodge, Eregere Singin TPA Mamose Region, Adrian Kennedy Madang Memorial Hall, Rodney Seip Executive Officer Madang Festival, Paul Jackson Lutheran Shipping, Ken Dunn SP Bank, na Keven Murry Madang Rural Products.

## Madang plis holim tupela man long stil pasin

### FRANCO NEBAS i raitim

Madang plis i holim tupela saspek husat i bin stilim K30,000 kes mani bilong wanpela bisnisman Jon Middleton.

Wanpela bilong ol saspek, David Sengi bilong ples Kuldul long Karkar ailan em ol plis sasim em long holim sotgan na mekim stil pasin. Na narapela em ol plis i weit yet long sasim eri.

Madang Provinsal Plis Komanda (PPC) Ben Simajon i tok David Sengi em ol plis i holim em long Fraide, tupela de bhain long dispela stil pasin i kamap taim em i laik kisim balus i go long Wewak.

Plis i tok dispela saspek ya i bin spak na mekim nabaut taim ol plis i holim em.

Arapela saspek we ol plis i no givim nem em long wanpela setelmen arere long

Madang taun taim plis i mekim wanpela oparesen.

Mista Simajon i tok namba tri saspek em ol plis i wokim wok panim aut yet long holim em.

Plis i tok samting olsem 6-pela stilman wantaim wanpela sotgan na busnaip i holim pasim mista Middleton na meri bilong em long Madang ples balus taim tupela laik kisim balus i go long Karkar.

Tupela i bin kamap long ples balus long ka bilong tupela taim ol raskol i holim tupela.

Mista Middleton, husat em papa bilong Kulili Estate i draiv stret i go long Island Airways pasindia haus tasol ol raskol i ronim em long naip na kisim ki bilong ka.

Ol raskol kisim ka bilong em na draiv wantaim K30,000 kes mani we em i pe bilong ol wokman bilong em long Karkar plentesen na

sampela ol samting bilong tupela.

Plis task fos i kisim toksave na ronim ol we ol i panim ka long Sisiak namba tu setelmen we ol raskol i ronawe long lek.


Long wankain taim yet, Wespac Bank Brens long Madang i pas bhain long wanpela PMV bas i ron i go na bambim wol bilong benk.

Mista Simajon i tok wanpela PMB bas bilong Lae wantiam foapela man na tripela meri i ron long rot we em wan we taim ol i traim long abrusim arapela ka i kam na draiva i kirap nogut na bambim benk.


Plis i no mekim wanpela ares we ol i bilip olsem dispela draiva na kru i go bek gen long Lae pinis.

Long Fraide benk i bin pas we ol kastoma i no mekim benking inap long Mande.





# Lae Nius



## Wenge givim K1000,000 long ELC-PNG

Morobe provins Gavana Luther Wenge long las Fraide i givim K100,000 i go long nupela Morobe pipel risos developmen koporesen.

Dispela nupela koporesen em long helpim ol pipel bilong Morobe long kism mani na mekim ol liklik projek bilong ol.


Morobe pipel risos developmen koporasen em wanpela tingting we Gavana Wenge yet i go pas long em o statim.

Koporasen em long helpim ol liklik bisnis man husat laik statim projek olsem kopi, lukautim kakaruk, pis na arapela ol projek tu.

Long wankain taim yet Mista Wenge i givim tu K100,000 i go long ELC (PNG), mama sios bilong Lutheran long mekim wok bilong sios.

Em givim tu K50,000 i go long Lae distrik mama long mekim wok bilong ol.

Em i tokim ol mama long wok hat long dispela mani na mekim gut wok. "Mi no laik long lukim ol mama kam pulap long opis na askim long mani.



• Gavana bilong Morobe Luther Wenge.

Yumi mas wok bung wantaim na developim provins bilong yumi, em i tok.

## 'Yangpela boi kalap long solwara'

### FRANCO NEBAS i raitim

Wanpela yangpela boi i bin lus long solwara bihain long em i kalap go autsait long sip i ron long em.

Plis ripot long ekting Morobe plis komanda Simon Yipam i tok dispela boi krismas bilong em 18 yia i bin kalap go autsait long sip namel long Kilenge ailan long Wes Nu Briten na Siassi ailan long Morobe provins.

Mista Yipam i tok, boi ya bilong ples Yangoru long Is Sepik provins husat save stap long Kimbe blok 47.

Nem bilong dispela boi em Lucas Eremas husat plis i bilip olsem i longlong liklik.

Lucas Eremas i bin kalap long sip i go long Lae long las Trinde taim dispela hevi i kamap.

Plis ripot i tok pasindia sip bilong Lutheran siping MV Rita husat wok man bilong ol i laik sekim ol tiket bilong ol pasindia taim ol i kam long Eremas em i poret na kalap i go insait long solwara.

Sip i tanim bek na traim painim em inap long tupela aua tasol ino bungim em na i ron gen.

Ol ripotim dispela hevi i go long plis we plis i traim mekim wok panim aut tasol ino bungim bodi o dispela boi.

Mista Yipam i singaut i go long ol pipel i stap long Wasu, Siassi, Sialum, Kilenge na Madang putim ai sapos ol i bungim bodi

bilong dispela boi na ripot i go long em. Long wankain taim yet em i singaut long ol papa bilong sip long traim kism ol pasindia inap long mak na noken pulapim tumas sip.

"Dispela taim nau em taim bilong krismas na planti pipel i laik go long ples na ol i mas kism pasindia i nap long skel na noken pulapim tumas sip", em i tok.

Mista Yipam i tok em i bin save long sip save i go olsem long Wewak we pasindia save pulap tru na ol save slip nabaut. Sampela taim insait long toilet.

"Dispela ino gutpela tumas. ol papa bilong sip mas traim bihain lo we nogat ol bikipela hevi bai kamap" em i tok.

## Lae Botanikel gaden i gat bikipela oked plawa long wol

### JOE KANEKANE i raitim

PNG i gat bikipela Oked plawa long wol na dispela i stap long Lae Botanikel gaden. Kureta o man i go pas long gaden Rod Spivey i tok dispela plawa i longpela na bikipela na winim ol narapela Oked plawa long narapela hap bilong wol.

Em i tok dispela plawa i stap longpela taim long gaden na tu em i bikipela moa long ol arapela we i stap long PNG tu.

Minista bilong Fores Michael Ogio

husat i wok long lukluk raun long dispela gaden i tok em i hamamas olsem ol wokman bilong Fores i wok long traim long kism dispela gaden i kam bek long mak we i stap long bipo.

Em i tok Botanikel gaden i wanpela bikipela rot bilong bilasim siti na dipatmen bilong em bai sambai long lukim olsem wanem kain rot ol inap long halivim i mas go het.

Em i tok Lae em i namba tu siti bilong kantri na sapot i kam long Morobe Provinsel gavana wantaim ol bisnis haus i gutpela long surukim dispela wok.



• Minista bilong Fores Michael Ogio (namba tu long han kais) i sanap wantaim kureta bilong gaden Rod Spivey arere long dispela plawa Oked. Foto: Joe Kanekane

## 'Morobe Gavana laikim helpim long Japan'

### FRANCO NEBAS i raitim

Gavana bilong Morobe provins Luther Wenge i laikim Japan long helpim provins bilong em long groim rais na ti.

Gavana Wenge i mekim dispela askim bihain long wanpela kibung wantaim tupela projek edvaisa bilong Japan long Mande dispela wik long Lae.

Em i askim tupela edvaisa sapos ol i ken toktok wantaim Gavman bilong ol long helpim Morobe provins long kamapim rais na tea.

Em i tok, "Dispela ol projek bai lukim ol liklik bisnis man o growas i go pas long kamapim rais na ti.

Ol i bai kism ol hap, hap blok long mekim dispela projek.

Tupela edvaisa i tokim Gavana olsem bai ol i kism dispela askim i go long Gavman bilong tupela na toktok.

Tupela i tokout olsem bai ol i toktok wantaim Gavman bilong ol na kam bek gen long Mista Wenge.

Long dispela taim yet Mista Wenge i singaut i go long Minista bilong Agrikals Mista Ted Diro long putim moa fans i go long agrikals.

Em i tok, "Dispela long wanem agrikals em i namba wan samting tru long Papua Niugini."

# Apim pe bilong ol kaunsil, Christian i tok

OL kaunsil bilong lokal level gavman insait long Papua Niugini i mas kism gutpela pe na gutpela helpim bilong Gavman, olpela primia bilong Morobe provins Titi Christian i tokaut long las wik.

Mista Christian i autim wari olsem em i lukim ol kaunsil i save kism tasol K50 long olgeta mun na dispela i no stret tru long wok bilong ol.

Ol kaunsil em bun tru bilong karimaut wok bilong rifom tasol Gavman i luk daun tru long wok bilong ol na baim ol K50 long olgeta mun. Planti bilong ol i lusim wok bilong ol long gaden na famili wok bilong ol long karimaut wok rifom bilong Gavman tasol ol yet i no inap tru long sapotim famili na sindaun bilong ol long ples, Mista Christian i tok.

Mista Christian i tok em i lukim stret kaunsil long ples bilong em i kilim skin long wok bilong Gavman tasol yam gaden bilong em long ples i bus olgeta. Hevi bilong mani i kamap bikipela long kantri na ol kaunsil i save sot tru long mani bilong baim sop, sol, skul fi bilong ol pikinini na ol hevi bilong ol yet long famili wanwan.

Mista Christian i tok taim em i bin stap primia bilong Morobe provinsal gavman, em i bin namba wan man insait long Papua Niugini long egensim rifom sistem Gavman i laik kamapim long kantri. Em i bin kism Nesenel Gavman i go long kot long kamapim dispela rifom sistem. Tasol Nesenel Gavman i win na kamapim rifom, tasol ol lain tru bilong karimaut wok em Nesenel Gavman i no lukautim ol gut.

Em i tok nesenel memba, kaunsil presiden na distrik administreta i no save mekim wok tru bilong karimaut rifom. Em wok bilong ol kaunsil. Olsem na Gavman i mas rausim dispela K50 potnait long olgeta mun na apim pe bilong ol kaunsil i go antap.

Em i tok ol kaunsil tu i bin go long ileksen wankain olsem nesenel ileksen. Na ol pipel i makim ol. Olsem na ol i olsem lida bilong pipel long karimaut wok bilong bringim sevis na developmen long pipel long ples. Dispela em as tru na tingting tru bilong wok rifom long bringim sevis i go long ol pipel. Olsem na ol man bilong mekim dispela wok i mas kism gutpela helpim na sapot bilong Nesenel Gavman, Mista Christian i tokaut.

Ol Palamen ripot wantaim VERONICA HATUTASI

### Ekting Minista tokim pablik olsem Air Niugini balus i seif

PABLIK insait long kantri i wari long sefti bilong ol long kalap long Air Niugini balus bikos ol balus i wok long bungim ol kain hevi long ol masin bilong ol.

Planti ol ron bilong balus long dispela taim em ol i stapim long sampela awa o de na ol i tokim ol pasindia long wet inap ol i stretim ol hevi. Na dispela i kamapim moa hevi long wanem ol i pilim olsem ol masin bilong balus i no stap gut tumas na dispela i ken kamapim birua long ron bilong balus.

Narapela samting tu we pablik long dispela taim yumi wok long go klostu long pinis bilong yia na kalap long nupela milenium i wari planti long en em Y2K bag o hevi we kompyuta binatang bai kamapim long Januari 1, 2000.

Ekting Sivil Aviesen Minista Moi Avei i bin tok olsem Air Niugini i luksave long ol wari bilong pablik na em i wok long mekim olgeta samting long stretim

ol hevi long sait bilong sefti na tu dispela we i sut long Y2K binatang.

Askim i bin kamap long kwesten taim long palamen aste long dispela samting bikos antap long dispela pret ol i gat long Y2K na sefti sait, pasin we Air Niugini i mekim long mun Septemba long rausim klostu 100 balus enjinia i kamapim moa wari long sait bilong sefti long Air Niugini.

Mista Avei i tokAir Niugini balus i seif long raun long em na pablik i noken pret bikos ripot bilong Ea Sefti lain bilong Australia bihain long ol i lukluk long ol balus, ol masin na sefti bilong ol i tok ol samting i orait.

Em bin tok tu olsem traibunel kot bai lukluk long keis bilong ol Air Niugini enjinia na em bai givim tok orait long ol i ken go bek long wok o nogat.

### Bogen komiti lukluk long VAT takis

GAVMAN i kirapim pinis wanpela komiti long lukluk long Velu Eded Takis (VAT) na ol samting we i kam aninit long en na em bai givim ripot bilong em long dispela samting taim komiti i pinisim ol wok bilong em, Praim Minista Sir Mekere Morauta i tok long kwesten taim long Palamen aste.

Sir Nagora Bogen man husat i bin holim wok pastaim olsem Komisina 'bilong Intenel revenyu Komisina na tu wanpela Ambasad bilong kantri long Amerika i go pas long Takis Rivyu Komiti we i lukluk long VAT na ol arapela bikpela samting we i sut long wok mani bilong kantri.

Sir Mekere i wok long bekim ol askim long VAT we Morobe Gavana Luther Wenge i bin mekim.

Taim Mista Wenge i amamas long Praim Minista long kirapim komiti long lukluk long VAT, em i askim em sapos gavman bilong em i sapatim VAT o sapos em i ken daunim mak bilong takis long 10 pesen i go daun long tri na foa pesen.

Mista Wenge i bin tok tru ol provins bai i kisim moa aninit long VAT takis tasol em i wari long 80 pesen long ol grasrut pipel husat i bungim bikpela hevi long dispela takis bikos em i bikpela tumas.

Sir Mekere i tok ol askim i sut long VAT em i bikpela samting long kantri na pipel bikos em i kamapim sindaun bilong yumi olgeta.

Em i tok gavman i bin tingting long kirapim VAT takis olsem hap bilong Strakserel Edjasmen progrem na i gat tupela as tingting long en. Dispela em long skruim takis beis na olgeta pipel long kantri i ken peim takis. Narapela as em long klinim ol asua we i bin bung long planti krismas insait long takis rejim.

Sir Mekere i tok bikos ol wan wan provins i wok long sasim mak bilong ol seils takis, dispela i mekim PNG i luk olsem em i gat 21 difren stet na dispela i mas senis.

Em i tok gavman i bin luksave long ol hevi taim em i skruim VAT takis ya tasol nau ol provins bai benefit long en.

Em bin tok samting we i bin kamapim hevi em long taim em i no rait taim gavman i tok oraitim VAT takis long stat long kantri. Dispela em bikos strong bilong Kina em mani bilong yumi i bin stap daunbilu tru.

Sir Mekere i tok olgeta askim we i sut long VAT em Bogen Komiti bai lukluk long en, skelim na glasim na ripot i go bek gen long Praim Minista.

Em i tok sapos gavman i senisim o daunim bek mak bilong VAT, dispela i min olsem em bai go bek gen long namba wan step na ri introdusim gen ol dispela samting.

Em i tok Bogen komiti i wokim namba wan ripot long maning takis na namba tu ripot we em bai redim em long VAT takis.

### Tekwie wari long pravitaisesen

SANDAUN Gavana John Tekwie i bin askim gavman wanem ol gavman propeti na aset emmi laik pravitaisim o larim ol i go operet olsem pravitet kampani.

Em i tok pablik i mas kisim aweanes long save long dispela na ol gutpela na nogut poin na watpo gavman i laik salim ol pablik propeti i go pravitet.

Mista Tekwie i tok long dispela muv we gavman i laik salim ol pablik propeti bilong em olsem Telikom, Habas Bod, Elkorn na sampela arapela moa, gavman i

laik salim ol dispela propeti we i save givim sevis long pablik bai kamap olsem ol pravitet kampani we i save strong long wokim profit.

Em i tok em i wari long ol provins we i no develop gut yet olsem em bai hat long ol long peim ol dispela sevis.

Praivetaisesen na Koprotaisesen Minista Vincent Auali long bekim askim bilong Mista Tekwi i tok i gat "Waitpela Pepa" we i redi i stap long dispela samting tasol palamen bai

lukluk long en long namba wan bung bilong ol long Mas neks yia.

Askim i bin go tu long Plis Minista olsem wanem taim tru ol bai opim Vanimo haus kalabus we i stap pas long siksipela mun pinis.

Plis Minista Herowa Aiguru i tok ol bin pasim Vanimo plis stesen bihainim oda bilong ol helt atoriti tasol plis dipatmen i katim K89,000 na givim kontrak i go long Vanimo Timba kampani long karimaut ol wok mentenens long en.

2000 Baset ripot wantaim ROSALYN ALBANIEL na WENCESLAUS MAGUN

### Dinau bilong ol gavman bilong bipo givim hevi

OL dinau ol gavman bilong bipo i mekim nau i givim hevi long Gavman bilong Sir Mekere Morauta na John Pundari, Dokta Colin Hunt bilong Nesenel Rises Institut i tok.

Em i tok ol baset ripot i soim olsem ol dinau bilong 1988 i go long 1995 i kamap wanpela bikpela dinau bikos bikpela namba bilong dinau i stap long mani bilong American Dola.

"Dispela i mekim strong bilong Kina i pundaun, na namba bilong bekim bek dinau i go antap. Long wankain taim, dinau ol gavman i go pinis i mekim long sentrel benk long PNG i no inap long kisim mani long ol arapela kantri. Dispela dinau i bin go antap long 1998 na i bin stap long mak bilong 20 pe sen," Dokta Hunt i tok.

Em i tok gavman i mas stretim hevi bilong dinau long lukim olsem dispela ol dinau i no hip i go antap long dispela baset, na pinisim ol dinau wantaim helpim mani i kam long ol arapela kantri we i gat liklik win mani tru.

"Bikpela tingting bihain long Minerel Risoses Stebilaisesen Fan i olsem, dispela mani em i bilong switim sampela profit bilong ol minerel, na i no larim mani i go insait long baset na gavman i yusim."

"Long dispela we, mani i sapos long strongim baset na long sem taim stopim ol bikpela mani we i go insait bilong bagarapim ol mani bilong minerel," em i tok.

Dokta Hunt i tok dispela i no bin wok bihainim dispela tingting. Gavman i go het na mekim dinau agens long dispela tingting na olsem i kilim astingting bilong dispela mani.

Em i go het na i tok, dispela i mekim na dispela mani i no bin mekim sampela win mani.

Dokta Hunt i tok gavman bai

kamapim wanpela nupela minerel fan we bai i stap aninit long gutpela nuken ol bai yusim mani bilong dispela fan long putim i go insait long ol bisnis bilong mekim win mani ating long ol arapela kantri.

Em i tok gavman bai yusim dispela mani olsem as bilong en long kamapim gutpela sevis bilong helpim ol pipel bilong PNG i kam bihain na tu strongim ol mani insait long Pasifik.

Dokta Hunt i tok gavman i gat tingting long lukautim gut mani we ol i ken yusim bilong kisim moa mani.

### VAT bai givim moa mani i go long ol provins

DOKTA Hunt i tok ol Gavana bilong ol provins husat i pret olsem VAT bai

bringim bikpela bagarap long takis mani bilong provins bilong ol i noken pret long wanem VAT bai bringim moa mani i go insait long ol provins, Dokta Hunt i tok.

Em i tok long 1999 mani Nesenel Gavman i kisim long VAT we ol bai givim i go long ol provinzel gavman i sapos long wankain long provinzel Sales Tax.

Tasol gavman i laik lukim olsem i mas gat moa mani i kamap long yia 2000 we ol i ken givim i go long ol provins.

Dokta Hunt i tok VAT bai kamapim K340 milion long yia 2000.

"Dispela em i no ekstra takis, long wanem gavman i daunim takis bilong tarif na impot duti long wankain skel. Kain olsem prais bilong rais i bin go antap long duti takis, tasol nau ol i rausim takis bilong ol rais na ol i baim 10 pe sen VAT tasol," Dokta Hunt i tok.

Em i tok VAT em i gutpela bikos nau olgeta pipel bai baim takis na i no sampela lain tasol.

### 2000 Baset em ki bilong helpim ol pipel

2000 Baset em ki bilong helpim ol pipel, Dokta Hunt i tok.

Em i tok gavman bai givim K281 milion yia 2000 Developmen Baset we ol bai yusim long ol bikpela eria olsem helt, edukesen, lo na oda, infrastraksa na developmen long ples. Wanem ekstra wok i stap yet na i sot long mani em ol arapela lain i ken helpim.

Dokta Hunt i tok hap bilong olgeta mani gavman i putim i go long Rurel Developmen Program o 'Slush Fund' we planti lain long kantri na ausait i no laikim.

Em i tok wok bilong gavman nau em long lukim bai ol memba i mas yusim gut dispela mani na givim ripot bilong ol long taim.

Gavman i hapim tu mani long baset bilong Plis Dipatmen. Dokta Hunt i tok dispela em i gutpela bikos lo na oda em i wanpela bikpela hevi

long kantri we i stopim planti ol bisnis lain long putim mani i kam insait long kantri long mekim wok.

### Gavman bai glasim laisens bilong ol timba kampani

GAVMAN bilong Sir Mekere Morauta i kamapim strongpela lo we ol i no inap baim ol kampani i kam katim diwai long PNG husat gavman i gat dinau wantaim ol inap gavman i glasim laisens bilong ol, Dokta Hunt i tok.

Em i tok hevi i stap long ol kampani i kisim laisens pinis na i mekim wok long kantri.

"Ol opela Timber Rights Permit (TRP) na ol arapela permit o tok orait bilong katim diwai em ol 90 pesen bilong long prodaksen we kantri i no inap kisim bek," Dokta Hunt i tok.

Em i tok gavman i mas stopim olgeta dispela permit na bringim i go insait long Forest Management Agreement (FMA) eria.

Dokta Hunt i tok long FMA i givim tok orait long ol timba kampani long katim diwai insait long ol eria we ol i mas planti bek nupela diwai taim ol i katim diwai insait long 35 yia.

Em i tok 2000 Baset i skelim moa mani i go insait long Nesenel Fores Atoriti na dispela bai helpim ol long mekim gutpela wok.

Long 1998 gavman i bin putim K800,000. Long 1999 ol i hapim i go antap long K1 milion na long yia 2000 gavman i hapim moa i go antap long K3.45 milion.

"Dispela em i gutpela sain, tasol mipela i hop menesmen i kamap gutpela wantaim bikpela mani olsem," Dokta Hunt i tok.

Em i laikim gavman i mas glasim tu lo bilong kisim takis long ol diwai. Dokta Hunt i tok gavman i mas gat namba wan astingting long lukautim ol wail bus bilong PNG bilong ol pikinini i kam bihain long taim gavman i kamapim ol lo bilong timba.

### Helt Dipatmen bai kisim moa mani long 2000 nesenel baset

#### VERONICA HATUTASI i raitim

HELT sekta bai i kisim moa mani insait long yia 2000 baset, Praim Minista Sir Mekere Morauta na Helt Minista wantaim i tok.

Sir Mekere i bin autim dispela toktok insait long wanpela konferens bilong ol haus sik bod long kantri long Mosbi long dispela wik.

Dispela konferens we bai i pinis tumora i bungim wantaim ol haus sik bod na ol sinia helt wok manmeri insait long kantri bilong putim ol tingting bilong ol wantaim long bringim gutpela helt sevis i go long ol pipel bilong dispela kantri.

Sir Mekere i tok siksipela prioriti eria bai i kisim moa mani insait long baset bilong neks yia taim ol arapela bai i kisim wankain mani

mak olsem dispela long 1999 Saplimenter i Baset.

Siksipela praioriti eria em long helt, edukesen, wok long stretim ol rot samting, lo na oda na agrikalna na ol arapela eria we i pulim mani i kam insait long kantri.

Sir Mekere i tok bai gavman i givim moa mani long baim ol marasin na Nesenel Helt dipatmen bai lukautim wok bilong ol sios helt woklain husat i save mekim bikpela wok long sevim ol pipel insait long ol rurel eria.

Sir Mekere i tok maski Nesenel Gavman bai givim moa mani long helt dipatmen neks yia, em no inap long wokim ol wok we yumi laikim. Olsem na yumi mas glasim na skelim gut ol samting na yusim mani long ol dispela samting we bai daunim ol sik, hevi na dai.

Em i tok dispela i min olsem ol projek we yumi tromoim mani long en em i gutpela long stapim moa pipel long karim hevi na dai long en.

"Dispela i min olsem yumi i mas putim bikpela tingting long skruim sevis i go long ol pipel insait long rurel eria. Tasol dispela i no min olsem yumi i tanim baksait long bikpela wok we ol haus sik i wokim, nogat," Sir Mekere i tok.

Sir Mekere i bin tokim ol bikman bilong ol haus sik insait long kantri olsem stretim helt kea bilong ol pipel em i bikpela eria we gavman bilong em i lukluk long en. Na em i bin putim strongpela singaut long ol long wok bung wantaim bilong daunim ol hevi na mekim PNG wanpela gutpela ples long stap long en.

## Napo laikim K500,000 bilong ol ilektoret i stretim setelmen hevi

Gavman i mas givim K500,000 long wanwan memba bilong palamen long stretim hevi bilong setelmen na tu salim ol lain i laik go bek long asples bilong ol insait long olgeta provins.

Open memba bilong Bulolo Samson Napo i tokaut olsem insait long nesanel baset bilong yia 2000, Gavman i mas brukim K500,000 long olgeta wanwan open memba long mekim dispela wok bilong daunim lo na oda insait long ilektoret bilong ol wanwan.

Mista Napo i mekim dispela toktok bihain long em i luksave olsem hevi bilong lo na oda i wok long go bikpela na hevi olgeta.

Em i tok ol lida i mas karim dispela wok bilong helpim ol pipel i kamap gutpela manmeri na i no bilong luk pes long ol.

Mista Napo i tok planti tausen lain husat i nogat wok na i stap nabaut long Mosbi, Lae na tu long Wau Bulolo i laik go bek long ples bilong ol wanwan bikos laip i hat tru long ol bai i stap long taun na siti. Tasol hevi bilong mani i mekim na dispela tingting bilong ol lain i no inap kamap.

Em i tok sapos bihain dispela wok i kamap na ol pasindia lain i go bek pinis long asples bilong ol wanwan, orait olgeta wokman na wokmeri i stap long taun i ken i gat kampani aidi kat bilong wok. Taim ol i laik go long ples bilong ol na kam bek long wok, ol i mas soim dispela wok aidi kat bilong ol long kalap long balus, sip o pmv na kam bek long wok bilong ol long wanem taun o siti ol i wok na stap long en.

Mista Napo i tok mipela i no inap long go het na giaman tok olsem olgeta samting i orait tasol na toktok planti long fridom bilong raun olgeta hap. Bikos ol pipel bilong mipela yet i wok long yusim dispela fridom bilong raun long kamapim trabel, ol bikhet pasin, stil na ol bikpela hevi bilong lo na oda insait long kantri, Mista Napo i tok.

## Helt piksa bilong PNG i no gutpela, Sir Mekere i tok

VERONICA HATUTASI i raitim

BUNG bilong ol haus sik bod siaman long kantri na ol arapela sinia nesanel na provinsal helt wok manmeri i bin harim olsem helt rekot bilong Papua Niugini insait long las 10-pela krismas i no gutpela tumas.

Praim Minista Sir Mekere Morauta i tok taim em i kisim Helt Ministri long lukaut bilong em, em bin kirap nogut long lukim olsem mak na piksa bilong helt bilong dispela kantri na pipel i no gutpela.

"Ol ripot i soim olsem helt sistem bilong yumi long kantri i no wok gut tumas. Insait long las 10-pela krismas, helt bilong ol pipel bilong yumi i no go gut. Na yumi i noken abrusim dispela samting, moa yet taim yumi lukim ol rekot olsem.

"Long olgeta 1,000 bebi we ol mama i karim insait long kantri long wanpela yia, 77 long ol i save dai. Long 1,000 bebi we ol mama i karim long wanpela yia, 102 bilong ol bai dai bipo ol i gat wanpela krismas, long 100,000 mama husat i karim pikinini, 370 mama bai i dai taim ol i karim bebi na wanpela pikinini meri we mama i karim long Fiji tude bai i stap 22 krismas moa winim Melanesen susa bilong em long PNG," Sir Mekere i tok.

"Yumi wok long lusim pait egens long ol sik we yumi save gat planti taim long en olsem niu monia, sik malaria, TB na dairia. Ol sik we banis sut i ken stapim olsem misel, tetanus na bikpela kus i wok long kilom dai planti pikinini yet. Yumi gat ol nupela sik we i wok long kamap bikpela na daunim planti pipel long en olsem sik HIV/AIDS, ol sik bilong lewa, sik kensa na sik suga (daibitis).

"Ol dispela ripot i no givim gutpela piksa long kantri. Mi no wanbel long ol. Watpo na ol samting i kamap olsem? Sir Mekere i tok.

Em i tok kantri i gat gutpela



• Danis na singsing tumbuna grup bilong Rigo i kisim Praim minister Sir Mekere Morauta i go insait long Helt Semina bung long Islander Hotel long dispela wik. Foto: Isaac Ikuavi.

helt sistem we i ken lukautim na daunim ol kain sik ya. Em i tok i gat ol rot i stap long stretim ol hevi long sait bilong helt long kantri na dispela em long kisim ol antibiotik marasin, ol marasin long stapim sik malaria long kamap na famili plening. Ol dispela rot i ken helpim tru long abrusim ol sik na hevi na laip na sindaun bilong ol pipel i ken kamap gut," Sir Mekere i tok.

Em i tok yumi ken kisim ol dispela samting long ol etpos sistem na banis sut (imunaisesen) i ken sevim laip bilong planti pikinini bilong yumi.

Tasol em i tok wanpela as we yumi feil long kisim ol dispela laip seving rot i go long ol pipel em long ol rurel helt sistem i feil long karimaut ol rot long stapim ol sik na sevim ol laip.

Em bin tok planti long ol sik manmeri na pikinini we i kisim marasin long ol bikpela haus sik i nogat nid long kam long hap

bikos ol ken kisim marasin na helpim long ol etpos na helt senta.

Helt Dipatmen i luksave long sampela ol bikpela samting we i kamapim hevi na helt sistem long kantri i no go gut. Ol dispela em long:

- Sot long ol strongpela marasin na ikwipmen;

- Ol sevis long ol etpos i no go gut;

- Sot long ol ki woklain insait long ol rurel eria na;

- Nesanel na Provinsel gavman i feil long luksave long nids long sait bilong helt na givim gutpela risos long skruim gut wok.

"Yumi ken wokim samting long ol dispela hevi. Bikos ol rurel helt sevis i no givim gutpela helt sevis, ol bikpela haus sik i wok long kisim taim.

Maski ol wok manmeri insait long ol haus sik long kantri i brukim bun long wok 24 awa, i

gat ol hevi yet i stap.

"I nogat kwik fiks o isipela rot long stretim ol hevi, tasol mi bilip olsem sapos yumi wok bung wantaim, yumi ken kamapim sampela gutpela samting.

"Ol haus sik i no inap long kamap gutpela sapos yumi no stretim helt sevis insait long ol rurel eria. Long wankain taim tu, ol rurel helt sevis bai ino inap long kamap gut inap ol haus sik i sapotim na strongim ol.

"Em no hat long stretim ol dispela hevi bikos planti ol arapela kantri we hevi bilong ol i bikpela moa long yumi i painim rot long daunim ol hevi long sait bilong helt. Na em i wok bilong yumi olgeta long kamapim gutpela senis long helt bilong ol mama na pikinini long kantri. Wantaim helpim bilong yupela olgeta na sapot bilong ol dona ejensi yumi ken wokim samting long stretim ol hevi bilong helt sistem long kantri," Sir Mekere i tok.

# BOROKO Foodworld

## SPESOL BILONG DISPELA WIK

**Lukim  
Supa  
Spesel!**

Roots Rice 1kg	K1.17	Ilimo Kwik Kai 900gr	K4.95
Trukai Rice 1kg	K1.65	Globe C/B Round 300gr	K2.45
Trukai Rice 10kg	K15.25	Gold Nuggets 25gr	.25
Suncrush Cordial 2 litres	K3.95	Weet Bix 375gr	K3.90
Maggi Noodles 85gr	.45	Arrow Beef 85gr	.40
Sunshine Milk UHT 1 litre	K2.34	Home Brand Ice Cream 2Ltr	K3.90
		Zenag Stewing Pieces 1kg	K4.74

Planti moa kaikai prais i go daun long en!

Ph: 325 7566, 325 0863 Fax: 325 7096

Ripot bilong Wol Helt Ogenaisesen kibung long Manila na Kobe (10-18 Novemba) - WENCESLAUS MAGUN i raitim

# Sik TB kilim 8 milion pipel long wan wan yia

Sik Tubakulosis o TB (Tuberculosis) i save kilim 8 milion pipel long wan wan yia. Samting olsem 1.9 milion pipel i dai long wanpela yia tasol long 1996. Na sik TB i save kilim moa man long ol meri insait long Westen Pasifik Rijen, wanpela ripot bilong 1998 i kam long Wol Helt Ogenaisesen (WHO) Rijinel Opis bilong Westen Pasifik long Manila i tok.

Ripot i soim olsem moa long hap bilong olgeta wok painim long 1997 i soim olsem planti ol man i gat krismas namel long 25-44 i save kisim sik TB. Dispela i save bagarapim planti ol gutpela laip bilong ol man bilong kamapim gutpela famili.

Long Papua Niugini sik TB i go antap long 35 pesen (35%) olgeta.

WHO ripot i tokaut olsem insait long narapela 10 yia taim, sik TB bai kilim 30 milion pipel.

Dispela ripot i tokaut tu olsem sik TB i bagarapim wan ted bilong olgeta pipel long dispela graun. Na 80 pesen bilong ol pipel i gat sik TB i stap long 22 kantri. Ol dispela kantri em long China, Philippines, Cambodia na Viet Nam insait long Westen Pasifik Rijen.

Long dispela as, WHO i kamapim wanpela kempen bilong stopim sik TB. Ol i kirapim dispela kempen long Novemba 1998.

Astingting bilong WHO taim ol i kirapim dispela kempen em bilong suvim wari bilong sik TB i go long



• Ol ripota bilong Westen Pasifik Rijen i go long kisim ripot bilong ol helt woka na ol lain i gat sik TB long Barangai San Joaquin Helt Senta long Manila.

pes bilong ol-gavman insait long wol na moa yet insait long Westen Pasifik Rijen bai ol politisen i mas luksave long dispela na kamapim ol polisi na rot bilong stopim sik TB.

Narapela astingting bilong WHO em bilong kirapim bel bilong olgeta pipel long wol bai ol i luksave

olsem sik TB em i wanpela bikpela hevi long graun na olgeta lain i mas wok bung wantaim bilong stopim.

Ripot i tok insait long 36 kantri/eria bilong rijen, 29 kantri tasol i salim ripot bilong ol i go long WHO bilong putim aut. Ol 7-pela kantri i no salim ripot bilong ol i go

long WHO i kam long ol kantri we i nogat planti pipel (0.04 pesen).

Ripot i tokaut olsem skel bilong nupela spet bilong kus i soim olsem taim ol het woka i bungim olgeta spet bilong kus ol i painim olsem sik TB i surik long 37 pesen (37%) long 1996 i go antap long 45 pesen (45%) long 1997.

WHO i yusim wanpela kain stendet fom bilong kisim ripot bilong mekim dispela wok painim.

Insait long dispela ripot, WHO i tokaut olsem wanpela samting ol i painim i olsem wanpela bikpela sik TB i wok long go daun long 1997. Tasol wanpela nupela sik TB insait long rop bilong blut i go long win bek (pulmonary sputum) i wok long go bikpela na i no wankain long wok painim ol i mekim long 1996.

WHO ripot i tokaut olsem sik TB em i wanpela bikpela hevi bilong pablik helt long rijen. Insait long 100,000 pipel long Westen Pasifik Rijen, 51 pipel i gat sik TB.

Ripot i tokaut tu olsem i gat 12-pela kantri/eria insait long rijen we wokpainim i soim olsem moa long 100 pesen bilong 100,000 pipel i gat olgeta kain sik TB.

Ol kantri i stap insait long Westen Pasifik Rijen em long American Samoa, Australia, Brunei, Cambodia, China, Cook Islands, Fiji, French Polynesia, Guam, Hong Kong, China, Japan, Kiribati, Lao P.D.R., Macao, Malaysia, Mariana Is. Marshall Is, Micronesia, Mongolia, Nauru, New Caledonia, New Zealand, Niue, Palau, Papua New Guinea, Philippines, Republic of Korea, Samoa, Singapore, Solomon Islands, Tokelau, Tonga, Tuvalu, Vanuatu, Viet Nam na Walis na Futuna.

## Pasin bilong lusim smok em i no isi: Dr Brundtland

"PASIN bilong lusim smok em i no isi. Mipela i save olsem pawa bilong nikotin i save pulim laik na tingting bilong ol man meri long smok," Dairekta Jenerel bilong Wol Helt Ogenaisesen, Dokta Gro Harlem Brundtland i tok.

Em i tok planti ol man meri i save traim long lusim smok pasin tasol bihain long sampela mun ol i save go bek long smok.

"Dispela em i salens bilong yumi olgeta na yumi mas kirap na mekim samting long en bikos yumi save olsem pasin bilong kisim moa lain i save smok long lusim pasin bilong smok em ki bilong daunim ol dai pasin smok i save mekim na bai mekim long narapela 10-pela yia taim," Dokta Brundtland i tok.

Em i tok insait long wanpela wok painim ol i karim aut long wanpela bikpela kantri i develop yet ol i painim aut olsem tu ted bilong ol pipel husat i save smok i ting olsem smok i save kamapim liklik bagarap tasol na sampela i ting olsem smok i no save bagarapim laip bilong man o meri na pikinini.

Em i tok i gat liklik lain i soim laik long stop smok na liklik lain moa i stop pinis long smok.

Dokta Brundtland i tok nau long dispela taim ol lain i stop long smok i no save kisim helpim.

"Tasol yumi mas strongim dispela pasin bai namba bilong ol lain i stop long smok i mas go antap," em i tok.



• Sampela ol dokta na savaman bilong WHO i givim toktok insait long kibung long Manila. Foto: Wenceslaus Magun

Em i tok tude i gat ol-gutpela rot bilong helpim ol man na meri i save smok long lusim pasin bilong smok na dispela rot i no inap kosim bikpela mani.

"I gat marasin bilong kisim ples bilong nikotin kain olsem nikotin gam, petses, spreid bilong nus na ol win bilong pulim na tu i gat ol samting i nogat nikotin long en tu. Kain olsem 'bupropion', i ken helpim ol pipel tupela taim long lusim smok pasin," Dokta Brundtland i tok.

Em i tok ol i mas putim aut toksave na mekim planti bilong ol dispela samting bai ol pipel i ken yusim bilong helpim ol yet long lusim pasin bilong smok.

Dokta Brundtland i tok gutpela nius long dispela i olsem ol pipel inap lukautim gut laip

bilong ol maski ol i yangpela o lapun.

"Ol lain i givap taim ol i gat 30 krismas i ken amamas long stap laip longpela taim wankain olsem ol lain i no

save smok long laip bilong ol," Dokta Brundtland i tok.

Olsem na em i askim olgeta lain i save smok long lusim smok na lukautim laip bilong ol.

## Kontrolim pasin bilong smok

PASIN bilong smok i save kilim 4 milion pipel long olgeta yia, na insait long 8 seken, wanpela man o meri long wol i save dai long pasin bilong smok, ripot i kam long WHO i tok.

Ripot bilong WHO insait long Westen Pasifik Rijen i soim olsem insait long foapela man o meri i dai long wanpela de, wanpela bilong ol i dai bikos em i gat sik bilong smok.

Long dispela as WHO i kamapim kempen bilong kontrolim pasin bilong smok insait long Westen Pasifik Rijen. Insait long dispela kempen, ol i

laik lukautim rait bilong ol man na meri husat i no save smok.

Ripot i kam long WHO i soim olsem pasin bilong smok i save bagarapim laip bilong ol man na meri i save smok na tu laip bilong ol man na meri na pikinini husat i no save smok.

Ol inap kisim kensa long win bek na ol arapela sik.

Long dispela as WHO i askim olgeta pipel bilong Westen Pasifik Rijen long mekim ol dispela samting.

• Long nesenel level, i mas gat politikel komitmen long olgeta level long

daunim pasin bilong yusim o smokim brus. Ol nesenel lida i mas kamapim 'Nesenel Plen bilong Eksen bilong Kontrolim Brus';

• Long Rijinel level, ol kantri na eria bilong Westen Pasifik i mas wok bung wantaim bihainim 'Rijinel Eksen Plen bilong Brus o Helt 2000-20004'; na

• Long Global level, WHO i laikim yumi olgeta i mas toktok strong na sapotim toktok ol i pasin long intanesenel 'Fremwok Konvensen long Brus Kontrol (FCTC)';

## Meri na smok

WANPELA wok painim WHO i karim aut i soim olsem samting olsem 12 pesen bilong ol meri na 47 pesen bilong ol man i save smok. Insait long Westen Pasifik Rijen, ripot i soim olsem samting olsem 60 pesen bilong ol man na 8 pesen bilong ol meri i save smok.

Ripot i tok dispela i soim olsem samting olsem 340 milion man na 45 milion meri i save smok.

Long ol kantri i develop pinis, liklik namba bilong ol meri tasol i save smok. Tasol long ol kantri i develop yet, wok painim i soim olsem i gat bikpela namba bilong ol meri i save smok.

Ripot i tok long averes, ol lain i save smok i gat 50 pesen sans bilong dai long smok. Na hap bilong ol dispela lain bai dai taim ol i gat 35-69 krismas. Dispela i soim olsem ol bai lusim 20 yia bilong laip we ol i sapos long stap laip yet.

Ripot i tokaut olsem insait long las 20 yia planti man na meri i wok long smok long olgeta kantri long wol.

## Gavman kisim wari bilong ol woa lain

YAKAM KELO i raitim

PNG Asosiesen bilong Redress long Esia Pasifik rijon i kisim sapot na luksave bilong Mekere na Pundari gavman pinis.

Siama Gabriel Laku long dispela yia i bin wok hat long mekim kamap dispela hevi bilong ol lapun bilong wol woa 2 i go long han bilong PNG gavman long pusim toktok wantaim gavman bilong Japan long stretim kompensesen long ol manmeri i kisim bagarap long wol woa 2 bikos ol Japan ami i bin yusim ol na bagarapim ol.

Long dispela wik Minista bilong Stet husat i wok helpim long Prais Minista, lairo Lasaro i tokim Wantok olsem dispela hevi bilong PNG Asosiesen bilong Redress i go pinis long luksave bilong Prais Minista Sir Mekere Morauta.

Mista Lasaro i tok Prais Minista i makim wanpela opisa long go pas long stretim ol wok na tok tok bilong kisim PNG lain i go bung wantaim Japan gavman long stretim toktok wantaim ol.

Mista Lasaro tu i bin soim bikpela sapot bilong em long mekim kamap dispela wok long stretim ol lapun na famili bilong PNG husat i kisim taim nogut long taim bilong wol woa 2.

Siama bilong Asosiesen Gabriel Laku i tok long Septemba 1 na 2 dispela yia, em i bin go long bikpela miting bilong ol historiensi long Kenbera long Australia. Na long dispela bung, em i bin autim dispela olgeta toktok na namba bilong ol lain i kisim bagarap long woa. Na ol bikman na saveman bilong Japan i bin harim tru ripot bilong em na askim em long askim Gavman bilong PNG na Japan i stretim dispela samting wantaim.

Mista Laku i tok em i amamas olsem Gavman bilong Sir Mekere i kisim dispela luksave pinis na em i amamas long Mista Lasaro long pusim dispela hevi i go long sait bilong PNG Gavman na Japan Gavman.

## Ol ami wantaim PMV bas meknais long Mosbi

MATHIAS MALE i raitim

OL ami bilong Mosbi i bin holim pas tripela PMV bas bilong ol Hagen bihain long wanpela birua pasin i bin kamap namel long ol spakman na wanpela soldia ami long Morata long las wik.

Tasol long Mande dispela wik, ol papa bilong bas i go toktok wantaim ol ami long Mari Bareks na kisim bek tripela PMV bas bilong ol.

Dispela hevi bilong ol ami wantaim ol PMV bas i stapim planti wokmanmeri na skul pikinini long go long wok na skul long Mande dispela wik.

Wanpela soldia i bin kisim bagarap long Morata long spak pasin we pait i bin kamap na ol arapela lain i bagarapim em. Olsem na ol ami i bin bung na go bek soim belhat bilong ol we ol i bagarapim ol haus na ol samting long Morata na lokim ol bas bilong ol Hagen.

Mausman bilong Morata komyuniti Henry Kope i tok dispela trabel i bin kamap long dispela soldia na ol spak lain em samting bilong spak pasin na i no bilong olgeta komyuniti manmeri long Morata. Bikos ol komyuniti manmeri i no tok long ol spak lain i mekim dispela birua.

Wanpela papa bilong bas i tok ol ami i no mekim stretpela pasin long lokim bas bilong ol bikos i no ol PMV bas i mekim dispela rong. Dispela hevi i stap namel long ol spak man yet.

Bikman ya i tok ol bas i no save kos liklik mani long baim. Sampela em ol i save baim long dinau (lon) na ol i mas wok hat long kisim mani bilong bekim dinau bilong bas wantaim ol benk.

Ol arapela pablik i komplem olsem ol soldia i rong tru long blokim ol bas bikos man i bin mekim trabel wantaim dispela soldia i nogat wanpela PMV bas. Ol bas i bilong arapela lain olgeta long dispela man i mekim pait wantaim soldia ya.

Long Mande ol PMV bas i stapim wok bilong ol tasol long Tunde dispela wik, olgeta bas i go bek wok na ol Hagen lain i kisim bek tripela bas bilong ol long banis bilong ol ami long Mari Bareks.

Ol bosman bilong PNG Difens Fos tu i no amamas long dispela pasin bilong ol soldia bilong ol na i laik mekim wok painimaut long dispela samting.

# Manus plis bai karimaut spesel Krismas na Nu Yia operesen

VERONICA HATUTASI i raitim

MANUS plis bai karimaut spesel operesen long daunim ol hevi namel long Krismas na Nu Yia 2000.

Dispela operesen em ol i kolim long "Operesen Milenium Bag".

Provinsel Plis Komanda Joseph Morehari i tok operesen ya bai stat long Desemba 24 na bai i go inap long Januari 2000.

Operesen ya bai karamapim ol eria olsem disasta, ses na reskyu, lukautim hevi i sut long lo na oda na ol sevis eria olsem ol beng, elkom na telikom na ol masin bilong ol.

Mista Morehari i tok bikos long dispela

hevi we binatang bai bagarapim ol kompyuta i kamap bikpela long save bilong pablik, ol plis bai lukautim ol dispela masin na sevis eria long ol lain nogut husat i ken yusim dispela hevi long bagarapim ol samting.

Em i tok 40 plisman bai i stap insait long dispela operesen we bai karamapim Lorengau taun eria tasol ol oksileri na risev plisman, ol viles kot majisret na komyuniti bai helpim long skruim dispela operesen.

Manus provins long dispela taim i nogat bikpela trabel na meknais tasol long tupela wik i go pinis, wanpela stil pasin i bin kamap long John Akau Treding long Lorengau.

Tupela stilman i bin wokabaut i go insait long Akau Treding tredstoa na stilim ol samting we kos bilong ol inap long K300.

Stilpasin ya i bin kamap long 9.30 nait. Tupela man i bin haitim pes bilong ol wantaim hap klos na wokabaut i go insait long stoa na wokim stilpasin ya.

Plis i mekim wok painimaut long dispela samting.

Tupela wik i go pinis tu, Manus i bin holim wanpela soka spot tonamen long Lorengau. Tonamen i bin go het long tupela wik.

Inspekta Morehari i tok pilai i bin go gut tasol na ol yangpela we i bin bung long tonamen ya i bin amamasim tru tupela wik bilong pilai soka ya.

## Ol meri gat namba long wok timba



• Minista bilong Fores Michael Ogio i amamasim Betty Maima husat i kamap namba tu long klas bilong em. Prinsipal bilong kolis Frank Corin wantaim namba wan sumatin bilong dispela yia, Christine Seta i lukluk i stap. - Foto: Joe Kanekane

JOE KANEKANE i raitim

PLANTI ol meri i wok long holim ol wok we ol man i holim bipo na ol i soim olsem ol i ken wokim wok wankain long mak we ol man i save wokim.

Dispela luksave i kamap long Timba na Forestri Kolis long Lae long wik i go pinis taim 12 pela meri i kisim setifiket long wok long timba indastri.

Tupela meri tu i kamap namba wan long dispela grup we tupela i soim olsem ol meri i gat save long wokim ol dispela kain wok.

Namba tu Hai Komisina bilong Nu Silan Craig Rikit husat i ges spika long dispela greduesen i tok em i amamas

long lukim olsem kolis i wok long kisim ol meri long lainim wok timba.

Em i tok kantri bilong em husat i bin wokim dispela skul i bilip olsem ol meri inap long wokim dispela kain wok na ol i mas go het wantaim dispela kain pasin.

Mista Rikit i tok gavman bilong Nu Silan i wok long sambai tasol long dispela kain skul na ol senis i wok long kamap long skul i soim olsem kantri i luksave olsem senis i mas kamap.

Minista bilong Fores Michael Ogio husat i bin stap tu long dispela greduesen i tok ol meri i noken ting olsem wok long forestri em i isi.

Mista Ogio i tok wok long forestri sekta i hat tru na ol sumatin i mas redi gut long bungim wanem kain hevi i wok long

kamap long ol. "Wanpela bikpela eria long forestri em ol savelain i wok long wanem sapos i gat gutpela savelain wok bai isi tru.

Forestri i no olsem ol arapela indastri, em i hat na planti lain i mas save gut long wok. Mi bilip olsem long taim yupela stap long hia, yupela i gat inap save long go wok," em i tok.

Em i tok tu olsem em i amamas long lukim olsem ol meri i kamap namba wan long ol skul wok na em i save olsem planti moa bai kam joinim kolis long ol yia i kam bihain.

Mista Ogio i hamamas tu long lukim ol wok na senis i kamap long kolis na tu halivim i kam long Nu Silan gavman.

# Lusip - Lae Pasindia Sip

NOVEMBA 1999

For Passenger Bookings or Information  
Contact: Titus or Ita Ph: 472 2066 Fax: 472 5806  
P.O. Box 1459, Lae, Morobe Province.

Vessel	Voy No.	Sailing from Lae for:	Day	Date	Time
<b>"Gejamaso Officers Daily Passenger and Parcel Services between Lae and Buki"</b>					
<b>"Gejamaso Departs Lae @ 0900am and Arrives Buki at 11.30am"</b>					
<b>"Gejamaso Departs Buki @ 12:30pm and Arrives back at Lae at 3.00pm"</b>					
*Mamose Exp.	654	N	FinWasu/Madang/Wewak	Mon	01-11-99 9AM
*Rita	494	N	Kimbe/Rabau/Kimbe/Lae	Mon	01-11-99 3PM
Umboi	581	N	FinschWasu (Mag)	Tue	02-11-99 4PM
Nagada	442	A	FinschLab/Lab/Lae	Wed	03-11-99 4PM
Maneba	582	N	Lorengau (Lae)	Wed	03-11-99 12PM
Nagada	442	N	FinschSio/Wasu/Gali/Biliau/Mag	Fri	05-11-99 5PM
*Rita	494	B	Fin/Lab/Fin/Lae	Fri	05-11-99 5PM
*Rita	494	D	Oro Bay/Lae	Sat	05-11-99 8PM
*Rita	495	D	FinWasu/Madang/Wewak	Mon	08-11-99 9AM
*Mamose Exp.	635	N	Kimbe/Rabau/Kimbe/Lae	Mon	08-11-99 3PM
Maneba	533	N	FinschWasu (Mag)	Tue	09-11-99 4PM
Umboi	592	N	Lorengau (Lae)	Wed	10-11-99 4PM
*Mamose Exp.	695	B	Fin/Lab/Fin/Lae	Fri	12-11-99 4PM
*Mamose Exp.	635	D	Oro Bay	Sat	15-11-99 8PM
*Mamose Exp.	636	N	FinWasu/Madang/Wewak	Mon	15-11-99 9AM
*Rita	496	N	Kimbe/Rabau/Kimbe/Lae	Mon	15-11-99 3PM
Totol	801	A	FinschWasu (Lae)	Tue	16-11-99 4PM
Nagada	443	A	FinschLab/Lab/Lae	Wed	17-11-99 4PM
Maneba	534	N	Lorengau (Lae)	Wed	17-11-99 12NN
Nagada	448	N	FinschSio/Wasu/Gali/Biliau/Mag	Fri	19-11-99 5PM
*Rita	496	B	Fin/Lab/Fin/Lae	Fri	19-11-99 5PM
*Rita	496	D	Oro Bay/Lae	Sat	20-11-99 8PM
*Rita	497	N	FinWasu/Madang/Wewak	Mon	22-11-99 9AM
*Mamose Exp.	537	N	Kimbe/Rabau/Kimbe/Lae	Mon	22-11-99 3PM
Totol	801	C	Aumo/Wasum (Lae)	Mon	22-11-99 4PM
Maneba	535	N	FinschWasu (Lae)	Tue	22-11-99 4PM
Totol	801	D	Kandrian/Arawa (Lae)	Thu	25-11-99 12NN
*Mamose Exp.	637	B	Fin/Lab/Fin/Lae	Fri	26-11-99 5PM
*Mamose Exp.	637	D	Oro Bay	Sat	27-11-99 6PM
*Mamose Exp.	638	N	FinWasu/Madang/Wewak	Mon	29-11-99 9AM
*Rita	498	N	Kimbe/Rabau/Kimbe/Lae	Mon	29-11-99 3PM
Umboi	595	N	FinschWasu (Mag)	Tue	30-11-99 4PM

# Lusip - Lae Kago Sip

NOVEMBA 1999

For Cargo Bookings Information  
Contact Philip or Yadi Ph: 472 2066 Fax: 472 5806.  
P.O. Box 1459, Lae, Morobe Province.

Vessel	Voy No.	Sailing from Lae for:-	Day	Date	Time
<b>Main Sports</b>					
Kuder	232	A	Madang	Tue	02-11-99 6PM
Maneba	532	N	Lorengau (Lae)	Wed	03-11-99 4PM
Kuder	232	N	Madang/Wewak/Vanimo	Fri	05-11-99 10PM
Wewak	363	A	Madang	Tue	05-11-99 6PM
Umbo	592	N	Lorengau (Lae)	Wed	10-11-99 4PM
Wewak	363	N	Madang/Wewak/Vanimo	Fri	12-11-99 10PM
Kuder	233	A	Madang	Tue	16-11-99 6PM
Maneba	534	N	Lorengau (Lae)	Wed	17-11-99 4PM
Kude	233	N	Madang/Wewak/Vanimo	Fri	25-11-99 10PM
Wewak	364	A	Madang	Tue	23-11-99 6PM
Umbo	594	N	Lorengau/West Coast (Lae)/Dangerous	Wed	24-11-99 4PM
Wewak	364	N	Madang/Wewak/Vanimo	Fri	26-11-99 10PM
Kuder	234	A	Madang	Tue	30-11-99 6PM
<b>Small Ports</b>					
Umbo	591	N	FinschWasu (Mag)	Tue	02-11-99 4PM
Nagada	442	A	FinschLab/Lab/Lae	Wed	03-11-99 4PM
Nagada	442	N	FinschSio/Wasu/Gali/Biliau/Mag	Fri	05-11-99 12PM
Maneba	533	N	FinschWasu (Mag)	Tue	09-11-99 4PM
Umbo	593	N	Aitape	Mon	15-11-99 4PM
Totol	801	A	FinschWasu (Lae)	Tue	16-11-99 4PM
Nagada	443	A	FinschLab/Lab/Lae	Wed	17-13-99 4PM
Totol	801	B	FinWasu/Lab/Lab/Kandrian/Arawa (Lae) Dangerous Cargo Services	Thu	18-11-99 8PM
Nagada	443	N	FinschSio/Wasu/Gali/Biliau/Mag	Fri	19-11-99 12NN
Total	601	C	Aumo/Wasum (Lae)	Mon	22-11-99 4PM
Maneba	535	N	FinschWasu (Mag)	Tue	28-11-99 4PM
Totol	801	D	Kandrian/Arawa (Lae)	Thu	25-11-99 12NN
Umboi	595	N	FinschWasu (Mag)	Tue	30-11-99 4PM

London, Ingran:

## Saprais bebi bilong

# Praim Minista Tony Blair na Misis

PRAIM Minista bilong Ingran Tony Blair na meri bilong em bai i gat nupela pikinini.

Dispela em bai namba foa pikinini. Meri bilong em Cherie i gat 45 krismas na Praim Minista Blair i gat 46 krismas.

Mista Blair i bin kirap nogut long nius olsem em bai i gat nupela bebi tasol long wankain taim tu, em i amamas. Em i kirap nogut long wanem em i ting tupela i no yangpela moa long gat bebi.

Nius long dispela samting i bin

kamap long taim bilong wanpela wiken bung long ol wol lida long Florens, Itali long wiken.

I luk olsem nius long Mista na Misis Blair bai i gat bebi i bin kamap olsem bikpela na gutpela nius long toktok na selebret long en long dina pati we ol wol lida i bin holim long Florens. Nius long dispela samting i bin kamap bikpela long ol niuspepa long Itali.

Mista Blair long taim em i kirap nogut na amamas long nius we meri bilong em i gat bel long

namba foa bebi i tok meri bilong em i bin bel bihain long malolo bilong ol long Tuscany. Em i amaams tru long nupela bebi na em i tok amamas long dispela i moa yet winim dispela em i pilim taim em i winim ileksen long kamap olsem Praim Minista.

Nius i bin kamaut long pablik 24 awa bihain long dokta i givim konfemesen long Misis Blair olsem em i bel. Maski wanem kain tingting i stap Mista Na Misis Blair i amamas na ol i wetim nupela bebi we em bai karim long neks yia.

### Vanuatu:


### Straik

## kamapim hevi

Stop wok we ol woklain bilong Nu Kaledonia Intenesenel ples balus long Numea i wok long go het na i kamapim hevi long ol intenesenel ron bilong balus na operesens long ples balus yet, ol ripot i tok.

Stop wok eksen i bin stat long 10-pela de i go pinis na dispela i kamapim hevi pinis long ol planti ron bilong balus. Mekim na ol Yunien memba i laikim bai ol mas transferim o rausim wanpela ples balus eksekutiv.

Mausman bilong Yunien Pierre Chauvat i tok Yunien i tingting long kisim eksen long dispela samting long neks wik sapos nogat gutpela toktok i kamap.



## Kava em rait dring


Kava em i dring bilong ol Fiji na Vanuatu pipel we ol tumbuna pipel i save wokim na dringim.

Man i soim rot long wokim kava. Daunbilo em Chariot Long Wah long kava stoa bilong em wantaim ol kastoma.

Fiksa i kam long Pacific Island niuspepa.

Eking Praim Minista, Dokta Tupeni Baba i tok klos bisnis insait long Fiji bai pulim bikpela mani i go insait long kantri sapos ol toktok wantaim ol lain i makim Yuropien Yunien i go gut.

Ol atoriti i ting olsem mani we klos maket na bisnis long Fiji bai pulim em FJ\$271.8 milien na dispela i winim rekot mak bilong las yia we i bin stap long \$FJ 241 milien. Go antap mak em long 13 pesen.



• Piksa long garamut bilong Vanuatu we ol bin kisim long las (19th) senseri.

### Nu Silan:

## Sevei tok Leba Pati bilong Nu Silan bai winim ilkesen

Eitpela de tasol i stap nau bipo Nu Silan i karimaut ol nesanel ileksen long i kamap, tripela sevei o wok painimaut i soim olsem bikpela sapot i stap long senta-lef koalisen.

Tasol redio Austrlaia i ripot olsem Leba na ol koalisen patna na Alaiens bai laikim ol Grin long winim wanpela sia.

Bihainim sevei, Leba i gat 37 pesen long vot na dispela i sevenpela poin winim Nesanel Pati bilong Praim Minista Jenny Shipley. Sapos ol samting i bihainim dispela rot na ol Grin i winim Coromandel, Nu Silan's Fes Pati bilong Winston Peter dispela bai kamap olsem maina oposisen pati.

Lida bilong Nu Silan Fes Pati i putim strongpela toktok olsem ol arapela sumatin long Pasifik bai winim ol Maori pikinini sapos ol no senisim pasin bilong ol long edukesen.

### Rarotonga, Kuk Ailan:

## Nupela gavman bilong Kuk Ailan kisim opis

Nupela Praim Minista bilong Kuk Ailan Dokta Terepai Moate na nupela gavman bilong em i bin mekim tok promis long kisim wok long las wik.

Nupela gavman i pinisim 10-pela krismas we Kuk Ailan Pati i bin holim long en.


Dokta Moate i kisim ples bilong Dokta Joe Williams husat i putim resignesen bilong em bipo long ol i karimaut vot i nogat bilip long en long gavman bilong em. Dokta Moate i bin stap olsem Oposisen lida long long longpela taim tasol nau em bai go pas long Demokretik Alaiens Pati (DAP) na Nu Alaiens Pati (NAP).

Dokta Moate i gat bilip olsem koalisen gavman bilong em bai i stap longpela taim, maski ol planti kain toktok i wok long kamap.



# Wol AIDS

Harim, Lainim na stap laip!



# Harim, Lainim, na stap laip!

Toktok bilong 1999 Wel AIDS Dei kempain em Harim, lainim, na stap laip! Wel AIDS Kampain wantem ol pikinini na ol yangpela man meri.

Dispela tok tok ol makim long strongim komunikesin wantem ol pikinini na ol yangpela man meri i gat tupela as bilong en.

Namba wan em long tokaut long olgeta i mas harim ol tok tok bilong ol pikinini na ol yangpela man meri. Ol bikpela man meri i mas traime na harim ol wari o tok tok bilong ol pikinini na ol yangpela man meri long protektim ol bikos nau yet planti ol wan lain bilong ol insait wel i wok long kisim taim long dispela sik.


I gat bikpela nid tu ol yumi olgeta i harim ol narapela - kain olsem wanpela pikinini i go long narapela pikinini, ol pikinini i go long ol bikpela man, ol bikpela man i go long ol pikinini na ol bikpela man wantem ol narapela bikpela man.

Yumi mas harim yumi yet na lainim yumi yet long respektim yumi yet, long wok wantem, sapotim yumi yet na long painim ol wei long stopim HIV long kalap long ol arapela man meri.

HIV i mas mekim mipela respektim ol rait bilong ol pikinini na ol yangpela man meri na lukautim ol.

Ol dispela man meri husat i gat HIV/AIDS yumi mas lukatim ol na sapotim ol tu na yumi mas noken bagarim ol.

Namba tu as bilong dispela tok tok em long strongim ol HIV/AIDS progrem bilong ol pikinini na ol yangpela man meri.



• Vais Minista bilong Helt, Ludger Mond wantaim Abigail Popoitai long taim bilong lonsing bilong 1999 Wol AIDS kempain. Abigail em skul long Korobosea Intanesenel skul. Em wantaim sampela wan skul i kamap long representim ol yangpela mangi long PNG. Mista Mond i bin lonsim dispela AIDS kempain long nem bilong Praim Minista Sir Mekere Morauta husat i no bin stap long taim bilong lonsing. *Poto: Raymond Palangat.*

## Wok bung wantaim na rausim sik HIV/AIDS- Sir Mekere i tok

SAPOS yumi laikim olgeta wok i mas kamap gut long rausim sik HIV/AIDS insait long Sosaiti, olgeta pipel i mas wok bung wantaim.

Praim minista Sir Mekere i mekim dispela toktok taim em i bin tok tok long Wel AIDS de long dispela wik. Sir Mekere i tok sapos dispela sik i kamap bikpela em bai bagarapim sindaun sosel na ekonomik sindaun bilong ol pipel olsem na olgeta pipel i mas bung wantaim na rausim dispela sik HIV/AIDS.

"Em i impoten tru olsem namba bilong ol man i gat sik HIV/AIDS bai go antap moa yet, maski ol planti wok yumi meikm nau long rausim.

Luksave bilong olgeta hatwok bai kamap long bihainim taim, na dispela pait long rausim sik HIV/AIDS bai no inap kmap sapos yumi ino wok bung wantaim." em i tok.

Sir Mekere i singaut strong long Nesanel AIDS kaunsel long lukluk long ol rot bilong stretim dispela hevi bilong sik HIV/AIDS olsem ol narapela rot bilong stretim ol narapela hevi insait long komyiniti yet.

"Mipela i save olsem wantaim helpim i kam long olgeta hap bilong komyiniti, yumi i nap long rausim dispela sik long ol yias i kam," em i tok.

Em i singaut strong long olgeta pipel insait long Papua Niugini long ol wanwan

yet na skelim ol dispela inpomesen ol i kisim long save moa long sik HIV/AIDS.

Praim minista i tok sapos yumi wanwan i lukluk long yumi yet na luksave long ol tok-save yumi kisim long dispela sik em bai yumi senisim pasin bilong yumi bai yumi no inap long kisim sik HIV/AIDS.

"Na yumi mas stat long yumi wanwan yet sapos yumi laik bai gat senis insait long laip bilong yumi." em i tok.

Sir Mekere tu i askim olgeta hap (gavman na praivet bisnis) long bihainim ol askim bilong ol nesanel na rijinel woksap na painim ol rot bilong stretim dispela hevi.

Ol as toktok insait long ol dispela woksap

long ol wanem we Papua Niugini i ken bihainim long helpim ol man i gat dispela sik HIV/AIDS pinis na helpim ol lain i nogat long ol i noken kisim.

Sir Mekere i tenkim olgeta ejensi husat i givim sapot i go long Wel AIDS De wantaim olgeta wok ol i mekim long helpim na stapim bai dispela sik i noken kilim planti pipel insait long Papua Niugini.

"Mi hop olsem yumi olgeta i ken pasim tingting long nupela yia i kam we bai yumi luksave long dispela sik HIV/AIDS na senisim ol tingting na pasin bilong yumi bai yumi tu i helpim komyiniti long stapim sik HIV/AIDS." Sir Mekere i tok.



# Woi AIDS



## Harim, Lainim na stap laip!

### Friends foundation save halivim ol man i gat HIV/AIDS

WANPELA woksop ol i bin holim Septemba bilong ol man meri husat i gat HIV/AIDS i bin lukim wanpela grup ol i kolim long Friends Foundation. Ol lain husat i stap insait long dispela grup em ol man husat i gat HIV/AIDS.

AIDS kaunsela long sosel wok dipatmen bilong Pot Mosbi Jenarel Hausik na maus meri bilong dispela grup, Tess Soi i tok olsem grup em i wanpela impotent grup na Nesenel AIDS Kaunsel ii ken yusim Friends Foundation long halivim ol man meri long HIV/AIDS.

Ol objektiv bilong Friends Foundation em:

- Long provaidim ol memba long gat sans long bungim ol narapela man meri na tok tok

long sampela hevi bilong ol;

• Long kamapim gupela poro-man wantem ol lain bilong helt, ol narapela man na wantem ol man meri husat i gat HIV;

• Long givim sapot i go long ol man meri husat i gat HIV na long lukim ol taim ol i sik na stap long hausik;

• Long wok wantem ol arapela grup husat is wok long mekim ol wok long stopim HIV long kalap long ol arapela man na givim sapot long ol man husat i gat HIV;

• Long painim ol marasin bilong ol memba bilong ol taim ol i sik;

• Long halivim ol man i gat HIV long sait bilong kaunseling taim ol i gat wari;

• Long protomim ol tok tok long



• Fauda bilong "Friends Foundation" Tessie Soi.

mekim ol man i noken ting ting o mekim nogut long ol man husat i gat HIV;

• Long stap olsem ol namel man bilong ol HIV man meri na ol arapela man; na

• Long stopim ol samting we i ken bagarapim sindaun bilong ol man husat i gat AIDS, long sait bilong hausing, skul na wok.

### Histori bilong HIV/AIDS

NAU ol i makim olsem 33.4 milion pipol long wel world i gat HIV. Fes taim tru taim ol i bin ripotim HIV/AIDS sik i bin long USA long 1983. Tasol bifo long dispela long sab Sabaran Afrika long 1970s ol i bin rikitim wanpela kain sik olsem Tuberculosis o TB. Long dispela taim wanpela i bin gat wanpela sik nogut we ol i dokta i bin ting olsem em i bin TB. Tasol taim ol i givim marasin bilong TB dispela sikman i no bin orait. Bihain taim ol i bin kisim lik lik hap blut bilong dispela sik man na ol i karim i go long Yurop we ol i bin mekim sampela test. Ol i painim aut olsem em i bin gat HIV.

#### HIV/AIDS insait long PNG

Fes taim tru taim long i bin ripotim HIV long PNG i bin long 1986/87. Bihain long dispela ol namba bilong ol HIV i go antap hamaspela yias nau. Long taim bilong 1997/98 ol i bin lukim olsem ol man husat i bin HIV/AIDS i go antap mo yet.

Long Mei 1999 ol ripot i bin soem olsem namba bilong ol man husat i bin gat dispela sik i bin dabol long 1998 na i wok long go antap yet. Dispela i soem tu olsem em i wok long kamap stong long PNG and sapos PNG i no wok wanpela samting hariap em bai hat tru long kontrolim HIV/AIDS.

#### Hao HIV/AIDS i wok long spred long PNG

Namba wan wei dispela sik i wok long spred long PNG em taim ol man meri i kuap na ol i no husat proteksen olsem kondom. Sik tu i wok long kalap long ol pikinini husat i stap yet long bel bilong mama. Dispela em arapela wei HIV/AIDS i wok long spred insait long PNG.

Ol arapela wei olsem; taim ol man i save serim ol nidel o ol sap samting, ol eksiden, ol blut trefnsusen i no kontribut tumas long spred bilong dispela sik long PNG.

#### PNG HIV/AIDS stetik

Ol namba bilong ol ripoted keses insait long PNG nau i sanap olsem 1,900 taim ol i bin kautim long Julai 31, 1999. Dispela namba i lik lik tasol i gat olsem 10,000-20,000 man meri insait long kantri we yumi no save olsem ol i gat.

I gat olsem 50-pela man meri oli dai pinis long AIDS na i gat olsem 200 pipol husat i gat ful blon AIDS. Ol arapela i gat HIV na ol i no soim ol sain bilong sik yet.

Sampela long lain husat i gat dispela sik em ol pikinini husat i bin kisim long mama bilong ol taim ol i stap long bel.

I luk olsem nau yet PNG i mas stat long mekim ol wok nau long katim spred bilong dispela sik.

#### Ol ej grup husat i gat sik

Planti long lain husat i gat HIV/AIDS em ol yangpela man na kristmas bilong i stap long 15-35 yias. Dispela em ol yangpela man husat i ekonomikeli prodaktiv o oli i stap long taim ol i nap long mekim planti wok long halivim developmen bilong kantri.

Dispela ol lain tu oli seksuyeli ektiv long na ol i ol papa mama pinis o ol bai kamap papa mama hariap bihain taim. Em i min tu olsem taim ol dispela yangpela man meri i gat pikinini i nap ol i givim pikinini bilong ol dispela sik nogut.

#### Futsa bilong HIV/AIDS

Bihain long faipela or 10-pela yias ol dispela yangpela man meri husat i gat HIV bai developim AIDS na dai na mipela bai gat:

- Bikpela spes bilong ol yangpela lain we bai hat tru long senisin ol;
- Ol lik lik pikinini husat i gat HIV na ol tu bai no gat mama papa bikos ol i dai pinis long AIDS.
- Ekonomi bilong kantri bai kisim taim bikos bai nogat planti yangpela man meri long mekim wok. Ekonomi bilong ples tu bai kisim taim bikos ol i nidim ol yangpela man meri long wok long sapotim femli.

#### Hao long stopim stred bilong HIV

Bikos yumi olgeta i save long hao dispela sik i save kalap em i isi long stopim.

- Ol man meri i mas stap tasol wantem wanpela patna husat i no gat HIV.
- Ol man husat i gat planti meri i mas stap tasol wantem femli.
- Yusim kondom olgeta taim yu silip wantem ol narapela lain.
- Yusim wanpela klipela nidel o ol sap samting we oli wasim wantem strongpela marasin sapos yu laik katim skin bilong yu.
- Noken holim blut o ol wara bilong bodi bilong ol man meri yu no klia tumas long ol. Dispela em taim yu gat lik lik kat long skin bilong yu o yu gat so.

#### Hoa mi no nap long kisim HIV

Yu no nap long kisim HIV sapos yu holim wanpela man husat i gat. Ol man husat i gat HIV ken i gat wanpela nomel laif olsem ol arapela man i nap long sampela taim (5-10 yias). Yu bai no nap kisim sapos yu serim haus, rum o sem skul o wok wantem wanpela man husat i gat AIDS. Yu bai no nap kisim tu sapos yu sreim sem toilet, sem sawa rum na ol samting bilong kai kai olsem ol plet, na spun.

# THE LOST SON

FATHER DIVIDED THE PROPERTY BETWEEN THE TWO SONS.



SOON AFTER THE YOUNGER SON SOLD HIS SHARE AND LEFT HOME WITH THE MONEY.




HE WENT TO A FAR AWAY COUNTRY AND THERE HE SPENT HIS MONEY ON BEER AND GAMBLING.



HE SPENT EVERYTHING HE HAD THEN A SEVERE FAMINE SPREAD OVER THAT COUNTRY AND HE WAS LEFT WITHOUT A THING.




Like the Father in this story, God still Loves us no matter what wrongs we do. (Luke 15: 11-24)



HE WISHED HE COULD FILL HIMSELF UP WITH SOME OF THE FOOD THE PIGS ATE, BUT NO ONE GAVE HIM FOOD TO EAT. AT LAST HE CAME TO HIS SENSES.




SO HE GOT UP AND STARTED BACK TO HIS FATHER. HE WAS STILL A LONG WAY FROM HOME WHEN HIS FATHER SAW HIM...



FATHER... I'VE SINNED AGAINST GOD AND YOU AND I'M NO LONGER WORTHY...



FOR THIS SON OF MINE WAS DEAD BUT NOW HE IS ALIVE. HE WAS LOST BUT NOW HE IS FOUND



JESUS TOLD THIS STORY...

ONE OF THE SONS THOUGHT...



I'VE GOT TO GET OUT AND SEE THE WORLD!

SO HE WENT TO HIS FATHER AND SAID TO HIM...



Bible House Koke P.O. Box 335, Port Moresby, Ph: 321 7893 Fax: 321 4544




Lae, 6th Street, P.O. Box 1017, Ph / Fax: 472 4849





# Woi AIDS

## Harim, Lainim na stap laip!



• Vais Minista Ludger Mond husat i bin lonsim dispela vidio. Foto: Raymond Palangat.

## Man husat i gat HIV i mekim film

NESENEL AIDS Kaunsel bilong PNG i lonsim pinis wanpela 20 minit vidio bilong laip bilong Joseph Berem bilong Togoba long Westen Hailens provins. Nem bilong dispela film em "Berem".

Dispela vidio em i stori long hao femi bilong Joe wantem ol wnatok na poroman bilong em i ekseptim em maski em i gat HIV.

Dispela film i soim hao em i save kisim sapot long flemi bilong em na hao em bin mekim dispela disisen long stap wanten AIDS na wok.

Insait long film Joe i salensim ol arapela man husat tu i gat HIV long kam aut na jonim dispela pait long stopim spred bilong HIV.

Em i salensin ol lain husat i gat HIV long ting ting strong na mekim ol wok bilong ol noken wari tumas. Bilip bilong em i olsem ol man husat i gat dispela sik i ken senisin dispela pait long stopim dispela sik.

Dispela em i fes film wanpela HIV/AIDS man i mekim insait long Papua Niugini. Joe nau yet i kamapim wanpela NGO grup wantem meri bilong em na ol i save tok tok long ol man meri husat i gat HIV insait long PNG. Em i prisentim ol pepa pinis long ol bung insait long Asia/Pasifik na em i wanpela memba bilong South East Asia Network of Positive People.

Dispela tape em Vais Minista bilong Helt, Ludger Mond i bin lonsim long taim ol i bin lonsim Wel AIDS Dei long Pot Mosbi long Tunde.



• Joe Berem (namba tu long fran) wantaim ol wokman bilong Nesenel AIDS kaunsel.

# AIDS viktim i tokaut

### BARBRA MASIKE i raitim

LONG 1996, dispela dei Joseph Berem i bin fes painim aut olsem em i gat HIV vairis em i bin painim hat long pinisim lans bilong em na long dispela apinun ting ting bilong em i bin lusim graun. Em i bin bilip olsem laip bilong em bai pinis.

Wanpela hat samting stret long em i mekim em long tokim meri bilong em olsem em i bin HIV positiv na i bin luk olsem ating meri em tu bai karim dispela HIV vairis tu. Tasol bikpela samting stret em i laikim meri bilong em lon pogivim em.

Joe i bilip olsem God i bin halivim em na em i bin tok tok wantem meri bilong em husat i pogivim em pinis. Em tu i bin tes positiv na tupela wantem nau ol i statim wanpela AIDS awenes kempain grup ol i kolim long Nogina Mt Hagen.

Nogina em min olsem "Noken Givim Narapela" na nau yet ol i gat 10-pela memba long grup. Dispela grup i gat olsem 20-pela memba husat i gat HIV/AIDS na ol i save stap long Pot Mosbi.

Joe wantem grup bilong em i laik skulim o man meri bilong Papua Niugini long ol asua bilong dispela sik na ol wei long yu i noken kisim.

Long Jun, Joe i bin go long wanpela

Nesenel AIDS Kaunsel Sekreteriet wok-sop long Pot Mosbi we em i bin stori long hao em i bin painim aut olsem em i bin gat dispela sik.

Long 1996, wanpela kasin bilong em i bin gat eksiden na em i bin go long givim blut i go long em. Tasol bifo em i nap long givim ol i bin sekim blut bilong em pastem. Ol i bin painim aut olsem em i bin positiv. Joe i bin lusim edres bilong em long hausik tasol ol i bin kisim sampela taim long painim em.

I laik pinis long 1996 em i bin kisim wanpela leta i tok olsem wanpela Sista Roe i laik bungim em. Bihaim taim ol i bin bung na Joe i tok em i bin painim wanpela kar na i go painim Sista Roe.

Sista Roe i bin baim lans bilong em na tupela i bin draiv i go long wanpela hap long kaikai. Tasol Sista Roe i bin painim hat long tokim em nius.

Em i bin tokim em olsem em i bin gat sampela toksave long givim em na em i hat lik lik long tok aut na Joe i tok olsem em i redim tasol long harim nius.

Taim em i tokim Joe em i bin painim hat stret

Long 1998 em joinim bek sios bilong em na nau em wantem meri bilong ol i strongpela lotu lain bilong Seventh Day Adventist (SDA).

Wanpela gutpela said sait long dispela stori em, olgeta sikpela pikinini bilong i no gat dispela sik.

Joe is bilip olsem taim em i kisim dispela vairis em wanpela wei God i wok long yusim em long kempain long stopim dispela sik long kalap long ol man meri.

Em i laikim ol arapela man meri husat i gat HIV/AIDS long save long em na kam long em sapos ol i laikim halivim bikos em i save long ol arapela grup husat i save wok long stopim dispela sik long kalap

Long tok tok bilong em yet, em i bin tok olsem long konfaren;

Tokim ol arapela long me, long hao mi bin kam aut na bihain taim bai yumi olgeta bai yet na sapos yu gat vairis i no min olsem wel bai pinis."

Em i gat piksa long het bilong em long hao yumi i ken stopim dispela sik tasol dispela em i wok long plen yet long em na em i wok long painim moni na ol risos.


Joe i tok olsem sapos em ol i nap long mekim i nap ol i kamapim wanpela hotlain we ol man meri husat i gat vairis na ol narapela lain husat i laik save mo long HIV/AIDS ol i ken kolim em na tok tok wantem em. Tasol dispela i olsem driman tasol.

Joe i kamapim pinis wanpela vidio long ol wok bilong em.



# Woi AIDS

## Harim, Lainim na stap laip!



### Noken bagarapim ol manmeri i gat AIDS: Dr Temu

SIAMAN bilong Nesanel AIDS Kaunsel Dr Puka Temu i sigaut long ol pablik long noken bagarapim na rausim ol man meri husat i gat AIDS.

Em i tok oslem komuniti i mas ekseptim ol na lukautim ol olsem ol i save lukautim ol arapela man i sik. Em i tok olsem ol i nidim ke na sapot bilong ol man.

Dr Temu i bin mekim dispela tok tok taim nius i bin kam aut olsem ol flemi bilong ol man husat i gat AIDS i wok long rausim ol long haus.

Em i tok olsem ol man meri i mas kisim gut save long hao HIV/AIDS i save kalap long ol man meri.

Em i tok olsem dispela ol lain husat i mekim nogut long ol AIDS man noken mekim pasin nogut.

Nesanel AIDS Kaunsel em i komited long bihainim long intanesinel we long lukautim dispela problem AIDS i save kamapim.

Em i tok olsem dispelas samting ol man i wok long mekim i brukim lo na ol samting ol i mekim em bikos ol i no gat save long HIV/AIDS.

Em i tok tu olsem olgeta man meri, na ol komuniti lida i mas kisim save long dispela HIV sik we i save bagapim stromg bilong bodi na bihain i save suruk i go long AIDS.

Dokta Temu i tok olsem olgeta Provinsel AIDS komiti long wan wan provins i mas gat ol toksave long AIDS long halivim ol man meri long save gut long AIDS.

Em i tok olsem em i no gat as tru long ol man i bagarapim ol man i gat HIV.

I gat planti ol man meri insait long kantri husat i gat dispela sik tasol ol i no save olsem ol i gat na planti mo i wok long kisim dispela sik long.

"Yumi mas halivim ol HIV/AIDS lain long kam aut na halivim long paitim dispela strongela sik. Sapos yumi stat hariap bai olgeta man long kantri ba jonim dispela pait na bai mipela i na long pait wantem dispela sik long wanpela gutpela wei." Dokta Temu i tok.

Em i tok ol lain husat i sik nogut tur bai no nap long bagarapim ol man. Ol tu em ol man tasol ol i sik. Ol i nidin ke na sapot long olgeta man maski wanem kain sik ol i gat.

Dokta Temu i sigaut long olgeta man meri long PNG long yusim tredisenel netwok long sapotim ol dispela man husat i sik na laik dai klostu olsem yumi save mekim long taim bilong tumbuna.

I no gat nid long tromoi ol man autsait long haus bilong ol, long wara, long larim ol i stap hangere na lusim ol aninit long haus olsem ol animol. Yumi mas stap sensibul, lavim ol olsem ol kristen man meri bilong PNG." Dokta Temu i tok.



• Wanpela AIDS kempein long Hailans.

## Ol askim na bekim long HIV/AIDS

HELT dipatmen wantem World Health Organisation i kamapim wanpela buk ol i kolim long "Olgeta samting yu laik save long sik HIV/AIDS" long helpim olman meri long save gut long dispela bikpela sik na hao ol man i ken halivim ol yet na luk gut long sindaun bilong flemi bilong ol.

Aninit em sampela bekim ol dispela buk i mekim long ol askim bilong AIDS.

AIDS em wanem?

AIDS i olsem Acquired (Kisim); Immune (i no nap); Deficiency (nogat); Syndrome (mak bilong sik). AIDS i kamap long wanpela posin, ol i kolim long HIV (Human - manmeri; Immunodeficiency - i no nap, nogat; Viris - posin.) HIV is save bagarapim banis bilong pasim ol kain sik long bodi na taim bihain save kamapim sik AIDS.

What is HIV?

Ful nem bilong HIV em Human Immunodeficiency Virus n em i save bagarapim ol man.

Ol man husat i gat HIV i ken spredim i go long ol narapela man. Ol man husat i gat HIV bai no nap long soem olsem ol i sik i go i nap hamaspela yia. Tasol long dispela taim yet ol i nap long spredim i go long ol narapela man na ol bai no nap save.

Yu no nap long luksave long ol man husat i gat HIV. Yu ken painim aut sapos

Wanem ol sain na ol simtoms?

Sampela sain na simtoms bilong AIDS.  
• Lusim skin olsem 50% long bodi wet;  
• Feiva o skin hat winim wanpela mun: na

• pek pek wara winim wanpela mun.

Ol sampela sain; • kus i no pinis winim wanpela mun; • het pen na i no nap tanim het winim wan num; • bikpela solap long nek, aninit long han na namel long lek; •skin i kamap braun na solap hariap; • i gat ol soa pen na bruk nabaut long skin; • soa insait long maus na long tang.

Hao na HIV i save kalap long narapela man o meri?

HIV i no isi long kisim.

HIV i stap insait long bodi long blut (sik mun blut tu), susu bilong pis pis bilong ol man na rot bilong pikinini i ka maut.

Long HIV i kalap i go long nupela man o meri. HIV mas lusim blut o wara bilong manmeri i gat HIV na go stret long blut o wara bilong manmeri i nogat HIV. I no nap long kalap skin nating.

I gat tripela rot HIV ken kalap i go long ol man meri:

• Taim man o meri i gat HIV i slip wanten ol man o meri husat i no gat HIV. Planti man meri long PNG i kisim HIV olsem.

• Long blut bilong man o meri i gat HIV taim nupela man o meri yusin nil bilong sut, nit bilong wokim mak mak o hul long ai, na resa.

• Mama i ken givim HIV long nupela pikinini stap long bel.

Olsem wanem na HIV i no nap long kalap long nupela man meri?

HIV bai stap insait long man meri i no dai yet. Taim em i stap insait n bihain lusim skin bilong man meri, HIV save dai hariap taim em drai o kain olsem bleach na detol.

HIV i no nap kalap long skin nating.

Olsem na man meri i NO NAP kisim HIV long:

- Ples bilong wok o skul.
- Ol kain kus long maus o nus.
- Yusim wankain kap, glas, plet na spun.
- Dring wara o kai kai.
- Sek han.
- Holim pas o kis.
- Binatang i kaikaim ol (moskito).
- Putim kolos bilong narapela man o meri.
- Long yusim telefon.
- Long yusin toilet.
- Long kalap long bas o go danis wantem husat i gat HIV.
- Taim lukautim manmeri i gat HIV/AIDS long hausik o ples.

I gat marasin bilong sik AIDS?  
Nogat. Planti save man-traim tasol ol i no yet painim wanpela marasin o rot bilong kilim dai sik AIDS. I gat sampela marasin long pasim tasol HIV i no ken bikpela hariap insait long bodi. Dispela ol marasin i no nap kilim gem long HIV tasol ol i save mekim sik i no ken bikpela hariap na givim taim long sik man i noken dai kwik.

I gat ol sut marasin bilong HIV/AIDS?  
Nogat. Kam i nap nau, i nogat sut marasin long HIV/AIDS.

Bai mi mekim wanem na mi no ken kisim sik HIV/AIDS?

Yu mas save gut long sik HIV/AIDS long lukautim yu yet na femli, lainim ol pikinini long dispela sik long ol i ken lukautim ol yet.

Noken slip wantem ol man meri husat i save raun na paul wantm ol planti man meri.

# Nu Silan gat nupela Praim Minista

Nu Silan i gat nupela Praim Minista. Em i wanpela meri wantaim 49 krismas. Nem bilong en em Helen Clark.

Pati bilong en em Leba Pati i go insait long gavman long winim sia we Nesenel Pati i bin holim insait long 15 krismas. Na Praim Minista Clark i kisim sia bilong narapela meri Praim Minista Jenny Shipley husat i bin holim dispela wok long tupela yia.

Taim em i winim sia, Misis Clark i bin amamas na tok olsem ol pipel long Nu Silan i laikim senis na olsem ol i putim vot long Leba long win. Lef wing Alaiens Pati i sapotim Leba Pati na em i gat 63 sia.

Ol i no pinisim yet kaunim bilong vot long ol Nu Silan pipel husat i stap ausait long kantri olsem ol soldia long Is Timor na ol saientis long Antartica.

Antap long ol biknem Pati long Nu Silan we i stap long gavman na oposisen, i gat ol arapela strongpela pati olsem Grin na Nu Silan Fes Pati. I kam inap long Mande, Leba Pati bilong Praim Minista Helen Clark i winim 38 sia.

Bikpela samting we Praim Minista Clark na gavman bilong em i laik strongim em bildim fea na



• Nupela Praim Minista bilong Nu Silan, Helen Clark i soim sevenpela komitmen kad long taim bilong kempein. Ol bin tokaut long nius olsem meri ya i winim nesenel ileksen long wiken long tekova long posisen bilong Praim Min ista long narapela meri husat i bin holim dispela wok i kam inap long nau em, Jenny Shipley. Piksa i kam long Weekend Australian niuspepa.

gutupela sosaiti olsem ol pipel bilong Nu Silan yet i laikim, skruim gutpela helt na edukesen sevis,

lukim olsem ikonomi bilong kantri i go gut na ol arapela bikpela samting moa.

• Dispela i no meri nating, nogat ya. Pastaim, dispela em wanpela meri Maori husat i stap insait long nupela gavman bilong Nu Silan we i kisim pawa long las wiken tasol bihainim nesenel ileksen. Tasol noken kirap nogut bikos long tude, ol kain samting i wok long



kamap. Georgina Beyer i bin wanpela man pastaim tasol em bin kisim operesen 15 yias i go pinis long kamap olsem meri. Na em i namba wan taim long Nu Silan long kain man husat i bin lukim dokta na senisim em kamap meri long go insait long palamen. Tasol dispela samting i no kemim em i wari, nogat. Em i gat sapot long planti lain bikos em i gat ol gutpela na strongpela tingting olsem wanpela politisen. Meri ya i bin wok olsem wanpela meja na ol i ting osem em bai kisim sia bilong Wairarapa we nau Deputi Praim Minista na Nesenel Pati memba Wyatt Creech i holim. Georgina i gat 42 krismas na mama i bin karim em olsem pikinini man na givim nem olsem George Bertrand. Tasol 15 krismas i go pinis, em i kisim operesen long kamap olsem wanpela meri. Em bin wanpela lokol politisen na nau em i mov i go antap long kamap olsem wanpela nesenel politisen. Piksa i kam long Weekend Australian niuspepa.



**Kuala Lumpur, Malesia:**

• Antap: Tupela sait: Wan Azizah na deputi long pati em Mista Singh long taim bilong kempein long Pulau Penang.

• Lephana em Dokta Mahathir i toktok na sekan wantaim ol sapota long asples taun bilong em.

- Piksa i kam long Weekend Australian.

## Ruling pati i go pas long Malesia nesenel ileksen

RULING Barisan Nasional Pati bilong Praim Minista Mahathir Mohamad i wok long go pas long nesenel ileksen bilong Malesia we i wok long go het long dispela wik. Vot i bin pinis long dispela wik na nau em ol i wokim kaunim tasol. Na i luk olsem Praim Minista

Mohamad i gat sans long kisim bek sia bilong em bikos man em i resis wantaim em Anwar Ibrahim i stap long kalabus long dispela taim.

Ol ripot i tok 70 pesen bilong 9.56 milien pipel bilong Malesia i bin vot long dispela ileksen. Na koalisen o patna pati long gavman

we i stap long pawa nau i go pas long ol namba long ileksen, ol ripot i tok.

Ol ripot i tok meri bilong Anwar em Wan Azizah Wan Ishmail i go pas long Keadlan Pati na em i kisim sapot long ol Muslim lain.

### Is Timor:

## Humen raits investigesen grup painim 26 dai bodi

Wanpela humen raits grup bilong Indonesia i wok long mekim ol wok painimaut na ol i painim 26 bodi bilong ol daiman insait long tripela hul matmat long dispela wik, ol ripot i tok.

Ripot i tok ol bodi i bilong ol patewr, ol meri na pikinini we ol paitman na ami bilong Indonesia i bin kilim dai ol long mun Septemba taim ol i pre i stap long Sande lotu long ples Suai. Long dispela birua, ol milita na ami bilong Indonesia i bin kilim dai moa long handred Is Timor pipel.

Long wankain taim tu, Praim Minista bilong Australia John Howard i bin wokim namba wan lukluk raun bilong em i go long Is Timor long dispela wik.

Indipenden lida Xanana Gusmao i tok bikos em i gat sampela bikpela wok long Jakarta we em i go long en long dispela wik, em bai no inap long bungim Praim Minista Howard long Dili.

Taim Mista Gusmao i luksave long bikpela helpim na hatwok we Austrilaia i putim long Is

Timor, em i tok namba wan samting we em (Gusmao) i mas wokim em long stretim rot bilong planti Is Timor refuji pipel husat i stap yet ausait long Wes Timor long go bek.

"Mi salim tok tenkyu na luksave bilong mi i go long Kenbera na gavman bilong Australia long bikpela helpim we ol i givim long Is Timor. Tru mipela i laikim helpim tasol sapos sindaun i wok long kamap orait, mipela i laikim ol arapela kain helpim tu. Mipela i laikim bai Interfet i daunim ol sekyuriti bilong em long Dili," Mista Gusmao i tok.

Bihain long sampela hevi wantaim Interfet, ol samting i kamap orait bek gen. Na Mista Gusmao i tok ol i luksave long wanpela arapela na ol dispela hevi we ol bin gat i pinis.

Long bikpela mani we Australiai wok long tromoim insait long wok bilong intenesenel pis kiping operesen long Is Timor. Mista Gusmao i tok em no laik bai kantri bilong em i kamapim hevi long sait bilong mani long intenesenel komyuniti na Australia.

### Noten Ailan:

## Protestan na Katolik laik fomim namba wan kombain koalisen gavman

Ol ki pati insait long Noten Ailan i redi long dispela wik long fomim kombain Protestan Katolik koalisen bihainim 1998 pis agrimen bilong provins.

Noten Ailan Asembli em wanpela lokol gavman we ol bin fomim aninit long Gud Fraide agrimen i bin bung long dispela wik long toktok long dispela samting. Kabinet we ol bai fomim bai i gat 12 memba long en na ol bai kam long tupela sait wantaim. Tupela sait i kamap wantaim dispela disisen bihain long Ulster Unionist em pati bilong ol Protestan i wanbel long lusim polisi we ol i gat na dispela i laikim bai IRA (Airis Ripabliken Ami) em ol paitman bilong ol Katolik lain i mas lusim pastaim ol samting bilong pait bipo ol i karimaut ileksen.

# LAI PSTAIL

## WENCESLAUS MAGUN i raitim

OL Japan i gat gutpela pasin.

**O**l i gat pasin bilong lukautim gut man. Ol i gat pasin bilong rispek. Ol i gat pasin bilong daunim ol yet. Ol i gat pasin bilong helpim arapela man, meri na pikinini. Ol i gat pasin bilong smail na tok halo long yu.

Ating sampela bilong yupela husat i save long ol Japan i save mekim pasin nogut bai tok mi giaman. Yes dispela tingting bilong yupela em i tru tu. Long wanem insait long olgeta famili, ples, na kantri i gat ol gutpela man na meri na i gat ol lain nogut tu.

Tasol mi tok ol Japan i gat gutpela pasin bikos planti bilong ol i gat dispela pasin. Watpo mi tok olsem?

Long dispela mun (10-18 Novemba) mi bin go long kibung bilong Wol Helt Ogenaisesen long Manila na Japan. Mi bin stap insait long wan wik kibung bilong toktok bilong brus, sik HIV/AIDS na tubakulosis o sik kus na spet blut long Manila na narapela wan wik long Japan bipo long mi plai i go long Singapore na bihain i karim long PNG.

Mi bin lainim planti samting tru insait long dispela wokabaut bilong mi. Wanpela bikpela samting mi bin lukim, pilim na amamas long en em pasin ol pipel bilong Japan i mekim long mi.

Mi no inap stori long olgeta lain tasol long wanpela tisa bilong Dipatmen bilong Geography long Yunivesiti bilong Ochanomizu long Tokyo bik siti bilong Japan. Pasin em i mekim long mi long soim pasin tru bilong Japan.

Nem bilong dispela tisa em Profesa Keichi Kumagai. Profesa Kumagai i bin kam long PNG bipo long kantri bilong yumi i bin kisim independens. Em i bin mekim stadi bilong em long PNG long pasin ol pipel bilong yumi i save lusim ples na i go long ol taun na siti na sindaun long setelmen.


Las yia, mi bin raitim stori bilong em long Wantok na The Independent niuspepa. Dispela pasin mi mekim i winim tru bel na tingting bilong em.

Taim em i pinisim kontrak bilong em long PNG las yia na i go bek long Japan, em i no lus tingting long mi. Sampela taim em i save ring na sekap long mi.


Taim mi bin go long Manila na Japan, mi no bin toksave long em. Tru tumas mi bin tingim em tasol mi no laik ringim em bikos mi ting em i gat planti wok na i no gutpela mi holim taim bilong em.

Long Fonde 18 Novemba, mi bin kisim wanpela toksave long ol wokman bilong Portopio Hotel we mi bin go slip long en olsem Profesa Kumagai bai ringim mi long 6:30 long abinun.

Mi kirap nogut tru. Mi no save, em i kisim toksave long husat tru olsem mi bin stap long Japan. Bel bilong mi i amamas tru na long wankain taim mi no bin ting dispela toksave em i tru.



• Antap: Wenceslaus Magun i lain long kaikai wantaim sop stik na long raithan, em i go lukluk raun long Kobe siti.



# Ol Japan i gat gutpela pasin

Tasol long 6:30 long abinun, mi wet long rum i stap na telepon i ring. Taim mi kisim telepon mi harim Profesa Kumagai i toktok na mi amamas tru. Profesa Kumagai i laik save wanem taim mi bin go long Japan na wanem taim mi bai kam bek long PNG.

Na mi tokim em olsem mi bai lusim Japan tumora (Fraide 19 Novemba) na flai i go long Singapore we mi bai stap wanpela de bipo long mi kam bek long PNG.

Taim mi tokim em olsem, kwik taim em i tok em bai kam lukim mi long 9 kilok long nait sapos em inap mekim.

Yu save Tokyo siti em i stap olsem long Madang na Kobe siti we mi stap long en em i olsem long Mosbi. Olsem na mi no bilip Profesa Kumagai bai kam lukim mi. Planti tingting i ron insait long het bilong mi. Mi no inap sindaun gut olsem na mi go ausait long rum bilong mi na go long ples we mi inap wetim Profesa Kumagai.

Mi wet i go na taim bilong

Profesa Kumagai i kam i abrus. Olsem na mi ting em bai i no inap kam, na mi go bek long rum bilong mi na kalap long bet na redi long slip.

I no long taim, telepon i ring na mi kisim toksave olsem Profesa Kumagai i wetim mi ong 'lobby' o ples bilong sindaun.

"Olaman! Japan em i no wankain long PNG. Profesa Kumagai i kam pinis long lukim mi. Em i kam olsem wanem tru," dispela na planti moa tingting i ron insait long het bilong mi taim mi go daun long bungim em.

Taim mi lukim Profesa Kumagai, klostu mi krai. Mi ting mi stap wanpis long narapela kantri. Tasol dispela man husat mi no save gut long em i kam bungim mi. Em i no man nating. Em wanpela tisa bilong wanpela bikpela yunivesiti long Japan. Tasol em i daunim em yet tru na i mas kam long bungim mi. Maski taim i sot na ples i longwe, em i no wari. Em i mekim mi luk olsem wanpela praim ministra bilong

kantri.

Mi painim hat tru long soim bikpela amamas bilong mi long em. Mi wari na amamas wantaim na em i ken lukim dispela long ai bilong mi.

Olsem na kwiktam em i askim: "Yu kaikai sampela kaikai bilong ol Japan pinis?" Mi tok yes long wanem mi no laikim em i kisim moa hevi bilong baim kaikai bilong mi. Tasol em i askim gen: "Yu kaikai wanem kain kaikai tru ya?" Na mi tok, "Noodles na bret".

Taim em i harim olsem, em i wari moa yet long mi. Na em i tok, "Yu kam mitupela i go long ples bilong kaikai na yumi painim sampela gutpela kaikai bilong Japan."

Orait mi tupela i go long hap bilong siti we i gat planti ol haus kaikai bilong Japan na em i kisim mi i go insait long wanpela bilong ol.

Long duo, mipela i rausim ol su na soks na wokabaut lek nating i go insait. Taim mipela i go insait, ol wok man na meri bilong dispela haus kaikai i kam bau long mipela

na welkamim mipela long pasin bilong Japan.

Orait ol i kisim mipela i go painim wanpela tebol bilong mipela na askim mipela long sindaun na malolo pastaim bipo long mipela i ken askim ol long wanem kain kaikai mipela i laikim.

Mi no inap harim tokples Japan tasol Profesa Kumagai i toksave long mi long wanem ol toktok ol i mekim wantaim em.

I no longtaim ol i bringim sakol stov i kam putim long tebol na askim mipela long kukim kakaruk long sakol paia na kaikai. Bihain ol i bringim rais long stik i kam na askim mipela long kukim long paia na kaikai. Orait ol i bringim sup bin ol i kolim 'Tofu' i kam wan taim kapis bilong Saina na masrum. Bihain ol i bringim kindam sup na wain bilong Japan ol i mekim long rais ol i kolim 'Sake' wantaim bia bilong Japan.

Tru tumas kaikai na dring i winim mi long dispela nait. Mi bin sotwin liklik long kaikai tasol long amamasim Profesa Kumagai mi pinisim olgeta dis.

Taim kaikai i pinis, mipela i go ausait na Profesa Kumagai i baim wanpela teksa na salim mi go bek long hotel mi stap long en. Planti taim em i tok sori long mi olsem em i painim aut long las minit olsem mi stap long Japan na em i no inap kisim mi go stap wantaim famili bilong em.

Profesa Kumagai i lusim mi na i go bek long mekim wok bilong em long dispela nait yet. Tasol pasin em i mekim na ol arapela Japan i mekim long wan wik mi stap long Japan i soim mi tru olsem ol Japan i gat gutpela pasin bilong ol.

# 'Poki masin bagarapim mi na famili'

LEO WAFIWA i raitim

**L**ONG pinis bilong dispela mun, Katolik sios Bisop bilong Vanimo, Cesare Bonivento, i tokaut na egens muv olsem Vanimo provinsal gavman noken oraitim laisens o tokorait pepa bilong wanpela moa haus bilong pilai poka masin i kamap long taun.

Em i tok olsem bikos em bilip dispela bai givim moa hevi long ol pipel na famili bilong ol. Ol man bai tromoi moa mani long pilai poki masin. Na bai nogat mani bilong baim kaikai bilong haus o lukautim famili.

Em i tok kain liklik taun olsem Vanimo we liklik mani em ol pablik sevan i kisim em planti i go long poki masin.

Na em i askim strong provinsal gavman long luksave long dispela. Na noken bringim moa hevi i go insait long kain liklik taun olsem Vanimo, na tu long Sandaun provins wantaim.

Olgeta samting i stap nau long han bilong Gavana John Tekwie long skelim na mekim tokorait. Tasol olsem piksa i kamap pinis long ol arapela provins, dispela taim, ol politisian i no save skelim o tingim askim bilong ol pipel. Ol mekim samting long laik na tingting bilong ol tasol.

Olsem long Madang, Katolik sios wantaim ol Non Gavman Ogenaisesen grup, ol studen wantaim mama na arapela manmeri i egensim poka long go insait long taun na provins bilong ol.

Gavana Jim Kas i kisim askim na kra i bilong ol. Tasol nau, poka masin i stap insait pinis long provins.

Kain stail i pasin i bihain olsem larim ol toktok, mipela wetim wik na mun i kam i go, na bai ol pipel i egens i lus tingting. Na mipela ken kisim poki masin i go insait long provins.

Wanwan manmeri long dispela ples graun i gat we bilong ol yet long skelim gutpela na nogut bilong poka masin. Mi laik stori long wanpela man, husat mi bungim long dispela wik. Na em autim stori bilong em long wanem hevi poki masin i givim long em na famili.

Sapos ol politisian i ritim dispela stori, em bai gutpela long ol i skelim na mekim disisen long dispela pilai laki masin. Tasol mipela save olsem ol i no save skelim kain stori, ol save mekim disisen bilong ol pinis. Dispela stori em bilong traime tasol.

Man ya i les long trupela nem bilong em i kamap long niuspepa. Olsem na bai mi kolim em Wilson. Nau em i wanpela strongpela lotu man long Waigani Katrolik peris long Mosbi.

**W**ilson i bilong ples klostu long boda bilong Sandaun provins na Irian Jaya provins bilong Indonesia. Em i wanpela sinia wokman long wanpela praivet kampani long Mosbi. Na i gat wanpela gutpela naispela meri stret bilong Wes Irian. Tupela i gat 4-pela pikinini, tripela pikinini man na wanpela pikinini meri.

Wilson tok em pinisim skul long Yunivesiti ov Papua Niugini long Mosbi na wok wantaim dispela kampani. Na kisim gutpela promosen bikos long hatwok na save bilong em. Na save kisim gutpela pe. Na tu gat gutpela haus slip. Na save go long ovasis planti taim.

Em i tok sampela yia i go pinis taim poki masin i kam insait, em i no save long pilai. Em harim liklik stori long masin ya save grisim ol manmeri long westim mani. Olsem na em tok nogat tru long pilai.



Tasol wanpela taim long pres klap o klap bilong ol nius manmeri long Mosbi, em tok em traime tasol. Dispela traime tasol i kisim em i go insait olgeta.

Em amamas stret olsem em save winim K200, K500 o K600. Em i no winim moa long K1,000. Tasol dispela mani em i winim, save pinis kwik. "Mi na misis baim kaikai long k100 samting, na ol hap mani bai mi kisim na go bek pilai, wantaim tingting olsem bai mi winim sampela moa. Tasol nogat," em i tok.

Wok bilong Wilson save kisim em i go long kainkain hap bilong ovasis kantri. Wanpela taim kampani salim em long go long Ostrelia. Mani em kampani givim bilong lukautim em long Ostrelia, em go tromoi olgeta long poki masin long Fraide.

"Sore, Kas mi tingting planti olsem wanem bai mi baim ea pot takis bilong go, na tu baim haus slip na kaikai bilong mi long Ostrelia. Lewa bilong mi sot olgeta," em i tok. "Mekim na mi yusim fotnait pe long pilai moa. Tasol olgeta fotnait pe tu i pinis."

Wilson tingting planti nau. Sapos em i no go long Ostrelia long kos, bai em tok olsem wanem long bos bilong em. Na tu olsem wanem bai em lusim famili wanpela i stap long Mosbi wantaim nogat kaikai.

Ol trik pasin we em stat go insait nau bikos long poki masin i kamap nau. Em go giamanim wanpela pren olsem kampani rausim pe bilong sampela dinau em bin kisim. Olsem na em laikim helpim. "Poro na famili em ol lotu lain. Ol givim mi K650 olgeta," em i tok.

Dispela i sevim em long givim sampela mani long famili na em go long Ostrelia. Na tu long Ostrelia, em laki bikos ol lain i holim o ronim kos i givim em alowens long hap.

Taim em kam bek, Wilson i no senis. Poki masin i stap yet long blut bilong em. "Poro, sampela nait mi no save slip. Mi save malolo tasol long bed na driman olsem mi paitim State of Origin masin long 90 bet stret, na ol gol pos i lain."

Dispela pasin stap i go na misis bilong Wilson tu i stat long pilai. Olgeta fotnait,

tupela wantaim save pilai. "Sampela taim bikos mi lukim olsem mitupela lusim moa mani, mi bai krosim misis long stap long haus wantaim ol pikinini, na bai mi wanpela i go pilai."

Mekim i go na Wilson painimaut olsem misis save hait na go pilai long poki masin long ol narapela klap o hap.

Em nau, tupela lukim olsem moni i wok long sot. Tupela stat kisim dinau long ol hailans i stap klostu long tupela. Planti fotnait ol hailans i kam bung long haus long kisim mani bilong ol.

Na tupela luksave olsem tupela i nogat inap mani long bekim olgeta dinau mani. Tupela hailans meri go kisim plis i kam. "Kas bilong mi, mi stat putim olgeta hevi i go long misis gen. Bikos em tu laik pilai," Wilson tok.

"Mipela stretim dispela hevi long ausait. Mi bekim mani bilong ol long wanpela fotnait. Tasol mipela nogat tru kaikai long haus. Mekim na mi na misis go dinau long narapela lain gen long setelmen," em i tok.

Mekim na dispela i fosim Wilson long mekim sampela stil pasin long opis. Em tok em save mekim sampela giaman pepa wok long akauns opis we em wok olsem wanpela kuskus. Na bai stilim mani.

Ol famili long ples i ring long mani, em bai nogat olgeta. Mekim i go na taim lapun mama bilong em i dai, em painim hat olgeta. Em i nogat tru wanpela mani long baim balus, baim kofin, na go mekim kastom pasin long ples. Na planim bodi bilong mama bilong em.

Dispela em i mekim Wilson i wari tru. Ol dinau i go bikpela na em belhat na risain long wok. Bikos wantaim pinis pe bai em bekim olgeta dinau. Em bekim olgeta dinau, na kisim liklik na go long ples.

Long tripela yia olgeta, Wilson stap long ples. Na luksave long hevi bilong em. "Poki masin bagarapim mi na famili," em tok. Em lusim tu pasin bilong spak na raun nabaut,

pilai poki na kam bek painim wok long Mosbi.

Nau em kisim wanpela nupela wok na em amamas na tenkim papa God long helpim em. "Kas, mipela save lus tingting olsem papa God i stap. Mi go long ples, mi prea, go long lotu, joinim felosip na lusim olgeta dispela pasin. Na askim God papa long prea long helpim mi. Olsem na nau mi kam stap gut wantaim famili long nupela wok," Wilson tok.

Wilson gat strongpela tingting olsem poki masin i givim moa hevi long famili na kantri. "Bikos famili em i as bilong gutpela komyuniti, mi pilim gutpela long autim dispela stori we mi bilip planti manmeri i ekspiriensim tu. Tasol ol i pret o sem long autim. Na bai givim tingting long ol lida na arapela manmeri long luksave olsem dispela laki masin i no gutpela."


Wilson i tok nau yet em makim olsem em lusim pinis klostu long K20,000 long poki masin.

## FRI BAIBEL KOS LONG PAS

I kam long wanpela pren  
long America sapos yu  
laikim fri kos salim nem  
na adres igo long:

**WOL BAIBEL SKUL  
WBS - PNG 12,  
P.O. Box 9346,  
Austin, TX 78766 USA.**

# Tupela poroman kamap birua



BIPO BIPO tru dok na kapul i no save kros pait liklik. Tupela i raun gut na slip long wanpela haus tasol. Wanpela de Misis Kapul i tokim dok olsem em i go long gaden long painim kaikai. Yu stap na brukim paia i stap.

Misis komplem raun long gaden pinis na kam bek long haus na lukim baga dok ya i slip arere long paia i stap na nogat paia i stap tu.

Kapul i lukim na em i bel nogut tru na em i krosim dok olsem. Yu gutpela dok we ya, yu lukim yu pastaim. Skin das bek-sait i go antap na yu wok long kaikai i stap. Yu nogat gaden bilong yu. Na tu yu skelim kaikaim i stap.

Yu raus na go ausait: Kapul i bagarapim baga dok nogut tru. Baga ya lukluk i go na lap i go antap long skai. Skai i stap na lukluk i go daun long graun i stap. Plis aiwara bilong baga dok ya i pundaun na hatim lewa tru. Baga dok i belhat nogut tru na statim pait na tupela i pait. Tupela i giaman tasol. Na bhain kankain kapul in kam bung. Na



kankain dok i kam bung. Nau ol i stat long kros. Na bikpela pait i kamap long tupela lain wanpinis na ol dok i strong sait bilong ol na ronim kapul. Kapul i ronawe

na go nabaut long bikbus. Nau yumi save dok na kapul tupela i no save stap wanbel na kaikai wantaim. Tupela i kamap olsem birua na taim ol man i laik go

painim kapul, ol i save kisim dog i go long ronim na kilim kapul.

**Mark Uma**  
Kundiawa, Sumbu provins.

Nem: Mathias J. Japeth  
Krismas: 16 (man)  
Adres: P.O. Box 3679, Lae, 411, Morobe Province.

Save laikim: Ritim buk, lukim piksa, waswas long nambis, raun wantaim ol pren, raitim pas long ol pren na bai mi amamas tasol long bekim olgeta pas yupela husat i rait i kam long mi

Nem: Martin Levi  
Krismas: 23 (man)  
Adres: DAL, P.O. Box 125, Wau, Morobe Province.

Save laikim: lotu, wok gaden, Pathfinden kem, kukim kaikai, stori wantaim ol brata na susa long Jisas.

Nem: Blasius J. Yawi  
Krismas: 17 (man)  
Adres: Togulo Plantation, P.O. Box 923, Kimbe, West New Britain Province.

Save laikim: Go lotu long Sande, pilai soka, ragbi tas, volibal, pilai gita na singsing lotu.

Nem: Pauline Alex  
Krismas: 19 (meri)  
Adres: New Town Store, P.O. Box 41, Bialla, WNBP.  
Save laikim: Go lotu, waswas long nambis, go wok na pilai gem.

Nem: Eki Kamson  
Krismas: 18 (man)  
Adres: Satgu Trading, P.O. Box 114, Aitape, Sandaun Province.  
Save laikim: Mekim pren, raitim pas i go i kam, lukim TV na pilai basketbal.

Nem: Ronson Kay  
Krismas: 17 (man)  
Adres: Togulo Plantation, P.O. Box 9923, Kimbe, WNBP.  
Save laikim: Waswas long wara na bekim ol pas bilong ol pren.

Nem: Tom Fox Mathias  
Krismas: 19 (man)  
Adres: C/ Togulo Plantation Division (1), Kimbe, West New Britain Province.  
Save laikim: Go lotu, harim dai musik, waswas long wara, raitim pas long ol pen-pren, sensim poto na nekles, raun long taun na stori wantaim ol poro meri.

Nem: Amba Hanson  
Krismas: 15 (meri)  
Adres: Church of Christ, P.O. Box 102, Wau, Morobe Province.  
Save laikim: Lakim basketbal, soka, mekimtok pilai wantaim pren na go long lotu.

Nem: Mercy Koomson  
Krismas: 24 (man)  
Adres: Nana Bema Street, P.O. Box 864, Oguaa - Ghana.  
Save laikim: Wokim penpren wantaim ol PNG lain na bungim na amamas wantaim ol.

Nem: Dominic Didiyo  
Krismas: 16 (man)  
Adres: Kanabea Primary School, P.O. Box 29, via Kerema, Gulf Province.

Save laikim: Pilai gem, helpim papama, ritim niuspepa, raitim pas, go lotu long Sande, harim gospel riding, mekim fani wantaim ol pren long skul na long ples. Mekim penpren na harim PNG Pop musik na serim ol presen wantaim ol man-meri long ples.

## Nupela mama wari olsem presa bilong blut i stap antap yet



**Dia LAIPLAIN,**

Taim mi kisim bel long pikinini i stap ol nes i tokim mi olsem presa bilong blut bilong mi i bin go antap tru (high blood pressure). Tupela lek bilong mi i sulap na pispis bilong mi tu i no stret. Ol nes i tokim mi long kisim planti malalo na mi bin bhainim olsem ol i tok.

Insait long olgeta tupela wik mi save go lukim ol nes. Tasol bhain long taim mi kisim pikinini, presa bilong blut bilong mi i no go daun liklik. Nau mi wok long go lukim ol dokta na nes yet i stap. Wari na askim bilong mi i olsem, bai presa bilong blut bilong mi i go daun tu o nogat?

**NUPELA MAMA**

**DIA PREN,**

Wanpela dokta i gat dispela hap tok long mekim long ol meri i painim dispela kain hevi o wari:

Taim ol mama i redi long kisim namba wan pikinini bilong ol, presa bilong blut bilong ol i save go antap. Na tu ol lek, han na pes bilong ol tu i save sulap. Insait long pispis bilong ol mama tu bai i gat sampela protin we ol i save kolim "albumen" i save kamap.

Plantu taim dispela kain hevi o wari i save lusim ol mama bhain tasol long ol i kisim pikinini. Tasol long sampela wanwan mama dispela kain samting i no save pinis hariap. Sampela taim ol arapela kain sik i stap long bodi bilong mama tu i ken kamapim dispela hevi. Sampela taim kain hevi i ken kamap taim kidni bilong yu i no wok stret. Dispela i min olsem kisim bel long pikinini tasol i no kamapim dispela hevi o wari. Narapela sik long bodi bilong mama ken mekim na presa bilong blut i go antap tru long dispela taim mama i kisim bel.

Yu no tokaut long amas wik o mun i go pinis taim yu kisim pikinini. Sapos dispela hevi bilong yu i bin stap wantaim yu olsem 3-pela mun i go pinis bhain long yu bin kisim pikinini orait dokta i ting yu mas go nau na lukim wanpela dokta i gat save long dispela kain hevi (medical specialist).

Ol dokta i ken sekim sapos narapela kain sik i mekim presa bilong blut i go antap. Sapos yu gat narapela sik orait ol dokta i ken helpim yu long dispela.

Sapos yu kisim planti skin tumas (overweight) orait yu mas traim na lusim sampela. Sampela taim ol dokta bai askim yu long kisim liklik sol wantaim kaikai.

Em i gutpela tru sapos yu kisim presa bilong blut bilong yu i kam daun na stap stret long mak bilong em.

Na tu, mipela i no klia olsem ol nes i sekim presa bilong blut bilong yu longpela taim i go pinis o nogat. Nogut yu no save olsem yu stap orait pinis. Mipela bilip olsem ol nes tu i save toksave long ol mama o ol sik manmeri long sampela rot bilong bringim i kam daun presa bilong blut na stap stret long mak bilong em.

**LAIPLAIN**

Sapos yu gat hevi, raitim pas long LIFE-LINE. P.O. Box 6047, Boroko o ring long telefon 3260011. Taim yu raitim pas long mipela, raitim nem na adres bilong yu. Mipela inap bekim pas bilong yu stret sapos yu raitim adres na adres bilong yu stret stret. Long dispela seksen, yumi save toktok stret long ol hevi na wari stret tasol tru nem na arapela samting long yu em mipela i no save soim.

# KANAGE

"Em nau, narapela wik bilong mi ken"



AIYOO, SORI!  
YU WET, PILAI  
I PINIS PASTAIM  
!!

AIYOO, NAMBA-5!  
KAIN KIK BILONG YU TU,  
YAH! MI GAT LAIK LONG  
DISPELA KAIN KIK, YAH!



**K**anage bilong Simbu. Wapela taim em i go raun long wara Waghi long painim pis i no longtaim em painim raun na lukim wapela turis wait-meri hapsait long wara. Kwiktaim lapun ya i no isi hariap tasol yusim hap bruk Inglis na tok. Can I come and helpim yu?, na meri ya i no bekim liklik. Lapun hariap tasol swim long wan han tasol go hapsait we meri stap long en, na hosim em long beksait bilong en. Taim tupela kam namel stret long wara na lapun Kanage tromoim meri ya go antap na ketsim em gen na tok: Are you pekpek sut? Na meri ya i no bekim na Kanage kirap na tok gen. When I karim yu go hapsait I will maritim yu. Waitmeri harim na tok, in your dreams. Na Kanage tok, thats the my dreams.

**Draipa Michael  
Simbu**

Kanage bilong ples Pindiu long hap bilong Finsafen, Morobe provins. Wapela taim pes taim bilong em long kam ron tasol long Hailans. Em nau, Kanage i kam stap long Banz taun ol i save kolim Jiwaka fri kantri. Apinun nau na Kanage i kam i stap long win haus na wapela ples meri i bungim бага ya pinis na askim em long kam karim lek na kukim nus wantaim em. Kanage i amamas tasol em i no save liklik long hau long karim lek na kukim nus. Taim ol yangpela meri insait long haus bilong ol yangpela meri long taim yet ol i stap sambai pinis wantaim pren meri bilong Kanage. Kanage i kisim paul tingting. Em i no save liklik long karim lek wantaim ol meri Hailans. Em tingting planti i go na ting olsem ol i save karim lek long solda na бага ya apim tupela lek bilong meri ya na tromoi antap long solda bilong em. Ol manmeri lukim na ol i kilim skin long indai stret long lap na Kanage ting olsem em i rong pinis na бага ya lus nating long hap nait.

**Steve Paka  
Mt Hagen**

Kanage i wapela sip kuk long Pam Lodge Hotel long Kimbe. Wapela taim ankol bilong em i kam kamap long em long haus bilong em ankol bilong em tu i bagarap long hangre. Em i laik kuk tasol nogat Kanage i tokim em long stap na malolo na bai i kuk bilong ol. Em nau Kanage i stat long kukim rais na kumu. Rais na kumu i tang pinis na i kalap long kukim noodles. Em i putim fraipan antap long paia i no long taim na putim noodles i go insait long fraipan. Em nau em i go ausait na mekim save long kaikai buai i stap. Ankol bilong em i smelim smel bilong kaikai olsem i paia. Em i singaut i go long Kanage - ankol mi smelim smel bilong noodles ya nogut i paia pinis ya. Kanage i go insait long haus kuk na lukim olsem noodles ya i bilak insait long fraipan. Ankol bilong em i lukim olsem na i askim Kanage bai olsem wanem nau. Kanage i kirap na tokim ankol bilong em noken wari. Em kuk bilong Pam Lodge

Hotel olsem. Yu kaikai na i go insait long bodi bilong yu i orait tasol. Wapela samting mi wok long tingting planti long en. Em rot bilong kaukau nogut i blok na yu stap longpela taim long haus sik na yu no inap long lukim Misis bilong yu. Ankol bilong Kanage i kirap na askim em, yu tok wanem. Tasol nogat Kanage i go long haus kuk na lus olgeta.

**Thomas Ken  
Kimbe**

Lapun Kanage i save wok olsem wokboi long haus bilong wapela waitman long Lae siti. I no long taim na waitman ya laik go bek long kantri bilong em, olsem na Kanage wantaim em i go daun. long main wof. San tu hat tru na waitman i go painim kolples bilong stap na wetim sip. I no long taim na em i slip idai long as bilong talis diwai. Kanage sindaun wari na putim ai long sip. I no long taim na wapela bikpela haiwe trak bilong ABCO i kam na i putim hon bilong em... Po - Op -- Po-o-Op!! Man lapun Kanage kirap nogut stret na bikmaus, Masta! Masta! I can see a sip a coming .... waitman kirap na tokim Kanage olsem - "where about!! tok pisin bilong Kanage paul na em bekim olsem - "I don't care" .... mekim na waitman belhat stret long lapun Kanage.

**Isaac. S. Leva  
Mendi**

Kanage em bilong Kuminumbis long Maprik na em wapela hap man bilong pilai soka. Wapela taim Sir Lus Tonamen i laik kamap long Maprik taun na Kanage wantaim ol boi bilong em i bin wok hat nogut tru long trening na ol i save slip long kem. Pilai i stat na tim bilong Kanage go pilai, ol i mekim save na Kanage putim wapela gol, i no long taim Kanage kisim bal gen long rait wing na ron stret long gol mak. Wapela resa bilong taun i singaut long Kanage olsem, aiyoo Kanage dispela em bilong mi stret. Kanage tanim lukim resa ya na givim hatpela small tasol na em

tekov. Pilai i pinis na Kanage kisim bikpela taim na em i no toksave na tekov stret long kem. Kanage i no tingting long kuk kaikai nogat em kirap kisim poro bilong em na tupela tekov long waswas bai tupela i go slip. Tupela slip i go na Kanage driman. Long driman em lukim resa ya, em i no wet, em kirap holim pasim poro bilong em long bet. Poro ting Kanage laik pait long em na nogat em brukim nus bilong Kanage na em tekov.

**Kanage pren  
Maprik**

Kanage bilong Lumi distrik, na marit insait long Lumi yet em i gat nambawan pikinini man, nem bilong em Mineas. Wapela taim em i go wok na mama bilong Mineas i lusim em tupela na em i go marit long hap long Wewak. Kanage kam long apinun na ting olsem em kukim rais, na mi amamas long kam kaikai, mi kam ol tokim mi meri bilong yu Tonna em lusim yu pinis. Man mi krai long em olsem pikinini krai long sispop. Kanage wok long kampani bilong Malesia, taim ftoait bilong mi, mi on long dring, ting olsem bos i no inap rausim em. Wapela taim bos i rausim mi painim taim stret. nau mi wokabout olsem man i no save wok bipo. Em tingim laip bipo em save i stap long em.

**Alphonse Ribbi  
Vanimo**

Kanage bilong Wibu. Na em marit long Tari. Wapela taim em draiv i go long Tari na em holim long 5 gia. Na klostu em laik go kamap long Tari i gat wapela bris i stap. Wapela masta i stap long Tari na em laik i go long lalibu na em tu holim long 5 gia na kam. Long dispela bris tupela i bam: Na masta ya i kam aut long ka na sanap. Na bihain liklik Kanage kam aut long ka. Na masta i bagarap na i tok. You son of a beach. Na Kanage i tingting planti." Yu sanap longwe. Yu tu sanap long bris." Na mipela i kilim skin long Tari bris ya i no isi isi.

**Johnson Combil  
lalibu**

Kanage em bilong Koma Woluk long Nuku. Kanage em i gat tupela poro bilong em. Wapela taim paps Kanage i gat bikpela laik tru long go lukim tupela poro bilong em. Taim em i lusim ples Koma na em i wokabout i go. Na taim em i kamap long rot. Sem taim tu wapela ka i kam stop stret long paps Kanage. Insait long ka i gat tupela whatman i stap na tupela i askim paps Kanage olsem where are you going from. Taim paps Kanage i harim dispela hap tok na em paul olgeta yu save man long ples ya. Em kirap na tokim tupela waitman olsem. I like to go and see my tupela poro. Taim tupela waitman i harim olsem. Tupela i kilim skin stret long lap na tupela i tekov na taim em i wokabout i go namel long rot em i lukim poro bilong em i sanap long rot na paps Kanage i singaut na tok olsem o o o tambu one one antap na tut u tamblo. Taim em i tromoi dispela hap tok long poro bilong em. Na poro bilong em paul na paul.

**Junia Nickson M.  
Vanimo**

Kanage em bilong Wes Taraka long Lae, Morobe provins. Wapela taim gutpela piksa i kamap long haus piksa, olsem na Kanage i kisim poro bilong em na tupela i go long haus piksa, na i lukim piksa i stap. Dispela piksa em i piksa bilong Rambo em bin pait wantaim Mista T. Kanage i wok long sapotim Rambo bikos em i laik skin olsem Rambo yet. Kanage i ting olsem poro i sapotim Mista T bikos kala bilong poro i blak olsem Mista T. Taim Kanage i lukim Rambo i daunim het tu i daunim het taim em i lukim Rambo i blok em tu i blok. Taim Kanage i lukim Rambo i panch, em tu i tromoi han isi tru long poro. Long las minit Mista Ti givim hat wan long Rambo, man Mista T. i pinisim Rambo. Poro wok long lap tasol i stap. Bihain stret Rambo i givim

wapela hot wan tru long Mista T. Em nau Kanage i givim hot wan long poro, Rambo givim narapela hot wan long Mista T. Kanage givim wan long poro. Kanage i pinisim poro na em i lukim long piksa ya nogat Rambo i pinisim Mista T. Kanage i givim hot wan gen long poro na poro i spak olgeta. Kanage lusim poro na go long haus na poro i go long haus sik. Taim sik bilong poro i pinis tupela i go sanap long kot. Kanage i harim jas i tok i go na em i belhat na em i bikmaus olsem. "Mi tupela Rambo yet i kisim na poro tupela yet Mista T i kisim. Kanage go moa yet na tok, "Rambo i pinisim Mista T, mi pinisim poro, nau olsem wanem? Mi tupela Rambo i winim tupela Mista T em i mak bilong mi long winim kot. Kanage i tok olsem na i go long haus.

**Robert Kul  
Mt Hagen**

Kanage em bilong Woluk long Nuku wapela taim em i gat bikpela laik tru long go raun long Wassisi. Long bikmoning tru em i lusim Woluk na em wokabout i go. Na taim em i kamap long Wassisi. Nek bilong em i drai long dring wara. Na em i go long Girls Vocational Store na em i askim stoakipa olsem hamas long wapela kokela bilong yu. Stoakipa meri ya i paul na em askim paps Kanage gen olsem yu tok wanem. Paps Kanage tanim na tok gen olsem hamas long yu wantaim koka kola bilong yu. Trangu meri i sem na tokim paps Kanage olsem e e e yu maski lapun tu laik wip yet. Kanage i harim olsem na kirap tokim meri ya olsem. Na bai olsem wanem yangpela tasol na lapun bai nogat. Lapun tu em eks difens ya.

**Junia Nickson M  
Vanimo**

Kanage em i bilong distrik Wanpanamanda long Enga Provinsal tasol em i kisim wapela blok long Hagen. Kanage em i kamap papagraun long Hagen i go na wapela taim meri bilong em i lusim em na i go long ples wantaim olgeta pikinini. Kanage em i save go stii long haus bilong wapela lapun man olgeta taim long nait. Lapun man i save mumuim kaukau long hul insait long haus. Wapela taim lapun man i laik kukim kaukau long mumu hol olsem na em i mekim arapela paia na i hotim ol ston. Lapun i hotim ston i go na hot bilong ston i narakain tru. Kala bilong dispela ston i ret olgeta. Na taim lapun i laik mumu stret na em i harim felosip belo i krai na kwiktait em i lusim haus na em i go lotu. Kanage i raun, raun, i go na hangri i pampim em nogut tru. Kanage i save long ples we em i save kisim kaikai long en. Em nau бага nogut i go insait long haus bilong lapun man. Insait long haus em i dak nogut tru olsem na Kanage i krai olsem dok na i go insait. Kanage ii go insait na semtaim em i holim pekpek bilong dok. Kanage i smelim olsem em i pekpek bilong dok, orait em semtaim klinim han bilong em long retpela ston na taim han bilong em i tasim ston, han bilong em i paia nogut tru. Taim han bilong em i paia em i putim han bilong em wantaim pekpek i go insait long maus bilong em na rapim pekpek long tang bilong em na i kisim taim nogut tru na i go long haus. Bihain, em i no save go stii moa long haus bilong lapun man.

**Robert Kul  
Mt Hagen**

# KANAGE



**W**anpela taim Kanage i tokim sampela hangre bel olsem, "yupela i kam katim kunai long haus bilong mi na bai mi kukim traipela dis rais na bai yupela i kaikai i go na spak olgeta. Ol hangere bel i harim rais, man, ol i nekim traipela wok i go na kunai i pinis. Kanage i gat K2 tasol long baim rais. Kanage i karim K2 i go planim long as bilong diwai na i pre olsem, "putim wanpela moa K2 long hia. Kanage i go raun, raun i go na bihain em i go long as bilong diwai na sekim tasol K2 i stap. Kanage i belhat long God na em i go long haus. Kanage i kisim wanpela karamap rais na i go kukim long haus. Ol hangere bel i wok pinis na hangere i pampim ol moa yet na ol i kam long haus bilong Kanage. Papa Kanage em i belhat stap ya nogat em i lukim ol i kam na em i belhat moa yet long ol. Taim rais i tan, Kanage i rausim rais na i skelim liklik, liklik long olgeta plet. Sampela ol hangere bel i tromoi ai na lukim plet rais na ol i belhat moa yet long Kanage na mak bilong ol long kilim dai Kanage. Kanage i skelim rais pinis na em i tokim olgeta man long pasim ai na em bai i pre. Olgeta hangere bel ol i no pulap olsem na ol i pinisim Kanage wansait tru.

**Robert Kul**  
**Mt Hagen**

Kanage save holim bes gita bilong Wali Hits ben. Em save pilai gut tru, na wanpela taim ol i go pilai long Hagen so. Ol pilai i go na бага kukim stret na klostu string laik bruk na wanpela meri Konge bagarap stret na tok. Lewa rausim kauboi kep na mi laik lukim liklik ya plis. Na бага Kanage tok, i no man ya han longlong ya kam sekanim han pastaim na bihain kam holim pas. Em kisim pillings long tingting tasol.

**Draipa Michael**  
**Simbu**

Kanage em wanpela masol man stret. Wanpela taim бага i go raun insait long Best Buy Store long Madang na taim бага i laik i go ausait, wanpela sekyuriti meri i holim em bikos fran bilong laplap bilong em i solap. Sekyuriti meri ya i askim Kanage wanem samting yu stilim na haitim insait long laplap? Kanage i tokim meri ya mi no stilman olsem yu, dispela em i hap bodi bilong mi yet. Tasol meri ya strong tru olsem Kanage i stil na em i laik sekim na i putim han long laplap ya we, meri ya kirap nogut tru. Sekyuriti meri ya sem pipia na tekov.

**Stemphill Blaifon**  
**Madang**

Lapun Kanage bilong Karkar ailan. Wanpela moning бага sutim frog i stap na ol liklik bubu bilong em i kam pokim sait bilong em na бага abrus na memeim stret liklik bro wantaim flo.

**Mista S. Blaifon**  
**Madang**

Pestaim tru bilong lapun Kanage kalap long Air Niugini balus na laik go olsem long Kimbe. Taim ol i flai i go, ol arapela pasindia i tokim em olsem nau yumi i stap namel long



Lae na Kimbe. Baga harim olsem, em i singaut long ol Air Hostes long tokim pailot i mas stap long Siassi ailan na em kisim sampela buai long tambu meri bilong em pastaim ol i go.

**S. Balifon**  
**Madang**

Kanage i bilong liklik ples Molka insait long Banz Westen Hailans provins. Wanpela Sarere moning em dres ap gut tru na go raun long Banz Wankona taun. Kanage raun raun i go na apinun tru em laik go bek long ples. Olsem na em kalap long wanpela PMV Dyna bilong ples yet. Long dispela PMV ol manmeri i pulap tru mekim i go na Kanage i no gat ples bilong sindaun gut olsem na em holim trela bilong ka na sanap i stap. Taim ka i lusim rot na i laik go sanap long Molka dispela rot i bagarap na i gat planti pot hol i stap. Kain bilong draiva ya i no isi long dispela hap rot. Ol manmeri antap long ka ya i wok long bikmaus na lap nabaut. Mekim i go na wanpela yangpela meri i nogat ples bilong sindaun gut. Olsem na em kirap laik holim trela bilong ka tasol abrus na em holim hetkota bilong Kanage stret. Long dispela taim stret mama bilong pilings kisim Kanage stret. Kain bilong Kanage ya yu save em kirap bikmaus antap long ka na tok olsem. "Rot i bagarapim olsem na wanem hap yu holim yu mas holim strong tru.

**Johnson Topo M.**  
**Banz**

Kanage em i wanpela manki long ples yet tasol wanpela samting em i gat wanpela pren meri bilong Ostrelia. Wanpela taim dispela pren meri long Ostrelia i kam long haus bilong Kanage. Tupela stori stap i go na tupela tok long go raun liklik long Banz laur. Tupela raun raun long traipela san i go na nek bilong tupela i drai olgeta. Olsem na tupela i go insait long GS Trading long baim ol sof-drings. Pren meri Ostrelia i baim wanpela Fanta Botol na Kanage i baim wanpela Coke Botol. Yu save san i hot nogut tru na tupela

mekim save long dring. Pren meri Ostrelia i pinisim dring bilong em na putim botol i go daun na tok olsem. Wa "Ha" Fantastik!! Yu save kain bilong Kanage em tu pinisim Botol Coke bilong em na putim botol i go daun na tok olsem. "Wa" Ha Cokkastik. Man pren meri Ostrelia i nogat toktok long dispela taim. Olsem na em lusim Kanage na go pinis.

**Opo M.**  
**Banz**

Kanage wantaim liklik Junia bilong em i go raun long daun taun. Raun i stap na em saitim wanpela opis meri. Man! Kanage tromoim ol tok pinis bilong em long autim stret meri ya! I no long taim na meri askim. Kanage - "pikinini bilong yu hal, em luk olsem papa bilong em stret." Pilings wantaim na Kanage bekim. "My Junior." Meri kirap na laik go bek long wok na em tok pilai tasol long Kanage olsem - "I want a photocopy, please? Taim Kanage harim olsem, hariap stret em go long stoa long painim ol photocopy masin. Em ting olsem opis meri mas laikim tru wanpela long opis bilong em. Tasol Tarangu long papa Kanage. meri askim em long chip photocopy tasol paps autim ekspensiv photocopy masin stret.

**Isacc S. Leva**  
**Mendi**

Paps Kanage bisi tru long stori na em i no save olsem maket bilong em i op. Wanpela blu lang i flai i go na sindaun stret long het bilong liklik bro na meri bilong em i laik kilim long han ya we, bagarapim tru sindaun bilong masta bilong em na ambulens i kisim em i go long bikpela haus sik.

**S. Blaifon**  
**Madang**

Kanage i go lukim piksa bilong Blue Hilla long wanpela haus piksa long 4 Mile Lae. Na em i sindaun baksait long wanpela Jeebu na lukim Bruce Lee i wok long tromoi han na lek na sem taim tu Kanage i wok long tromoi han na lek bilong em mekim i go i go. Kanage lus

kontrol olgeta na tromoi han ya, baksait bilong бага Jeebu i pairap na Jeebu ya i kauntim sta wantaim mun na i go sot long namel. Na em i tokim Kanage olsem ai bro, yu no save olsem mi wanpela raskol lida?. Na Kanage i bekim i go bek long Jeebu?. Na yu no save olsem mi wanpela geng lida bilong Bruce Lee long Saina?. Trangu man Jeebu i foks na em i no stap, em lus nating insait long haus piksa na man Kanage i singaut i go long Jeebu, pinisim piksa pastaim em bai rait na rait olgeta. Em tasol liklik hap pas bilong Kanage tok pilai.

**Anauya Jembok**  
**Lae**

Kanage i bilong Buang na em i go raun long top taun long Lae siti na em i tromoi ai long wanpela meri Sepik i stap na sem taim tu meri Sepik tu em i tanim na brukim ai long Kanage. Man Kanage i kisim bikpela pilings stret na kam bungim meri Sepik na tupela i raun i stap. Na Kanage i askim meri Sepik ya yu bilong wanem hap stret? Na meri ya i tok em bilong Saut Pasifik. Olsem Kanage i tok tru ya olsem kain sanap na wokabaut bilong yu i olsem Pasifik meri stret ya. Na meri i askim Kanage yu bilong wanem hap stret na Kanage i tok, mi bilong Guam ples bilong waitman ya. Samting tru em Kanage bilong Buang long Morobe provins, Lae.

**Ananya Jembok**  
**Lae**

Kanage bilong Siassi ailan. Wanpela taim Kanage em kisim liklik kanu bilong en na i go huk long rif i stap. Taim Kanage em huk pekpek kilim em nogut tru na Kanage rausim trausis na tromoi pekpek i go insait long solwara. Taim em holim string long narapela han bilong en na holim liklik stik long arapela han bilong en na wok long klinim as bilong en wantaim stik na taim em klinim as bilong en yet, pis pulim string na Kanage tingting bilong en-paul pinis na hariap tasol putim stik ya planti pekpek i pas long en i go insait long maus bilong en na

taitim tit stret long stik na pulim pis i kamaul long kanu pinis. Nau em Kanage smelim pekpek na pilim pait long maus bilong em, sore Kanage swerim pis nogut tru na spet 100 taim na em tekov.

**Supa Hulisi**  
**Lae**

Kanage bilong ples Magani long Apa Mape. Wanpela taim Kanage i kisim balus na kam long Lae siti. Na klostu long Nazab, balus i no pundaun yet na Kanage i opim dua hariap na krunguim taya bilong balus na em i tokim pailot "Whats this!" Na pailot i tok "Em i taya" Na Kanage i tokim pailot olsem "Mi tu mi i gat tupela taya insait long trausis bilong mi. Na pailot i tanim het na tok yu wokim long wanem kain samting tru? Na Kanage i tok mi wokim long ges nogut, nogat bagarap na bruk bilong em. Na pailot i askim olsem "Inap yu salim long mi o? Na Kanage i tok "Nogat ges nogut bai kukim olgeta samting wantaim balus bilong yu. Na Kanage i kisim hanbek bilong em wantaim tupela taya na tekov long Lae siti.

**Ganding Zang**  
**Finsafen**

Kanage bilong Gunuo Komyuniti Skul long Apa Mape Finsafen. Kanage i kisim helikopta na flai i kam long Lae siti. Na Kanage i tok "This place is very hot!" Na i wok-abaut i go long Renbo stoa. Na askim wanpela Misis na i tok, Misis yu i gat samis wantaim bret i stap?. Na Misis i tok Ai o, Niugini boi kusai long Saina meri. Na Kanage i ron tasol i go na kalap long solwara.

**Ganding Zang**  
**Finsafen**

Kanage i stap long ples bilong em long ples Gabensis. Wanpela taim Kanage laik i go long wara bilong ol na waswas. Wara bilong Kanage ya ol i save kolim wara Gorogia. Kanage kirap long moning pasim laplap tasol na kisim tauvel na Kanage tekov i go long wara long waswas. Taim Kanage wokabaut i go kamap long wara na Kanage harim ol meri wok long wasim ol samting na wokim pani i stap long wara. Taim Kanage harim nois Kanage traime hat long spai long ol meri ya tasol em hat long em lukim ol meri. Bikos ol kunai, kau gras na ol nilnil gras tu i pasim em long lukim ol meri long wara. Bikos long dispela hap ya em bilong ol meri stret long waswas na wasim ol samting long en ya. Kanage traime hat long lukim ol meri i go i no inap na Kanage laik ektim olsem wanpela pik o snek na i go klostu long ol meri long wara. Kanage tu i no pret long ol gras nilnil ya. Yu save Kanage laik lukim samting stret long tupela ai mabol bilong em stret ya olsem na Kanage wel i go klostu stret. Kanage wel i go na Kanage laik sanap isi tasol i go antap na lukim ol meri tasol i hat long em long lukim ol meri bikos ol gras i pasim em. Olsem na i nogat spes long Kanage na sindaun i go daun isi tasol gen na бага wel isi isi i go klostu long wara. Taim Kanage wel i go na Kanage ting em orait antap long graun tasol nogat, abrus na Kanage pundaun i go daun long wara. Man! Olgeta meri kirap nogut long Kanage na ol i lukim Kanage sanap as nating long wara. Bikos laplap i lus long Kanage na ol meri i lukim kela bilong Kanage pinis. Man! Olgeta meri krosim Kanage na ol meri tokim Kanage olsem lukim traipela kela man ya antap tambilo man. Man! Kanage sem pipia stret na бага pasim laplap hariap tasol na Kanage sigirapim het na бага tekov i go pinis long ples.

**Roland Jerry**  
**Lae**



## Glasim wok bilong Aitape Disasta

**Dia Edita,**  
LONG Julai 17 1999 Tsunami Disasta i bin kamap long Aitape. Stat long dispela taim i kam inap nau, planti ol gavman bilong arapela kantri i bin givim planti helpim na mani na kago i kam long Aitape long helpim ol pipel bilong Malol, Arop, Warapu na Sisan. Tasol planti bilong ol dispela mani na kago ino bin kamap long ol pipel bilong dispela ol ples.

Long dispela taim mipela ol pipel bilong ol dispela ples i askim Eddie Saweni na ol lain bilong gavman husat i go pas long dispela hevi. Bilong wanem na ol i no laik givim wok go pas long ol pipel bilong dispela ol ples. Ol wok olsem komiti bilong disasta long lukluk long dispela mani na kago na tilim long ol pipel na lukluk long wanem sevis ol pipel i nidim.

Bilong wanem na ol kisim ol pipel bilong arapela ples long lukautim dispela wok. Bikos ol i bin bagarapim wok na planti mani na kago i bin kam tasol ol wokman na wokmeri bilong gavman na misin ol i bin paulim planti mani na kago. Olsem ol i bin stilim

ol samting bilong helpim ol turangu lain.

Mipela ol pipel bilong Malol, Arop, Warapu na Sisan askim Eddie Saweni long tok save long mipela long kantri i bin helpim mipela, gavman bilong yumi mas toksave olsem wanem ol yusim dispela helpim. Mipela laikim yu yet, Eddie Saweni long kam long Aitape na tokaut long dispela samting.

Dispela stil pasin i stat long Mosbi i kam long Wewak na long Aitape. Dispela em bikpela samting mipela ol pipel bilong dispela foapela ples i luk save, tasol han bilong mipela i sot. Mipela askim Eddie Saweni yu mekim wanem long dispela hevi nau i stap wantaim mipela.

Mipela pipel bilong dispela foapela ples i laik tenkim tu ol sios na kantri ol i bin helpim mipela. Mipela luksave long ol na mipela pre long God Papa long blesim ol long gutpela wok bilong ol.

**Luke Sairere  
Aitape**

## Memba bilong Kabwum mas go skul gen

**Dia Edita,**  
Mi wanpela mangi bilong ples. Mi no save long wok bilong ol politisen o ilektoret memba. Mi harim olsem olgeta yia ol save kisim moa long K1 milion.

Memba bilong Kabwum i stap 8pela yia long palamen. Olsem na mi ting olsem, dispela mani bilong olgeta Kabwum pipel em i mas lokim tasol i stap long palamen o mani em Mista Gison Saunu i holim i stap, em yumi ol pipel bilong Kabwum i mas save gut.

Yupela Kabwum pipel noken kamap longlong pikinini na tok yes masta. Inoken harim giaman mauswara bilong kago boi o komiti bilong en, olsem strongpela komiti Mista Gisa long Komban ples.

Dispela Kabwum memba save

givim mani long mekim haus lotu, wara saplai, skul na baim ka bilong distrik opis. Dispela em wok bilong ol kaunsel (lokol level gavman kaunsel). Wok bilong en, em mas wokim bris bilong sip long Wasu, na wokim rot na bus bilong ol bikpela wara. Na wokim rot long Momolili i go long Indagen.

Mipela ino save sanap long graun na kalap go antap long kokonas kisim kulau na kam daun, nogat. Mipela save sanap long as bilong en na isi isi i go antap na kisim kulau.

Yu husat i sapotim em tenkyu tru. Yu husat agensim em tu gutpela olsem bihainim save bilong yu.

**Dapkuan Yatik  
Songera, Kabwum**

## Nogat gutpela plis stesen komanda long Ambunti

**Dia Edita,**  
Mi wanpela man long ples i laik tokaut long Wantok Niuspepa long wanem luksave bilong mi long wok bilong plisman long Ambunti.

Mi laik tokaut olsem, mi save i stap tasol long ples na mi no save go aut long ol taun na siti.

Sampela yia i go pinis long 1970s i kam antap olsem Ambunti plis stesen i bin gat ol gutpela plis stesen komanda olsem na wok bilong plis wantaim lo na oda i kamap gutpela tru.

Tasol stat long taim (Telix Sengi) i kamap plis stesen komanda, wok bilong plis long Ambunti em stat bagarap. Planti pait long Ambunti, brukim haus na go insait na kisim spak brus long olgeta hap. Ol narapela plisman i laikim tru long mekim wok long ol dispela hevi.

Tasol plis stesen komanda (Felix Sengi) em i no klia tumas na em i slek long mekim wok.

We bilong bosim ol plisman bilong em i no gat.

Na tu em pilai wantok sistem tumas.

Mi yet mi no hamamas long dispela pasin plis stesen komanda long Ambunti i mekim. Mi tokaut long Wantok Niuspepa na askim i go long PPC Wewak, komisina (NCD) na boda komisina (Thomas Kulunga) i lukluk na senisim dispela kain PSC olsem o rausim namba bilong em.

Nogut em i hamamas tasol long namba em i gat, na wok plis nogat.

Plantil ol plisman long Ambunti i lukim wok bilong em ino gutpela na go pinis.

Klostu olgeta plisman i go aut long narapela distrik. Tasol laki tru nupela plisman sagan Peter Tupa i kamap. Sagan Tupa em i kamap na mekim wok tru tru olsem plisman.

Narapela ol plisman nau ol i amamas long wok bung wantaim Sagan Peter Tupa. Long wok bilong Sagan Tupa i mekim na Ambunti plis stesen i gat paia, bipo em i stap long tudak.

Lo na oda long Ambunti i

kamap gutpela tru.

Bikos Sagen Tupa i stap. Nogat moa trabel na pait long maket, manmeri na pikinini nau i gat fridom long wokabaut. Tru long wok bilong Sagen Peter Tupa. Askim i go long bikman bilong plis long Is Sepik olsem i gutpela tru long makim Sagen Peter Tupa i kamap plis stesen komanda bilong Ambunti plis stesen na senisim Felix Sengi kam daun namba tu.

Longpela taim Felix Sengi i stap long Ambunti plis stesen na senis i no kamap.

Nogat senisim em na makim Peter Tupa i kamap PSC long Ambunti plis stesen. Nogut Felix Sengi i stap yet long plis stesen Ambunti na mekim pipia.

Em tasol na sapos yu husat i laik sapotim o egensim rait tasol long Wantok Niuspepa bai mi ken lukim.

Mi man long ples.

**Rufas Tauk Miamb  
Ambunti Distrik**

# Andrew Kumbakor mekim gutpela wok


**Dia Edita**

Mi i no save wanbel wantaim sampela ol memba bilong mipela long Sandaun provins.

Tasol, wanpela bilong dispela 5pela memba em, i man tru bilong wok em Andrew Kumbakor. Long ol foapela memba, Micah Wes em i no memba bilong Vanimo/Green, em i memba bilong Enga Reginel na i nogat save bilong bringim developmen. Robert Sakias olsem fes na em i mas planim yet developmen plen bilong telefomin. Eddie Saweni hariap tumas ai i bagarap na no nap lukim ol votas o wanem developmen mas kamap long Aitape Lumi. Reginel memba man bilong paitim bros bilong em na tok, mi, mi, mi.

Mista Tekwie i pulim ol memba ya long painim nupela pati. Bilong wanem na yu no kisim wanpela pot folio. Mi lukim olsem yu giamanim ol 3pela open memba, na namba bai yu kisim, em stail bilong yu.

Tu yu kalap, kalap memba na save fomim wan man pati olsem



bai ol memba joinim yu.

Mista Tekwie 'free trade zone' yu ino save tok ol narapela membas' tu i helpim mi long sapotim dispela 'free trade zone' tasol olgeta taim em yu yet paitim bros na tok mi, mi, mi.

Mista Tekwie yu laikim 'free trade zone', bilong wanem taim yu pinis long wok memba bai yu amamas bilong wanem 10% o 20% bilong komisen bai yu kisim, olsem na mi lukim olsem yu em wanpela gridi lida insait long Sandaun provins. Sapos yu i

kamap olsem Andrew Kumbakor bai i gutpela, bikos developmen long olgeta Sandaun provins i mas kamap pastaim before 'free trade zone' i kamap. Mi i gat bilip olsem Andrew Kumbakor i gat dispela kain plen olsem na long sait bilong agrikalsa Nuku bai i lidim ol pipel bilong Sandaun tenkyu Mista Kumbakor.

Na Mista Tekwie Vanimo salim wanem samting timba tasol ya! Maski dispela em sem tru long kain man olsem yu husat i stap 10 yia na nogat wanpela gutpela samting i kamap long yu, maus tasol olsem mi driman olsem Vanimo i mas narakain na i mas kamap olsem America o Singapore. Dispela pasin bilong yu long driman ya mekim na administrata Maran Nataleo i wok long kamapim dispela pas bilong driman.

Plis lus tingting long driman em bai kisim 20, 30 o 40 yia taim tasol i no nau.

Em tasol.

**James Pami  
Aitape**

# BIKPELA TOKSAVE

# NIU PRAIS 30t

WANTAIM VAT



## TASOL PRAIS LONG DISPELA INO SENIS

# 20t

WANTAIM VAT

# 10t

WANTAIM VAT



NOKEN BAIM MOA LONG OLGETA STUA

### Ol redio anaunsa kisim tok salens

**Dia Edita,**  
MI wanpela mangi Sandaun yet na mi save putim ia olgeta taim long radio Sandaun. Olsem na mi laik autim wari na bel hevi bilong mi long pablik long lukim.

Mi save putim ia long radio Sandaun na mi no save amamas long ol sampela tokpisin na toktok bilong sampela wokman bilong radio Sandaun, long wanem sampela bilong ol wokman bilong radio Sandaun i save toktok long nus na tang na tu toktok bilong ol i save isi isi tru olsem ol pikinini we ino save kamap gut tumas long mipela ol lain save harim radio.

Olsem wanem inap yupela ol bos bilong radio stesen i stretim ol tu o nogat?

Sapos olsem wanem orait lukluk gut long dispela ol wokman ma rausim ol na kisim sampela ol lain husat inap long toktok. I gat planti man i stap we inap long wokim wok gut na maski long sistem na larim ol dispela kain lain i stap.

Em tasol wari bilong mi na mi bai amamas tasol long lukim pas bilong husat egensim o sapatim mi.

**Asuwa Anis Vanimo**

### Pita Lus ino tingim narapela skul

**Dia Edita,**  
Komplan bilong mi i go long memba bilong Maprik Sir Pita Lus. Planti taim Pita Lus i save givim aut mani long ol skul em i gat laik long ol tasol. Em i no save tingim ol narapela, dispela em i no stret long ai bilong mipela sampela. Long dispela as mi laik askim Sir Pita Lus olsem. Dispela mani yu save givim aut long ol skul i kam aut long poket bilong yu? Mi laikim wanpela gutpela bekim i kam long yu yet sapos yu ridim dispela pas, o nogat yu husat bosim opis bilong em long Maprik yu mas bekim. Mi tokim yu stret Sir Pita Lus, yu save wokim olsem wantok sistem. Yu save givim mani i go long ol skul i stap aninit logn SSEC mission o AOG mission.

Long dispela kain longlong pasin tasol na Maprik taun bilong yu bus i karamapim, na planti pot holes.

Nogat kolta long taun. Em tasol na mi laikim gutpela bekim bilong yu. Mi bai hamamas tasol long ridim.

Tenkyu tru.

**Peter Namasil Maprik**

### Tenkyu Mista Lee

**Dia Edita,**  
Planti taim yumi save harim ol stori nogut long ol man i save mekim ol kain kain pasin nogut olsem stopim ol ka, bagarapim ol meri na ol arapela.

Long dispela pas mi laik tok tenkyu long draiva bilong waitpela Land Cruiser ka WAA 925. Long wanpela taim em i bin go hariap stretim rong bilong em. Pastaim ka bilong em i abrus na i sikirapim sait dua bilong ka bilong mi, tasol Mista Lee S em draiva yet long dispela sem de yet i bin i go long Ela Motors na peim K300 bai ol i mas stretim ka bilong mi hariap.

Em tasol. Na yu husat brata o susa i gat narapela gutpela stori long soim olsem wanpela o narapela i helpim yu, yu ken raitim long Wantok Niuspepa bai mipela olgeta i ken ridim na i amamas wantaim yu.

God i ken blesim yumi olgeta.

**Fr. Marek Koscielek svd Catholic Church Ulupu, ESP**

### Giaman nius long Barupu i kam long Rehab opis long Aitape

**Dia Edita,**  
WANPELA toktok bilong Rehabilitation opis long Aitape i toktok long helikopta i karim ol meteriel bilong skul i go long Barupu i no tru. Mipela i karim 25 TUFFA Tanks tasol na i pinis.

Dispela nius bilong yupela long Rehab. Vol 10 - 18 Oktoba 1999 em giaman ripot. Noken traim long raitim nating nem bilong Barupu taim yupela baim baj i go long Sissano long Olbrum nambis.

Na Hevi Lip Sopa i wok long 2 wik long Olbrum we long kos bilong em inap K6,600.00 long wanwan de.

Mipela nau i laikim sem amaun yupela spendim long Hevi Lip Sopa. Yupela mas spendim long rot long Barerea i kam long Ramo na long Ramo i kam long Aroporo wara na 3-pela leya bilong gravel long silim.

Noken giaman long wokim ripot we ol samting long Barupu i no stret yet. Ol sam-

ting olsem, rot, skul graun na bus i karamapim.

Tarpauline i bruk bruk we ren, san i wok long bagarapim ol tisa na sumatin.

So noken traim long raitim nating nem bilong Barupu taim yupela i mekim ol wok kamap long narapela ples.

Tingim mipela long Barupu na Arop ating ples bilong mipela i orait. Solwara i no kilim mipela na bikpela namba bilong ol pipel i no lus na tu yupela i no stap klostu na lukim.

Planti ol samting bilong mipela i bin lus long lagun em ol sampela lain manmeri long Rowoi na Olbrum i wok long kisim.

Ol samting olsem sopen, plet, dis, kap, timba, kanu, padol, beg na sampela moa.

So yupela mas raitim stret ol nius long wanwan ples.

Mipela ol pipel bilong Barupu i no wanbel long yupela yusim nem bilong mipela nat-

### Nipa Kutubu MP i stap we?

**Dia Edita,**  
MI WANPELA man long ples Kombela long ples Nipa laik autim wari na hevi bilong mi long Nipa Kutubu memba.

Nipa Kutubu memba em man bilong Nembi Platue tasol em save i stap yet long Mosbi.

Mipela save tingting olsem em bilong Mosbi siti. Na mipela i no save wanem developmen em wokim long Nipa Kutubu ilektoret.

Ol manmeri save longlong na ol save votim em. Em i stap 15 yia memba tasol em i no save wokim wok bilong ol man na meri.

Sapos yu laik i stap narapela faiv yia yu mas wokim wanpela samting olsem haus sik o sampela liklik han rot.

**Filex Sosi Mendi, Sauten Hailens provins.**

### Pasin pamuk na stil i kamap bikpela

**Dia Edita,**  
MI WANPELA manki long ples. Mi laik autim wari bilong mi go long ol yangpela manmeri.

Mi lukim olsem yangpela manki wok long tok nogut na mekim stil pasin.

Na tu ol yangpela meri na man i mekim pamuk. Dispela pasin em bagarapim papamama bilong yupela na provins na distrik bilong yumi.

Tu long ples mi laik tok liklik long sait long baiabel nau. Lukim long eksodos

20:1-17, Proverb 1:8-19, 1 Korin 6:12-20, ol brata na susa.

Bodi bilong yumi em haus bilong holi spirit. Noken bagarapim gavman na provins na distrik na ples bilong yumi.

Graun we nau yumi stap long en. God bai bagarapim.

Em tasol wari bilong mi na yu husat laik bekim pas. Bekim go long niuspepa.

**Martin Levi Wau, Morobe provins.**

### Taun kaunsil yet bagarapim Kimbe taun

**Dia Edita,**  
MI WANPELA grasrut manki tasol nau mi laik autim wari bilong mi i go long pablik na olgeta manmeri ken lukim.

Kimbe taun i gat planti wokman bilong taun kaunsil. Olsem klina, sekyuriti na sekta plis bilong lukautim Kimbe taun.

Tasol taun kaunsil yet save bagarapim Kimbe taun. Na ol save sutim

tok nating long mipela ol trangu lain we mipela save salim buai long taun. Mi lukim olsem ol sekyuriti save rausim ol trangu lain salim buai long taun na bihain ol go ol yet save spet nambaut, tromoi skin buai nabaut nabaut na ol i no save tromoi stret long pipia dram.

Mi lukim dispela na mi tokaut long pablik na olgeta manmeri ken lukim.

Olsem na pinisim tok tok bilong mi, noken rausim ol trangu lain salim buai long taun. Bikos Kimbe taun stret pulap pipia na i no klin.

Sapos yupela laik save gut wanem hap i gat pipia, em Kisere pulap long skin buai, spet na ol arapela na

long taun spet buai pulap.

Em tasol na husat laik sapat o egnesim mi rait i go long Wantok Niuspepa na bai mi lukim.

**Billy T. Hari Ilu Kimbe, Wes Niu Briten provins.**

### Noken bagarapim gutpela wok bilong Sauten Hailans Gavana

**Dia Edita,**  
MI YET wanpela manki bilong Sauten Hailans provins. Tasol nau mi stap long Mosbi. Long de Fonde Oktoba 21, 1999 Wantok Niuspepa fran pes i tok 4-pela Hailans Gavana bai kisim taim.

Olsem mi laik Andrew Kumbakor wantaim gavman bilong em long olgeta 20 Gavanans mas kisim taim. Sapos em laik wok stret. Bikos long Sauten Hailans provins Anderson Agiru i bin kamapim planti wok long Sauten Hailans provins na sampela em tok em bai wokim na mipela amamas long em. Mipela askim Nesenel Gavman long noken waspendim gavman bilong em na larim em wokim wok bilong em.

**Don Hale Pot Mosbi**

### Arop lukautim 'Sissano lagun'

**Dia Edita,**  
INAP yupela givim mi liklik spes long bekim pas bilong tupela brata ya Moses Moti na Gabriel Antei.

Tupela brata yutupela i wok long kros long wanem lagun bilong yutupela. Brata Moses Moti yu mas tok stret long olgeta manmeri bilong PNG. Olsem lagun em ol manki Arop i lukautim i no yupela ol Sissano. Wankain long brata Gabriel Antei, ol Barupu i lukautim liklik hap tasol.

Harim gut brata, maski long konim ol manmeri olsem yutupela papa bilong lagun. Samting tru em ol Arop i papa bilong lagun.

Em i stret ha? Tupela brata stretim gut tok pisin bilong yutupela maski long giaman nabaut.

Tokim ol manmeri olsem em lagun bilong ol manki Arop, na i no bilong

Barupu na Sissano. Mi ken tok stret long yutupela olem em Arop lagun.

Yutupela harim pinis ha? Maski long kon nabaut tok stret. Lagun em bilong ol Arop.

Arop em ol papa bilong lagun. Olgeta save manmeri ol i save Arop i lukautim bikpela lagun tsunami i kilim olgeta manmeri, pikinini i dai na trip long dispela lagun.

I no Barupu na Sissano harim gut tupela brata bilong mi. Maski long konim ol manmeri bilong PNG.

**Steward Pora Arop, Sandaun provins.**

### Memba bilong Nawai kisim tok salens

**Dia Edita,**  
MI wanpela mangi Sepik mi stap hia long Lae, Morobe provins.

Na mi laik autim wari na lukluk bilong mi long memba bilong Nawai open Kennedy Wenge.

Mista Wenge ino save soim gutpela pasin long ol pipel insait long Nawai na Lae taun. Na tu em i man bilong apim nem bilong em yet bikos mi yet mi stap long taim tru hia long Lae na mi save lukim dispela pasin memba ya

Kennedy Wenge i save mekim ino gutpela long ai bilong yumi ol pipel. Bikos yumi ol pipel i votim yu na yu sanap olsem na yu mas respektim ol pipel. Sapos yumi ol pipel i nogat hau bai yu kamap memba na kisim mani bilong gavman na kaikai. Olsem na Kennedy yu mas tingting long 2002 bai yu sanap o bai yu lus em yu yet nau. Em yumi olgeta man hia long Morobe provins em yumi olgeta i save amamas na apim nem bilong brata bilong em gavana Luta Wenge em i

wanpela man tru tru em i save daunim em yet. Na em i man bilong laikim olgeta manmeri na pikinini.

Em tasol mi autim bel hevi bilong mi wanem mi save lukim long memba bilong Nawai Mista Kennedy Wenge i save mekim.

Sapos yu husat i laik sapatim o egensim em mi stap tasol long lukim long Wantok Niuspepa. Yu ken rait i kam tasol.

**Samson Bob Lae**

### Stopim ol stori bilong Kanage

**Dia Edita,**  
MI wanpela bon agen kristen na nau mi apil long Wantok long noken moa putim kamap stori bilong Kanage. Bikos planti bilong ol stori bilong Kanage em save pulap wantaim ol "Tok Nogut" na piksa nagut tu wantaim.

Plis sapos yumi kristen kantri bilong wanem na ol dispela ol rabis stori save kamap na sutim bel bilong ol yangpela man long kisim moa hevi long repim meri. Plis yu husat i save raitim stori na salim go long Wantok Niuspepa

mas stopim. Bikos yu tu i stap insait long sampela hevi wok long kamap long kantri bilong yumi. Plis ridim Proverbs 26: 18-19, we God tu ino laikim dispela. So em tasol na mi laikim moa sapat kam long ol kristens na stopim dispela pasin we Satan i wok long soim em yet.

Tenkyu na God bles.

**Norbert Tapi Wewak**

**Avera Barupu Aitape, Sandaun provins.**

**TOKSAVE KAM LONG EDITA**  
Wantok i primim nau let bilong ol manmeri wantaim poto we i soim klia pes bilong yupela. Olsem na yupela ken salim tu poto bilong yupela i kam long dispela adres:  
**Painim Penpren, Wantok Niuspepa, P.O. Box 1982, Boroko, National Capital District.**

**WOK BISNIS  
MANDE IGO FRAIDE**

TELIPON:  
**325 2500**

# WANTOK KLASIFAIID

*Niuspepa bilong Yumi Stret, Kamap long olgeta Wik*

## ADVETAISIN SEILS

Miri Aiori ext 214  
John Iagata ext: 217  
Walumi Arapak ext: 213  
Resin Totil ext: 218

*Ringim mipela Nau!*

**PAINIM WOK, PABLIK NOTIS, TOKSAVE, BETDE GRITING, BILONG SALIM na TOK SORI.**

### TOKSAVE

WE WISH TO INFORM ALL OUR SUPPLIERS AND CUSTOMERS THAT 'WORD PUBLISHING COMPANY LIMITED' HAVE BEEN REGISTERED FOR VALUED ADDED TAX.

OUR VAT REGISTRATION NUMBER CONFIRMED BY THE INTERNAL REVENUE COMMISSION (Letter dated, 9th June, 1999.)

is  
**VT 324**

### BETDE GRITING

## BIRTHDAY GREETINGS

### SOL na BRATA

Are you old enough to beat the Millennium Bug?  
*on November 30, 1999.*

Stay Cool and Have a Hot Beer!!

Plis, Toksave long where the Party will be held!!

Best wishes from your workmates at Word, friends and family members in Manus and West Sepik.

Special Hugs and Kisses from  
**Haoda and young Kimberely**  
at Lapwing Drive, Gordons.

### PABLIK NOTIS



## NOTIS: NPF I Y2K KOMPLAIANT

Mipela long Nesenel Providen Fan i hamamas long toksave long olgeta NPF memba olsem mipela i kisim wanpela pas i tok orait olsem dispela "Y2K" binatang bai i no nap bagarapim ol rekot bilong seavings bilong yupela.

Dispela kompiuta kampani Datec i bin givim wanpela pas long NPF long toksave olsem kompiuta netwok bilong NPF em i "Y2K" Komplaiant. NPF i yusim program AS400 long holim olgeta rekot bilong kontribusen bilong ol memba. Taim Yia 2000 i kamap, bai dispela "Y2K" binatang i no nap bagarapim ol rekot bilong kontribusen.

Mipela i soim tu dispela pas i kam long Datec long dispela advatismen.

Datec (PNG) Ltd  
PO Box 504  
Port Moresby  
NCD

November 18th 1999

**Managing Director**  
National Provident Fund  
Boroko

Dear Sir,

Y2K Compliance

We are pleased to advise that the application running on the AS400 system is now Y2K compliant.

We take this opportunity in thanking the staff for their contribution in the testing of the system for Y2K compliance.

Yours Sincerely

Datec (PNG) Limited

**Henry T. Fabila, MBE**  
Managing Director

# CURLS 'n PARADISE Kit



Now Available!

- CONTENTS**
- 5 oz Cold Wave Rearranger Cream
  - 2 oz Booster Lotion
  - 2 oz Moisturizer
  - 4 oz Neutralizing Solution
  - Instruction Sheet
  - Plastic Gloves
  - End Papers

### FOR LONGER LASTING CURLS FOR COARSE HAIR TEXTURES

Designed for easy home use, the Curls 'n Paradise Kit is an effective, yet gentle perm treatment for hard to curl hair. It is especially formulated to give thick, coarse hair textures a soft, longer lasting curl.

Just follow the easy instructions inside for professional looking results. Everything you need in a complete kit for the curly style you desire. Be sure to have a minimum of 36 Curly Perm Rods (large or small rods for desired curl size)

### How to keep a beautiful, long lasting Curly Perm Style

We suggest regular use of the following Ef-Kay Paradise curl care products:

- Paradise Curl Activator
- Paradise Instant Moisturiser
- Paradise Shining & Conditioning Gel
- Curls 'n Paradise Gel Activator



**Net Contents: One Complete Application**  
Available from:  
EF-KAY PRODUCT CO. LTD.  
PO BOX 1671 PORT MORESBY  
PAPUA NEW GUINEA  
PH/FAX: (675) 325 0519 TEL: (675) 325 3400  
Email: efkay\_paradise@yahoo.com  
efkay@datec.com.pg

CURLS 'n PARADISE KIT FOR COARSE, HARD TO CURL HAIR.  
An effective cold wave formula design to give thick, coarse hair a long lasting curl.



• Beta bilong Brown Eagles i Jaik wokim bant long gem egensim Dolphins long Sande long Pot Mosbi men sofbal resis. Eagles win 5-1. Foto: Isaac Ikuvi.

# Ace redi long dabolim taitel

## HENRY MORABANG i raitim

WEWAK Ace husat i winim maina primia i laik dabolim taitel bilong Wewak Soka Asosiesen long dispela wiken.

Oi boi Ace i putim was tasol long sempionsip tropi taim oi bai bungim Medix long gren fainel long Sande. Dispela gem ya em primia gem we bai pulim moa sapota insait long Wewak taun long lukim.

Presiden bilong Wewak Soka Asosiesen David Bandi husat i kisim planti tok salens long ran bilong asosiesen i tokaut olsem gren fainel ya bai wanpela strongpela gem namel long Wewak Ace na Medix.

Ace i gat oi pilaia olsem Dama Karo na Mairy Kerry long lukautim beklain long stapim straika

## WEWAK SOKA RIPOT

bilong Medix long sutim gol.

Civy Karo bai traim yusim olgeta pawa long fran lain sapos Medix i beklain i no was gut long dispela boi. Tupela bosman bilong beklain bilong Medix em Stanley Engol na Walter Talai, oi bai traim stapim oi straika bilong Wewak Ace long skoa.

Wewak Ace i lusim wanpela gutpela pilaia bilong em Ango Karo husat i kisim bagarap long Momase Soka Kap long Madang las mun.

I luk olsem Wewak Ace bai winim dispela fainel ya.

Bandi i tokaut olsem wanem primia tim i win bai autim John Krisoki Kap. Dispela kap em John Krisoki i givim long sapatim soka, na Wewak Soka Asosiesen i amamas long pasin

long givim nem long dispela kap. Lod Meya bilong Wewak Taun Anton Namuesh bai kik-op long fainel na edministreta bilong Wewak distrik John Kiagre bai givim oi tropi.

John Krisoki bilong John Krisoki Konsalten bai givim dispela tropi long wanem primia tim i win.

Presiden Bandi i tokaut olsem wanem oi soka sapota i laik bikhet i mas tingting gut bikos oi plisman bai sambai tasol long wanem trabel i kamap long soka fil.

Insait long oi arapela gret, Gawi bai bungim Mundani long Anda 17, Wewak Ace bai salensim Wewak Eels long Anda 20, Siau bai skelim strong bilong oi yangpela boi bilong Brandi Haiskul long Fes Divisen, Nitduah bai bungim Siau long wimen divisen gren fainel.

## Bears mekim save long Hawks

PITSA Ansaem Bunbun na ketsa bilong em Chris Avuchulas i helpim AB Bears long winim kompetisen lida, Hawks, 1-0 long bikpela gem bilong Pot Mosbi mens sofbal resis long Sande.

Hawks i gat klinpela rekot we em i winim olgeta gem i kam inap las Sande we AB Bears i autim tiket bilong ol.

Bunbun i rekotim 11-pela straik-aut long stapim oi Hawks beta long paitim bal, na ketsa bilong em i paitim wanpela hom ran long winim dispela gem.

Insait long namba foa ining yangpela Avuchulas paitim wanpela bal we i abrusim baundri long mekim hom ran.

Pitsa bilong Hawks Cornie Kirita tu i mekim gutpela wok long stapim oi beta tasol em i no kisim gutpela sapot i kam long oi beta bilong em.

Tupela tim wantaim, AB Bears na Hawks i kamapim gutpela gem stret inap Avuchulas i paitim hom ran.

Planti hom ran tu i kamap long

## POM MENS SOFBAL RIPOT

arapela gem namel long Elcom na Tigers, na tu namel long Manalos na Burmah Raiders we Elcom na Manalos i win.

Long gem namel long Elcom-Tigers, tupela tim i dro 6-6in long faiv ining we Gabriel Pamel (jnr) bilong Tigers na Demas Tovia na brata bilong em Ezekiel Tovia bilong Elcom i paitim hom ran long helpim tim bilong ol.

Elcom em i las long bet long namba faiv ining na William Laku i paitim wanpela hom ran long kam hom na win 7-6.

Na long gem namel long Manalos na Raiders, Oscar Karai, Danny Mong (Manalos) na Esau Vinarang (Tigers) i paitim hom ran.

Pitsa Ismael Marnapal husat i pilai namba wan gem bilong em taim em i joinim tim las wiken i helpim tim long win. Tasol arapela birua pitsa Esau i paitim bal

bilong em long namba tri ining long mekim hom ran we tupela tim i dro 4-all.

Tasol dispela hatwok bilong Esau i popaia taim Karai na Dick Bart Jnr i paitim bal long skorim ran.

Malangan i stat long win gem bihain long Bernard Tito, Erembas Simba, Johnson Tekepan na Xavier Knox i rekotim foapela ran abrusim NGI 4-0.

Sempion tim Brown Eagles i wok long go antap long poin lata isi tasol taim oi i nekim Dolphins 5-2.

Insait long arapela gem, Gazelle i winim MSC 3-1 taim Paskalis Pinia, Peter Urari na Peter Kaminiel i kam hom na pitsa bilong MSC Lucas Marut i mekim wanpela hom ran bilong tim bilong em.

Poin lata nau i sanap olsem Bears 15, Hawks 14, Gazelle 13, Manalos 10, NGI 10, Raiders 8, Malangan 8, Elcom 8, MSC 7, Tigers 2 na Dolphins 2.

## KOKOPO SOFBAL RIPOT

# NGI i holim namba wan spot

NGI i holim yet namba wan spot long poin lata bilong Kokopo sofball resis bihain long em i dro wantaim KYSC 1-1 las wiken.

Lapun bilong namba tri bes, Jack Woiwoi i go pas long tim bilong em long soim olsem oi i noken pilai kaskas long NGI.

Pitsa bilong NGI Herman Wurbul tu i kamapim strongpela gem long stapim oi pilaia long i no krungutim bes.

NGI i gat sans long namba wan ining tasol dispela i no kamap. Sailas Launa i wokabaut i go long namba wan bes. Orait namba tu beta Levi Luke i paitim wanpela gutpela bal bilong pitsa Ilam Balbal na Launa i ran i go long seken bes.

Kepten Woiwoi yet i paitim wanpela gutpela bal long ran i go long

namba wan bes. Na Launa i go long namba tru na Luke i go long namba tu bes ya. Dispela em ful bes nau tasol Launa i no tingting gut na i no ran i go long hom bes na oi KYSC i autim em.

Long namba foa ining Ilak Kairik i kirapim skin bilong KYSC taim em i paitim wanpela gutpela bal na ran i go long tupela bes.

Biel i paitim wanpela gutpela bal tasol Dick Vapot i ketsim. Tasol Bill Roro i paitim wanpela gutpela bal na Kairik i kam hom na em yet i go sanap long namba wan bes.

Tupela beta i aut na skoa i sanap olsem 1-0.

Insait long namba faiv ining, Chris Walling bilong NGI i paitim wanpela gutpela bal na em i go long namba wan bes. Orait oi KYSC i no tromoi gut bal na em i ran i go long namba tu bes.

Em i mekim sampela kain oi liklik stail long winim namba tri bes na bihain em i kam hom long levelim skoa 1-1.

Tupela arapela beta bihain long Walling em aut bikos pitsa bilong Ilam Balbal i strong tru na oi i no paitim bal.

Insait long arapela gem, Konex i winim TSC 3-2, Elcom i autim Stivers 8-5, VYSC dro wantaim Ivarak 10-10, Cat Raiders nekim Tiges 8-4, Vikings winim Barom Eagles 2-0, Ivarak 2 winim Wantoks 3-0.

## Malangan i winim namba wan gem

MALANGAN i wilwilim stret SPI Royals 10-1 insait long sofball bilong oi meri long Mt Hagen las wiken.

Tim husat i bin kamap namba tu las ya. Post PNG Unicats i nekim Wantoks 3-1. Na long resis bilong man, NGI i dro wantaim Elcom 6-all.

Dispela win bilong Malangan em i namba wan bilong dispela sisen bikos oi i soim gutpela stail long pilai stret ya.

## MT HAGEN SOFBAL RIPOT

SPI Royals i namba wan long bat tasol oi i no skorim wanpela ran long namba wan ining.

Orait taim bilong Malangan long namba wan ining, Julian Wanera i paitim gutpela bal long helpim tupela pilaia bilong em Judy Navana na Emma Markis long kam hom long apim skoa i go long 2-0

Mama bilong Emmah Markis,

Pauden i paitim wanpela gutpela bal stret long bringim Juliane Wanera long kam hom na surikim skoa i go long 3-0.

Oi beta bilong Malangan olsem Beverly Elizah, Theresia Sam, Navana wantaim oi arapela pilaia i surikim skoa bilong Malangan i go antap long 9-0. Tasol oi Royals traim hat tru long putim wanpela skoa.


Oi beta bilong Royals olsem Julie Magani, Buka Dori na Margaret Lalagasi i pilai strong tru tasol oi i no kisim gutpela sapot.

Royals i bekim wanpela ran long namba tri ining.

Oi arapela pilaia bilong Malangan olsem Pauden Makis, Evadia Ulatava na Joyce Nulie i traim save tasol i hat liklik ya bilong oi Royals i pasim dua ya.



# Ol eksen poto bilong last wiken long Pot Mosbi



## NOTIS: NPF I Y2K KOMPLAIANT

Mipela long Nesanel Providen Fan I hamamas long toksave long olgeta NPF memba olsem mipela I kism wanpela pas I tok orait olsem dispela "Y2K" binatang bai I no nap bagarapim ol rekot bilong seving bilong yupela.

Dispela kompluta kampani Datec I bin givim wanpela pas long NPF long toksave olsem kompiuta netwok bilong NPF em I "Y2K" Komplaiant. NPF I yusim program AS400 long holim olgeta rekot bilong kontribusen bilong ol memba. Taim Yla 2000 I kamap, bai dispela "Y2K" binatang I no nap bagarapim ol rekot bilong kontribusen.

Mipela i soim tu dispela pas I kam long Datec long dispela advatismen.



Datec (PNG) Ltd  
PO Box 504  
Port Moresby  
NCD

November 19th 1999

Managing Director  
National Provident Fund  
Boroko

Dear Sir,

Y2K Compliance

We are pleased to advise that the application running on the AS400 system is now Y2K compliant.

We take this opportunity in thanking the staff for their contribution in the testing of the system for Y2K compliance.

Yours Sincerely

Datec (PNG) Limited

Henry T. Fabila, MBE  
Managing Director

# Nogat wina long Kumuls West gem

## LFA FAINEL RIPOT

### FRANCO NEBAS i raitim

LAE Futbol Asosiesen (LFA) i statim pinis ol fainels bilong em las wik tasol i bin gat liklik hevi long bikpela gem namel long Blue Kumuls na HC Wests. gem long Sande.

Gem namel long tupela tim Blue Kumuls na HC West i no bin pinis gut bihain long ol pilaia bilong Kumuls i no wanbel long seken gol bilong Wes.

Long dispela taim gem i bin lukim Kumuls i go pas long skoa 2-1 klostu long ful taim,

tasol ol boi long Wes i skoarim namba tu gol bilong ol long levelim skoa 2-2.

Tasol ol opisel bilong Kumuls i tok dispela gol i no inap long kamap long wanem ol i bilip olsem referi i givim moa taim we opisel taim em pinis, kamapim dispela gol.

Referi long dispela gem Deioba Wangas i tokaut olsem em i bihainim opisel taim stret long pinisim dispela gem.

Em i tok, "mi bihainim taim bilong mi stret long pinisim gem. Dispela gol i kamap em i gat taim yet we West i bin skoarim gol long levelim skoa.

Vais presiden teknikal bilong LFA Mista John Peka i tok

aninit long lo bilong FIFA, referi tasol em man i s tap namel long lukautim taim bilong em yet.

Em i tok, "i no olsem ol arapela spot we man bilong was long taim i stap ausait na presim baten long tok em hap taim o fultaim."

"Soka em nogat dispela, referi yet em lukautim taim bilong em long pinisim gen, Em i tok.

Mista Peka i tok Kumuls i no bin wanbel long dispela na putim apil. Peka i tok, "ol i apil tasol i no baim K20, fi long ol eksekutiv bai sindaun na skelim dispela hevi. Em i tok, "mipela givim ol Kumuls inap

Fonde 5 kilok long karim K20, fi bilong ol long mipela mekim disisen, sapos nogat bai mipela givim gem i go long HC West."

Long ol arapela gem pilai, Mitif rausim Tolec Buresong 4-1, (U19) Borabora autim Uni Bulolo 2-0 (wimen), Lig Reref Tolec Buresong 2 winim Mopi o na pes divisen hapa 8 bagarapim sindaun bilong Medics 1.

Long Sande, wimen, Blu Kumuls i winim Mopi 0, Titibur autim Seminar 2-0 long pes divisen, Uni Bulolo nekim Kumuls 2-1 long Rieseef na bara rausim trausis bilong Mopi 2-1 long U16.

## Eremoko i winim taitel bilong Tarangau

### HAGEN SOKA RIPOT

STRAIKA bilong Tarangau Steven Eremoko i go pas long gutpela win bilong klab taim ol i winim BFC 3-2 long Mt Hagen soka mesa semi fainels.

Dispela win bilong Tarangau nau i redim ol long salensim Moremats long gren fainel long dispela wiken. Buang Futbol Klub (BFC) i kamapim gutpela gem stret tasol ol boi Woda i strong tru na winim dispela gem.

BFC i brukim namba wan skoa taim straika Makite Steven i pairapim umben bilong Tarangau. Makite i skoa bikos em i kisim gutpela sapot pilai i kam long Henry Takai, Roger Yupo, Bemka, om Warong na Jeffrey Bulang.

Tasol dispela win i stap liklik taim tasol na Tarangau i bekim. Dispela gol i kamap taim Eremoko yet i sutim dispela gol. Em i wok long kamapim gutpela pilai tru long fowat na em i kisim gutpela helpim i kam long ol wanpilai bilong m olsem Julius Polou, Andrew Tawawe na Kesa Laigom.

Skoa bilong tupela tim wantaim i sanap Tarangau 1 na BFC 1 long hap taim.

Na long namba tu hap, BFC i no westim taim long putim namba tu gol bilong ol.

Orait ol i pilai i go na Eremoko i levelim 2-2.

Tupela tim wantaim i strong tru long kamapim gutpela gem. Orait golkipa bilong BFC i no was gut na Eremoko i putim namba tri gol olgeta. Na dispela i surikim skoa long fultaim we Tarangau i win.

Presiden bilong Mt Hagen Soka Asoisesen Sylvester Sambu i tok gren fainel long dispela wiken bai pulim planti man na meri long lukim.

## Brown Eagles autim YMCA

### LAE SOFBAL RIPOT

BHP Brown Eagles i stapim win bilong Post YMCA long Lae men softbal resis long Sande.

Bihain long namba 8 raun, planti ol tim i painim hat tru long winim YMCA tasol Eagles i tok em liklik samting.

Tupela tim wantaim i kamapim gutpela gem bilong softbal. Na insait long namba siks ining, ketsa bilong Eagles Dickson Woiwoi i paitim wanpela gutpela bal long bringim wan pilaia bilong em Tagaga Ngangau i kam hom. Dispela em wanpela poin tasol we Brown Eagles i win long em.

Paul Willie and John Malamut bilong YMCA i bin traim hat long traim skorim poin tasol infield difens bilong Brown Eagles i strong tru na autim ol.

YMCA i bin traim hat tru tasol taim i sot na ol i lus. Insait long arapela ol gem, Karanas fofitim Taubar, Manalos wilwilim stret Admiralty 8-5, Burmah Raiders Elcess i nekim Coca Cola Avita 6-3. Na long gem bilong ol meri, Karanas fofitim Taubar, YMCA fofitim Brown Eagles, Bismark nekim Malangan 6-1, Aviat waraim stret Raiders 18-2 na Hawks i memeim stret NGI 24-6.

## Brothers stapim win bilong Cruiser

### LAE JUNIOR LIG RIPOT

Barclay Brothers i stapim win bilong Ela Cruisers 14-10 long wanpela gutpela pilai bilong junia ragbi lig resis long Lae long Sande.

Ela Cruisers i win i kam tasol las wik ol i kisim taim long han bilong Brothers.

Dispela em i namba siks raun, na 6-pela tim i wok long resis long Lae Junior Ragbi Lig kompetisen.

Brothers i brukim skoa but wantaim trai i kam long Taiki John. Orait taim ol i pilai yet Roger Newman i surikim skoa na ol i go pas long skoa 8-0. Ol Brothers i lukautim gut dispela skoa i go inap hap taim.

Long namba tu hap, Cruisers i stat long kirapim paia. Huka bilong Cruisers i putim namba wan trai. Orait taim ol i pilai liklik, Faiv-et Winaras Timens i putim namba tu trai na winga Wilk Kaika i kikim konvesen na ol i go pas long skoa 10-8.

Ol Brothers i no giv ap. Ol i pilai strong i go na riserv fowat Nick Jerry i putim wanpela trai. Fulbek bilong Brothers yet Naku Geibob i kisim konvesen na skoa bilong Brothers i go antap long 14-10.



• Ol pilaia bilong Defence na IBS PS United i resis long bal long wanpela kona kik bilong Defence long Pot Mosbi soka gren fainel. Defence i win long penalti kik 4.2. Foto: Issac Ikuavi.

## Bara muv i go long kwalifaing fainel

### LFA RIPOT

BARA soka ab i winim pinis wanpela spot long salensim Tolec Buresong long kwalifaing fainel bihain long em i autim Mopi 2-1 las wiken.

Mopi husat i lus bai bungim win bilong Blue Kumuls na HC Wests. Gem namel long taim ya i no pinis gut bihain long ol pilaia bilong Blue Kumuls i les long go insait long pinisim gem.

LFA i no pinisim gut sisen wantaim ol kompetisen bikos planti hevi i wok long painim edministresen bilong gem.

Bara i no tingting long fainel, tasol ol i soim tru olsem dispela sisen long primia divisen em i no giaman nating, ol tmin tru ya.

Tupela bikem pilaia bilong LFA husat i stap long tim Steven Sebastian na Noa Atu i wok long sut long mak.

Ol i bin traim planti taim na hatwok bilong tupela i karim

kaikai traim Atu i salim wanpela gutpela bal i go long Sebastian na em i kikim bal i go insait long umben.

Tasol ol Mopi i no les, ol i pilai strong tru ya. Ol i strong long Douglas Mopi husat i makini PNG Anda 17 tim long Fiji. Ol i gat pilaia olsem Terence Sam husat i pilai straika long traim bekim gol.

Ol Bara i strong tru na holim yet dispela wanpela gol inap hap taim. Long namba tu hap, Sebastian i

kisim namba tu go long surikim skoa i go long 2-0.

Mopi nau i tingting planti tru bikos ol i painim hat stret long rausim bal long lek bilong Bara.

Tasol Sam i no wari em i kisim wanpela gutpela bal na pairapim umben bilong Bara. Skoa nau i sanap olsem 2-1.

Bihain long dispela gol bilong Sam, ol pilaia bilong Mopi i traim long winim gem tasol ol Bara i tu gut ya



# Wiken Spot Dro

## Private companies netball draw

**Sunday 5th December 1999**

**Division 1**

01:00 Fairdeal vs Word  
01:45 Courts 1 vs Ela Motors  
02:25 CCA vs SPH 1  
03:10 Post 1 vs Pom Travelodge 1

**Division 2**

01:00 Daltron vs Deloittes  
01:45 SPH 2 vs EFM  
02:25 STC 1 vs Brian Bell 1  
03:10 Pom Travelodge 2 vs Raywhite

**Division 3**

01:00 STC 2 vs Pacom  
01:45 Yellow Pages vs Kenmore 1  
02:25 BSP 1 vs Post 2  
03:10 Theodists vs National

**Division 4**

01:00 Pryde vs Arnotts  
01:45 MBA 1 vs Paterson  
02:25 PNG Transport vs Bat 1  
03:10 PNG Stationery vs Brian Bell 2

**Division 5**

01:00 MBA 2 vs Courts 2  
01:45 Trukai vs Goodman 1  
02:25 Mobil vs Islander Travelodge  
03:10 Eda Ranu 1 vs Hitron

**Division 6**

01:00 Remington vs AEI  
01:45 Kenmore 2 vs Air Niugini  
02:25 Bishop vs Lamana  
03:10 Tradewinds vs PNG FM

**Division 7**

01:00 Datec 1 vs BHP Steel 1  
01:45 ANZ Bank 1 vs DHL  
02:25 Avis vs Aust. High Comm  
03:10 Eda Ranu 2 vs Century

**Division 8**

01:00 Datec 2 vs Pro-Link 1  
01:45 BHP Steel 2 vs Oil Search  
02:25 Ericsson vs Goodman 2  
03:10 Bat 2 vs Curtains

**Division 9**

01:00 MI Dwyers vs Kenmore 3  
01:45 Paraka vs Carter Newell  
02:25 Henao vs Renos  
03:10 BDW vs Kina Securities

**Division 10**

01:00 PWHC vs BSP 2  
01:45 Fletchers vs IBS  
02:25 IEA vs Bank - Hawaii  
**Bye:** ANZ Bank 2

**Division 11**

01:00 Pro-Link 2 vs Car Care Centre  
01:45 Hertz vs Hastings  
02:25 HBC vs STC 3  
**Bye:** Pro-Clean

## Wewak football soccer association Draw

**Sunday December 5, 1999.**

**Division** Fixtures

U17 Gawi vs Mundani  
U20 Wewak Ace vs Wewak Eels

**1st Division** Siau vs Brandi High School  
**Womens** Nitouah vs Siau  
**Premier** Medix vs Wewak Ace

## LFA semi finals draw

**Saturday 4th November 1999**

Time	Div.	Fixtures
0800	U19	Mopi vs Blue Kumuls
1000	Women	Bora Bora vs Mopi
1200	L/Res	T/Bureson vs B/Kumuls
1400	1st div.	Hapa vs Seminari
1600	League	Mopi vs HC West/B/Kumuls (winner)

**Sunday 5th November 1999**

0800	U19	Poro vs Winner of game (A)
1000	L/Res	Uni Bulolo vs Bara
1200	1st div.	Titibu vs MDC
1400	Women	Bara vs B/Kumuls
1600	League	Buresong vs Bora Bora

## Lae women softball draws

**1999-2000 season - week nine**

**Saturday 4th December 1999**

### Diamond 1

Time	Grade	Fixtures	Umpire
1100	B	Manolos vs Brown Eagles	M Mago
1230	B	Post Ymca vs Is Hawks	O Palakai
1400	A	Manolos vs Brown Eagles	S Manai
1530	A	Post Ymca vs Is Hawks	J Pinia

### Diamond 2

1100	B	Telikom Komteks vs NGI	K Move
1230	B	Coca-Cola Aviat vs Malangan	Barnabas
1400	A	Telikom Komteks vs NGI	J Uvia
1530	A	Coca-Cola Aviat vs Malangan	T Sapul

### Diamond 3

1100	B	Hero Bismark vs Taubar	J Keleu
1230	B	Admiralty vs Burma Raiders	S Turlom
1400	A	Hero Bismark vs Taubar	R Kunai
1530	A	Admiralty vs Burma Raiders	S Turlom

**Bye:** Karanas

## Lae mens softball draws

**1999-2000 season - week nine**

**Sunday 5th December 1999**

### Diamond 1

Time	Grade	Fixtures	Umpire
1100	B	Manolos vs Brown Eagles	M Mago
1230	B	Post Ymca vs Is Hawks	O Palakai
1400	A	Manolos vs Brown Eagles	S Manai
1530	A	Post Ymca vs Is Hawks	J Pinia

### Diamond 2

1100	B	Telikom Komteks vs NGI	K Move
1230	B	Coca-Cola Aviat vs Malangan	S Barnabas
1400	A	Telikom Komteks vs NGI	J Uvia
1530	A	Coca-Cola Aviat vs Malangan	T Sapul

### Diamond 3

1100	B	Hero Bismark vs Taubar	J Keleu
1230	B	Admiralty vs Burma Raiders	S Turlom
1400	A	Hero Bismark vs Taubar	R Kunai
1530	A	Admiralty vs Burma Raiders	S Turlom

**Bye:** Karanas

## OKKAINHENS Rugby association

**pre-season Draw**

**For game two**

**Sunday December 6, 1999.**

### HOHOLA OVAL

08:00am	Negiso Warriors vs Yamaso	B	Depao
08:30am	Nami bros vs Megusa	B	
	Livingstone		
09:00am	Kesosa vs Tapaya	B	Gipson
09:30am	Negifi Bears vs Usu United	B	Robert
10:00am	Henz vs A.I. Sharks	B	Bobby
10:30am	Comix vs Gordons Ridges	B	Fato
11:30am	Negiso Warriors vs Yamaso	A	
	Livingstone		
12:30pm	Nami Bros vs Megusa	A	Fato
13:30pm	Kesosa vs Tapaya	A	Depao
14:30pm	Negifi Bears vs Usu United	A	Robert
15:30pm	Henz vs A.I. Sharks	A	Robert
16:30pm	Comix vs Gordons Ridges	A	Gipson

## National Rugby League Draw for 2000

### ROUND 1 - February 5-6-7

Sydney City v Parramatta, St George Illawarra v Cronulla, Penrith v North Queensland, Canberra v Canterbury, Northern Eagles vs Newcastle, Auckland v Melbourne, Wests Tigers v Brisbane, Double header at Stadium Australia.

### ROUND 2 - February 11-12-13

Parramatta v Brisbane, Cronulla v Sydney City, St George Illawarra vs North Queensland, Canterbury v Penrith, Canberra v Northern Eagles, Newcastle v Melbourne, Wests Tigers v Auckland.

### ROUND 3 - February 18-19-20

Parramatta v Cronulla, Sydney City vs North Queensland, St George Illawarra v Canterbury, Northern Eagles v Penrith, Canberra v Melbourne, Newcastle v Wests Tigers, Auckland v Brisbane.

### ROUND 4 - February 25-26-27

Parramatta v North Queensland, Cronulla v Brisbane, Sydney City v Canterbury, Northern Eagles v St George Illawarra, Penrith v Melbourne, Wests Tigers v Canberra, Auckland v Newcastle.

### ROUND 5 - March 3-4-5

Canterbury v Parramatta, North Queensland v Cronulla, Sydney City v Northern Eagles, Melbourne v St George Illawarra, Wests Tigers v Penrith, Canberra v Auckland, Brisbane v Newcastle.

### ROUND 6 - March 10-11-12

Parramatta v Northern Eagles, Cronulla v Canterbury, North Queensland v Brisbane, Melbourne v Sydney City, St George Illawarra v Wests Tigers, Penrith v Auckland, Newcastle v Canberra.

### ROUND 7 - March 17-18-19

Melbourne v Parramatta, Northern Eagles v Cronulla, Canterbury v North Queensland, Sydney City v Wests Tigers, Auckland v St George Illawarra, Penrith v Newcastle, Brisbane vs Canberra.

### ROUND 8 - March 24-25-26

Wests Tigers vs Parramatta, Cronulla v Melbourne, North Queensland v Northern Eagles, Brisbane v Canterbury, Auckland v Sydney City, Newcastle v St George Illawarra, Canberra v Penrith.

### ROUND 9 - March 31 - April 1-2

Parramatta v Penrith, Canberra v Cronulla, Newcastle v North Queensland, Canterbury v Auckland, Northern Eagles v Wests Tigers, Brisbane v Melbourne, St George Illawarra v Sydney City.

### ROUND 10 - April 7-8-9

Parramatta v Penrith, Canberra v Cronulla, Newcastle v North Queensland, Canterbury v Auckland, Northern Eagles v Wests Tigers, Brisbane v Melbourne, St George Illawarra v Sydney City.

### ROUND 11 - April 14-15-16

Canberra v Parramatta, Cronulla v Newcastle, North Queensland v Auckland, Wests Tigers v Canterbury, Melbourne v Northern Eagles, Penrith v Sydney City, Brisbane v St George Illawarra.

### ANZAC TEST - April 21 (Good Friday)

### ROUND 12 - April 22-23

Newcastle v Parramatta, Auckland v Cronulla, Wests Tigers v North Queensland, Canterbury v Melbourne, Northern Eagles v Brisbane, Sydney City v Canberra, St George Illawarra v Penrith.

### ROUND 13 - April 28-29-30

Brisbane v Parramatta, Sydney City v Cronulla, North Queensland v St George Illawarra, Penrith v Canterbury, Northern Eagles v Wests Tigers, Canberra, Melbourne v Newcastle, Auckland v Wests Tigers.

### ROUND 14 - May 5-6-7

Parramatta v Melbourne, Cronulla v Northern Eagles, North Queensland v Canterbury, Wests Tigers v Sydney City, St George Illawarra v Auckland, Newcastle v Penrith, Canberra v Brisbane.

### STATE OF ORIGIN GAME ONE - May 10

### ROUND 15 - May 12-13-14

Parramatta v St George Illawarra, Cronulla v Penrith, Canberra v North Queensland, Canterbury v Newcastle, Northern Eagles v Auckland, Melbourne v Wests Tigers, Brisbane v Sydney City.

### ROUND 16 - May 19-20-21

Penrith v Parramatta, Cronulla v Canberra, North Queensland v Newcastle, Auckland v Canterbury, Wests Tigers v Northern Eagles, Melbourne v Brisbane, Sydney City v St George Illawarra.

### STATE OF ORIGIN GAME 2 - May 24

### ROUND 17 - May 26-27-28

North Queensland v Parramatta, Brisbane v Cronulla, Canterbury v Sydney City, St George Illawarra v Northern Eagles, Melbourne v Penrith, Canberra v Wests Tigers, Newcastle v Auckland.

### ROUND 18 - June 2-3-4

Parramatta v Canterbury, Cronulla v North Queensland, Northern Eagles v Sydney, St George Illawarra v Melbourne, Penrith v Wests Tigers, Auckland v Canberra, Newcastle v Brisbane.

### STATE OF ORIGIN GAME 3 - June 7

### ROUND 19 - June 9-10-11

Northern Eagles v Parramatta, Canterbury v Cronulla, Brisbane v North Queensland, Sydney City v Melbourne, Wests Tigers v St George Illawarra, Auckland v Penrith, Canberra v Newcastle.

### ROUND 20 - June 16-17-18

Parramatta v Sydney, Cronulla v St George Illawarra, North Queensland v Penrith, Canterbury v Canberra, Newcastle v Northern Eagles, Melbourne v Auckland, Brisbane v Wests Tigers.

### ROUND 21 - June 23-24-25

Parramatta v Wests Tigers, Melbourne v Cronulla, Northern Eagles v North Queensland, Canterbury v Brisbane, Sydney City v Auckland, St George Illawarra v Newcastle Knights, Penrith v Canberra.

### ROUND 22 - June 30-July-1-4

Auckland v Parramatta, West Tigers v Cronulla, North Queensland v Melbourne, Newcastle v Sydney City, Canberra v St George Illawarra, Brisbane v Penrith.

### ROUND 23 - July 7-8-9

Parramatta v Newcastle, Cronulla v Auckland, North Queensland v Wests Tigers, Melbourne v Canterbury, Brisbane v Northern Eagles, Canberra v Sydney City, Penrith v St George Illawarra.

### ROUND 24 - July 14-15-16

Parramatta v Canberra, Newcastle v Cronulla, Auckland v North Queensland, Canterbury v Wests Tigers, Northern Eagles v Melbourne, Sydney City v Penrith, St George Illawarra v Brisbane.

### ROUND 25 - July 21-22-23

Cronulla v Parramatta, North Queensland v Sydney City, Canterbury v St George Illawarra, Penrith v Northern Eagles, Melbourne v Canberra, Wests Tigers v Newcastle, Brisbane v Auckland.


### ROUND 26 - July 28-29-30

St George Illawarra v Parramatta, Penrith v Cronulla, North Queensland v Canberra, Newcastle v Canterbury, Auckland v Northern Eagles, Wests Tigers v Melbourne, Sydney City v Brisbane.



# ZENAG - Gutpela kiau

# WANTOK SPOT



## Nandex bai tren pait fultaim long Australia

**HENRY MORABANG i raitim**

BIKNEM kikkbosa bilong Wol na tu PNG Stanley Nandex i bin kisim wanpela askim long go tren na pait fultaim long Sidney, Australia, neks ya.

Wanpela mausman bilong Wol Kikkboksing Asosiesen (WKA) Paul Crimer i bin askim Nandex long go stap wantaim em na tren na pait. Nandex i tokim Wantok olsem em yet i amamas tru long dispela askim i kam long kikkboksing long Australia.


Crimer husat tu i makim maus bilong WKA long Australia i bin lukim Nandex i pait wantaim wanpela biknem paitman bilong Australia yet, Steve Roland, na em i autim em long namba tu raun.

Taim Crimer lukim olsem Roland i slip long floa, em i go askim tim menesa bilong Nandex, Ower Ila sapos Nandex i ken tren long Australia na pait.

Nandex yet i no inap mekim planti toktok long dispela askim, na menesa Owa Ila yet bai mekim ol toktok long bihain taim.

Ripot i soim aut olsem Crimer i amamas long kain save na stail bilong Nandex long pait. Em i tok sapos Nandex i stap wantaim em bai traim skulim em gut long sampela teknik long autim ol birua bilong em.

Nau yet Crimer i pasim pinis 30 pait bilong Nandex long neks ya. Crimer yet em wanpela sempionman long kikkboksing. Nau yet em i namba 5 long wol na i save



• Nandex (lephan) na Yura i soim sampela ol stail bilong kikkboksing.

helpim long strongim wok bilong kikkboksing long Australia.

Nandex tu autim plen bilong em olsem sapos em i strong na winim fultaim trening long Australia, em bai askim Crimer long kisim ol sampela yangpela paitman bilong PNG olsem Peter Lailai na Gabi Yura long

go tren na pait tu long Australia na ovasis kantri ya.

Long pinisim olgeta toktok, Nandex i tenkim Chevron Niugini, MRDC, Air Niugini, Gobe Field Engineering, ol sapota na tu famili bilong em long sapatim em long pait kikkboksing.

## Lak holim gren fainel

**NU AILAN SPOT STORI**

LAK Spot Asosiesen (LSA) insait long Saut Is Kos bilong Namatani long Nu Ailan provins i bin holim gren fainel long namba wan taim long Silu Sab distrik oval long Sarere. Dispela pilai i bin kamap long Novemba 20

Fainel ya em bilong 7-asait volibal bilong man na bilong ol meri wantaim.

Na long gem bilong ol man Silur Agil Jets i soim olsem ol i gat namba yet taim ol i daunim strongpela umben bilong Tahron Nots long 2-pela trai na Nots i long kamap sempion bilong Lak.

Jets i o bin westim taim long stat bilong pilai na salim hariap Joe Tokinkin Todai long kirapim das na sko bilong kisim ol i go pas long 1-nil.

Nots i ritim hariap stail bilong Jets na kamap wantaim strongpela banis bilong stopim ol inap long pinis bilong namba wan hap.

Hatpela toktok i kam long kosa bilong Nots Andrew Kalial na long seken hap Nots i paia i go ken na setim winga Victor Tom long levelim skoa i go wan wan.

Planti moa sans bilong Nots i bin go lus nating long wanem ol i bin wok long hariap, hariap long pilai na olsem planti asua i kamap.

Tupela tim wantaim tim i go kam na Agil Jets kepten Wolly Tom i wokim wanpela gutpela brek na ran i go olgeta na lukluk raun long trai lain bilong Nots. Dispela trai i bin kamap namel long gutpela sapot pilai i kam long Francis Blackie, Steven Towit na Todai. Sko i bin sanap olsem inap olsem taim.

Nots i bin lus tasol ol i bin pilai hat tru inap pinis bilong gem, kain pilai olsem Andrew Kalial, Koniel Tolipmen, Bruno Tomene na Tom.

Long gren fainel bilong ol meri long volibal, St Judas bilong Silur i soim olsem ol yet i sempion long volibal long Lak taim ol i autim tiket bilong ol lain susa bilong ol long Bakum, Agil Jets. St Judas 2 i winim tupela sets na Agil Jets em wanpela tasol ya.

I bin gat unia salens i bin kamap tu long dispela de namel long Silur Praimeri Skul na Weitin.

I bin wanpela gutpela de tru na i bin nogat trabel. President bilong Lak Spots Asosiesen Elvit Remas i tok tenk yu i go long ol tim, sapota, komiti, polisman na husat i helpim bilong mekim dispela de i kamap gut tru. LSA i bin-kolim aut nem bilong 25 pilai bilong makim Lak long Seven Asait tonamen i kama plong Kavieng long Ista, 2000.

Nem bilong ol pilai em Matkamlagir Vikings - Peter Waisale, Jacob Salot, Elson Toaniti na Leon Waisale, Weitin Logging Slaves - Kevin Topaen na Ben Elude. Udam Eagles - Daniel Laurai, amos Aloysius, Eliuda Tobiring August na Revit Eliuda.

Suantarar Conquerore-Ngald Joseph, August Remas na Philip Ruasol, Siar Eastern Storms - Neriusu Temanawai Toarbusai na Michael Tolian, Silur Agil Jets - Wolly Tom, Joe Tokinkin Todai, Francis Blackie, Steven Towit na Kasimir Katai.

Tahron Norths - Konel Tolipman, Bruno Tomene, Andrew Kalial na Victor Tom.

Ol opisels: Kosa - Desmond Dangit; Trena; Wolly Tom, Fablisti - Philip Tom; Teknikol edvaisis - Gleopas Warpit. Tim Menesa - Elvit Remas.

## Difens winim PMSA taitel

LAE Bisket Defence soka klab i win Pot Mosbi soka taitel taim ol i winim IBS PS Yunaited long penalti kik 4-2 long Sande.

Moa long 2000 manmeri i bin kamap long lukim dispela soka fainel. Difens em i lapun bilong gren fainel tasol ol yangpela pikinini PS i laik soim stail tu olsem ol i ken kik long primia divisien.

Tupela tim wantaim i dro 1-1 long fultaim. Orait taim ol i kikim penalti, Difens i sutim tripela gol na PS Yunaited i sutim wanpela tasol.

Gem ya i kamap gut tru. Tupela sait wantaim i kamapim gutpela stail long

pilai we planti soka sapota i amamas long lukim.

Namba wan gol bilong PS i kamap olsem yu save lukim long wol kap ya. Gol ya i kamap insait long 20 minit long namba wan hap taim Jimmy Korei i kisim bal na Terence Sowneni.

Orait Sowneni i giaman long puim golkipa bilong Difens Robert N'Dramoi i kam aut na em i kikim abrusim het bilong kipa na Sydney Kekedo husat i sambai long gol maus i sakim bal isi i go long umben.

Dispela gol nau i kirapim tru skin bilong ol boi Ami. Ol midfilda bilong Difens olsem Vincent Wricken, Selan

Elizah na David Kaepapa i wok long kamapim gutpela gem stret ya.

Difens i gat sans long bekim gol taim ol i mekim wanpela in-dairek kik na Kaepapa i givim pawa kik tasol i abrus ya.

Ol boi Ami i laik smelim umben bilong PS Yunaited tasol yangpela junia PNG pilai Adolf Horris i rausim gut bal ya.

PS Yunaited i winim Rapatona na go sindaun long gren fainel. Tasol Difens i hatwok tru long winim Babaka, Blue Kumuls na Rapatona long pilai insait long gren

fainel. Na eksperiens bilong ol i winim dispela gem ya.

Insait long namba tu hap, ol PS Yunaited i wok long tingting planti nau na i no pilai gut tumas.

Olsem na insait long wanpela kona kik David Kaepapa i kikim na Michael Tobias i hetim na go insait long levelim skoa.

Kaepapa i bin kikim tripela kona kik olgeta tasol wanpela tasol i go insait. Arapela tupela i kam pas stret long han bilong golkipa bilong PS Yunaited Ronald Simon.

Insait long arapela gem, Telikom meri i wilwilim stret Tolegu 3-0.

**Em i Gutpela  
Em i Tuna  
Em i bilong  
PNG stret...**

PROUDLY



- ◆ Tuna kam long solwara bilong Papua Niugini Stret.
- ◆ 100% tuna mit stret, nogat bun na nogat skin.
- ◆ Planti mit istap long olgeta tin.
- ◆ Nambawan tru long kisim protein bilong buildim masol. Em i gat Vaitamen D. na Selenium bilong helpim yu long rausim na pait long sik kensa na ol sik bilong lewa.
- ◆ Prais inap tru long yu baim.



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.